

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 99. sjednici, održanoj 16.06.2017. godine, d o n o s i

ZAKLJUČAK

I.

Utvrdjuje se Prijedlog Zakona o srednjoj školi.

II.

Prijedlog Zakona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 16.06.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

PRIJEDLOG

Na osnovu člana 37. tačka f), Ustava Zeničko-dobojskog kantona, Skupština Zeničko-dobojskog kantona, na sjednici _____ održanoj _____ 2017. godine, d o n o s i:

ZAKON O SREDNJOJ ŠKOLI

DIO PRVI - OSNOVNE ODREDBE

Član 1. (Predmet Zakona)

- (1) Ovim zakonom uređuje se obavljanje djelatnosti srednjeg obrazovanja i odgoja, osnivanje, organizacija i finansiranje srednje škole, prava i obaveze učenika, roditelja/staratelja, upravljanje i rukovođenje u srednjoj školi, rad stručnih organa u srednjoj školi, status nastavnika, stručnih saradnika, saradnika i ostalih radnika u srednjoj školi, pedagoško-stručni nadzor i druga pitanja od značaja za obavljanje djelatnosti srednjeg obrazovanja i odgoja i djelatnost domova učenika na području Zeničko-dobojskog kantona.
- (2) Odredbe ovog zakona primjenjivat će se i na srednje škole koje su od posebnog javnog interesa, ukoliko to posebnim zakonom nije drugačije regulisano.

Član 2. (Upotreba rodnoosjetljivog jezika)

Gramatički izrazi upotrijebljeni u ovom zakonu za označavanje muškog ili ženskog roda podrazumijevaju oba roda.

Član 3. (Značenje pojedinih izraza)

- (1) Definicije koje se koriste u ovom zakonu, imaju sljedeće značenje:
 - a) Srednja škola je ustanova u kojoj se vrši srednje obrazovanje i odgoj učenika/polaznika koji su završili osnovnu školu.
 - b) Dom učenika je ustanova koja obezbjeđuje učenicima smještaj, ishranu, odgojno-obrazovni rad, staranje o zdravlju, kulturno-zabavne i sportsko-rekreativne aktivnosti.
 - c) Registar srednjih škola i domova učenika je dokument u koji se upisuju podaci o srednjim školama i domovima učenika koje ispunjavaju uslove za obavljanje djelatnosti srednjeg obrazovanja i odgoja, koji vodi Ministarstvo za obrazovanje, nauku, kulturu i sport Zeničko-dobojskog kantona.
 - d) Učenik srednje škole je subjekt u obrazovno-odgojnom procesu u svim njegovim etapama od planiranja, preko realizacije do vrednovanja koji na dan upisa nije stariji od 18 godina.
 - e) Učenici sa posebnim obrazovnim potrebama su učenici koji otežano prate nastavni proces usljed prisutnog invaliditeta ili poteškoće, kao i nadareni učenici, (uzroci su tjelesna, senzorna ili intelektualna ometenost, poremećaji u ponašanju, teška hronična oboljenja, emocionalni poremećaji, poremećaji govorno-jezičke komunikacije, kombinovane smetnje, dugotrajne bolesti i mogu biti stalni i prolazni).
 - f) Vijeće učenika sačinjavaju demokratski odabrani predstavnici odjeljenjskih zajednica (odjeljenja) koji udruženo djeluju u srednjoj školi na polju ostvarivanja

neposredne saradnje sa organima škole, lokalnom i širom društvenom zajednicom, domaćim i stranim vladinim i nevladinim organizacijama, a sve u cilju unapređenja djelotvornosti rada škole.

- g) Roditelji-staratelji-usvojitelji (u daljem tekstu: *roditelji*) su osnovni odgajatelji svoje djece i obavezni su svojoj djeci osigurati redovno pohađanje odabrane srednje škole.
- h) Vijeće roditelja sačinjavaju demokratski odabrani predstavnici roditelja ispred svakog odjeljenja koji udruženo djeluju u srednjoj školi na polju ostvarivanja neposredne saradnje sa organima škole, lokalnom i širom društvenom zajednicom, domaćim i stranim vladinim i nevladinim organizacijama, a sve u cilju unapređenja djelotvornosti rada škole.
- i) Nastavnik je lice kvalifikovano za izvođenje nastave, odnosno za obrazovno-odgojni rad sa djecom, mladima i odraslima koji treba imati široko opće obrazovanje, poznavati psihološko-pedagoške i didaktičko-metodičke osnove nastave i odgoja, te imati ljudske kvalitete za nastavničku profesiju.
- j) Stručni saradnik je lice kvalifikovano za obavljanje pedagoških, psiholoških, pedagoško-psiholoških i drugih poslova u srednjoj školi.
- k) Saradnik je kvalifikovano lice angažovano u obrazovno-odgojnom radu pod stručnim nadzorom nastavnika.
- l) Pripravnik je lice koje prvi put zasniva radni odnos u srednjoj školi na poslovima i radnim zadacima nastavnika ili stručnog saradnika radi stručnog osposobljavanja za samostalan rad.
- m) Volonter je lice sa poslovnom sposobnošću ili umanjenom poslovnom sposobnošću koje volontira i koje se kao takvo može angažovati u srednjoj školi, (volonterski rad) u skladu sa zakonom.
- n) Nastavničko vijeće je stručni organ u srednjoj školi, a sačinjavaju ga svi nastavnici i stručni saradnici kojim rukovodi direktor srednje škole.
- o) Razredno vijeće je stručni organ u srednjoj školi i sačinjavaju ga nastavnici koji realizuju nastavu u istom razredu, a u srednjoj školi formira se onoliko razrednih vijeća koliko je razreda, kojim rukovode razrednici.
- p) Stručni aktiv je stručni organ u srednjoj školi, a sačinjavaju ga nastavnici određene oblasti ili srodnih nastavnih oblasti, kojim rukovodi predsjednik stručnog aktiva.
- r) Razrednik je stručni voditelj odjeljenja.
- s) Direktor je organ rukovođenja u srednjoj školi i domu učenika.
- t) Školski odbor je organ upravljanja u srednjoj školi.
- u) Školska godina traje od 1. septembra tekuće do 31. augusta naredne godine.
- v) Nastavna godina traje 35 nastavnih sedmica, odnosno 30 nastavnih sedmica za učenike završnih razreda i u pravilu počinje prvog radnog dana u mjesecu septembru.
- z) Pedagoški standardi i Normativi školskog prostora su podzakonski akti kojim se utvrđuju zajednički kriteriji za: veličinu škole i školski prostor; broj učenika u odjeljenju i odgojnoj grupi; broj i strukturu nastavnog kadra, normu časova i obim rada u okviru 40-časovne radne sedmice, broj i strukturu stručnih saradnika i saradnika; broj rukovodnog osoblja; broj administrativno-fnansijskog osoblja; broj pomoćnog i tehničkog osoblja; vannastavne aktivnosti; društvenu i kulturnu djelatnost škole; učenički standard, te normativi školskog prostora, opreme, nastavnih sredstava i pomagala za srednju školu.
- aa) Godišnji program rada škole je dokument koji sadrži cjelokupni plan i program rada srednje škole za jednu školsku godinu.
- ab) Nastavni plan i program je dokument na osnovu kojeg se ostvaruje obrazovno-odgojni rad u srednjoj školi, kojim se utvrđuju ciljevi, zadaci, sadržaji, oblici i postupci –obrazovno-odgojnog rada, izvođenje općeobrazovne, stručno-teoretske i

- praktične nastave u pojedinim razredima, ili drugim oblicima nastave, a koji donosi Ministarstvo za obrazovanje, nauku, kulturu i sport Zeničko-dobojskog kantona.
- ac) Modularni nastavni planovi i programi su nastavni planovi i programi razvijeni na osnovu reformskih programa srednjeg stručnog obrazovanja primjenom modularne metodologije.
- ad) Modul je zaokružena cjelina, nezavisni, ali koherentni i samostojeći skup ishoda učenja, u sklopu šireg predmeta ili sam, sa jasno definisanim sadržajem i unaprijed određenom metodologijom i standardima ocjenjivanja.
- ae) Nastava je institucionalno organizovani i vaninstitucionalni stvaralački napor u savladavanju propisanih nastavnih sadržaja i sticanja znanja, sposobnosti, navika, vještina i osposobljavanje za dalji permanentni rad s ciljem da se razvije kritička, slobodna, autonomna, stvaralačka, humana, obrazovana, multikulturna, multietična i multikonfesionalna ličnost učenika, otvorena za sve sadašnje i buduće progresivne promjene u sebi i društvu (sredini) u kojem se nalazi.
- af) Vannastavne aktivnosti su jedan od ostalih oblika neposrednog obrazovno-odgojnog rada, a odnose se na aktivnosti učenika koje se organizuju radi produbljivanja i razvijanja njihovih stvaralačkih sposobnosti, sticanja pozitivnih navika i vještina u slobodnom vremenu.
- ag) Ocjenjivanje je postupak vrednovanja svih relevantnih činjenica o postignućima učenika tokom praćenja, provjeravanja i ispitivanja, a izražava se brojčanom ocjenom.
- ah) Odgojno-disciplinske mjere u srednjoj školi su mjere koje se izriču učeniku koji se neprimjereno odnosi prema učenju, nastavnicima, drugim učenicima, vannastavnim aktivnostima, te školskoj imovini.
- ai) Pedagoško-stručni nadzor je postupak nadzora nad organizacijom, izvođenjem nastave i drugim oblicima obrazovno-odgojnog rada, radom nastavnika, stručnih saradnika i saradnika u svim srednjim školama radi kontinuiranog unapređivanja obrazovno-odgojnog rada.
- aj) Inkluzivno obrazovanje se odnosi na praksu uključivanja svih učenika bez obzira na njihove razlike u odgovarajuće srednje škole, u skladu sa njihovim individualnim potrebama i mogućnostima.
- ak) Mentor je iskusan nastavnik/stručni saradnik koji interaktivnim radom, praćenjem i pružanjem podrške nastavniku početniku/stručnom saradniku početniku, pomaže prilikom sticanja iskustva u realizaciji obrazovno-odgojnog procesa.

Član 4. **(Tip srednje škole)**

- (1) Srednja škola je ustanova u kojoj se vrši srednje obrazovanje i odgoj učenika koji su završili osnovnu školu.
- (2) Srednje škole su:
- a) gimnazija, u kojoj se, pored općeobrazovnih programa, ostvaruju i posebni programi iz odgovarajućih oblasti;
 - b) srednja umjetnička škola, u kojoj se, pored odgovarajućeg općeobrazovnog programa, ostvaruje i program iz oblasti muzike, likovne i baletske umjetnosti (u daljem tekstu: umjetnička škola);
 - c) srednja tehnička i srodna škola, u kojoj se, pored odgovarajućeg općeobrazovnog programa, ostvaruje stručni program za IV stepen stručnog zvanja odgovarajuće struke (u daljem tekstu: tehnička i srodna škola);

- d) srednja stručna škola, u kojoj se ostvaruju, pored općeobrazovnog i stručni programi za III stepen stručne spreme, te stiču zanimanja odgovarajuće struke (u daljem tekstu: stručna škola);
 - e) mješovita srednja škola, u kojoj se mogu ostvariti programi gimnazije, tehničke i srodnih škola i stručnih škola;
 - f) srednja škola za učenike sa teškoćama u razvoju, u kojoj se ostvaruju stručni, posebno prilagođeni programi za obrazovanje učenika sa teškoćama u razvoju i u kojoj se obrazuju učenici za polukvalifikovana zanimanja.
 - g) srednja vjerska škola, u kojoj se, pored odgovarajućeg općeobrazovnog programa, ostvaruje i poseban program za obrazovanje vjerskih službenika.
- (3) Srednja škola ima svojstvo pravnog lica.

Član 5.

(Pojam srednjeg stručnog obrazovanja i obuke)

- (1) Srednje stručno obrazovanje i obuka predstavljaju integralni dio obrazovnog sistema u Bosni i Hercegovini koje osigurava sticanje vještina i znanja iz određenih zanimanja i osnovu kontinuirane obuke s ciljem aktivnog uključivanja u proces rada ili nastavka daljnjeg obrazovanja, a podrazumijeva različite vrste i oblike odgoja i obrazovanja, osposobljavanja i usavršavanja kroz početno kontinuirano, redovno ili obrazovanje odraslih i obavljanje prakse, a obuhvata i stručnu obuku učenika i odraslih lica.
- (2) Škole srednjeg stručnog obrazovanja i obuke se organizuju kao: srednja tehnička i stručna škola, umjetnička škola, škola posebne namjene i druge vrste škola koje ispunjavaju uslove za obavljanje djelatnosti obrazovanja propisane ovim zakonom (u daljem tekstu: srednja stručna škola).

Član 6.

(Klasifikacija zanimanja srednjeg stručnog obrazovanja i obuke)

- (1) Klasifikacija zanimanja za srednje stručno obrazovanje i obuke je akt kojim se utvrđuje porodica zanimanja, dužina školovanja, nivo i oblik obrazovanja i tip škole.
- (2) Klasifikacija se, prema potrebi, strukturiira i revidira u skladu s kretanjem na tržištu rada i usaglašava s evropskom praksom i evropskim kvalifikacijskim okvirom za cjeloživotno učenje.
- (3) Agencija za predškolsko, osnovno i srednje obrazovanje, (u daljem tekstu: Agencija za obrazovanje), inicira i predlaže Ministarstvu za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo) struktuiranje i revidiranje klasifikacije zanimanja.

Član 7.

(Poštivanje ljudskih prava i osnovnih sloboda)

- (1) Škola ima odgovornost da, u vlastitoj i u sredini u kojoj djeluje, doprinese stvaranju takve kulture koja poštuje ljudska prava i osnovne slobode svih građana, kako je to utemeljeno Ustavom i ostalim međunarodnim dokumentima iz oblasti ljudskih prava koje je potpisala Bosna i Hercegovina.
- (2) U školi ne smije postojati bilo kakav oblik zastrašivanja, zlostavljanja, fizičkog kažnjavanja, vrijeđanja, ponižavanja ili degradiranja i drugih negativnih pojava štetnih po zdravlje, uključujući i štetu izazvanu pušenjem ili upotrebom drugih opojnih i zakonom zabranjenih sredstava u školskim prostorima.

- (3) Prava učenika koja se odnose na obrazovanje, ispravna briga za dobrobit njegovog fizičkog i mentalnog zdravlja i sigurnosti, u školama i na svim mjestima gdje se obrazuje, imaju prvenstvo nad svim drugim pravima, a u slučaju sukoba prava, prednost se daje onom pravu, tumačenju ili djelovanju koje će najviše koristiti interesu učenika.
- (4) Prava učenika sa posebnim obrazovnim potrebama, koja mogu imati invaliditet, poteškoću ili biti u nepovoljnom položaju, poštivat će se u najvećoj mjeri prije svega ispravnim izborom zanimanja/zvanja.
- (5) Nastava u srednjoj školi se izvodi na jezicima konstitutivnih naroda Bosne i Hercegovine u skladu sa Ustavom Bosne i Hercegovine, koji se imenuju jednim od tri naziva: bosanski, hrvatski i srpski.
- (6) Jezik i kultura nacionalnih manjina koje žive u Bosni i i Hercegovini poštivat će se u najvećoj mjeri u kojoj je to izvodljivo, u skladu s Okvirnom konvencijom za zaštitu nacionalnih manjina.
- (7) U zavisnosti od potreba učenika u upotrebi je i znakovni jezik.
- (8) Ministarstvo će ustanoviti Nastavni plan i program koji će odgovarati potrebama date nacionalne manjine, a koji uključuje jezik, književnost, historiju i kulturu te manjine.
- (9) Škola će unapređivati i štiti vjerske slobode, toleranciju i kulturu dijaloga.
- (10) Učenik će pohađati nastavu vjeronauka/a samo ako je u skladu s njegovim ubjeđenjem i ubjeđenjem njegovih roditelja.
- (11) Škola ne može preduzimati bilo kakve mjere i aktivnosti kojima bi se ograničavala sloboda izražavanja sopstvenih i upoznavanja drugih i drugačijih vjerskih uvjerenja.
- (12) Za učenike koji ne žele pohađati vjeronauk/u organizuje se nastava iz alternativnog predmeta.

Član 8.

(Zabrana djelovanja političkih stranaka i njihovih podmladaka)

- (1) U školi je zabranjeno djelovanje političkih stranaka i njihovih podmladaka, (kao što su: održavanje različitih političkih skupova, tribina i/ili bilo kakvih promocija političkih stranaka odnosno njihovih programa i kandidata).
- (2) Za vrijeme trajanja povjerenog mandata, imenovanim direktorima i pomoćnicima direktora, zabranjuje se svaki oblik političkog angažovanja u tijelima i organima političkih stranaka.

Član 9.

(Programi stručnog obrazovanja)

- (1) Programi za polukvalifikovane ili pomoćne radnike mogu se realizovati u stručnoj školi nakon završene osnovne škole.
- (2) U stručnoj školi mogu se realizovati i odgovarajući programi stručnog obrazovanja I i II stepena stručne spreme, odnosno stručno osposobljavanje putem kurseva.
- (3) Sticanjem obrazovanja iz prethodnog stava ne stiče se srednja stručna sprema.
- (4) Programi i uslovi obrazovanja i osposobljavanja iz prvog stava utvrđuju se nastavnim planovima i programima koje donosi Ministarstvo na prijedlog škole.

Član 10.

(Programi dopunskog i stručnog usavršavanja polaznika)

- (1) U srednjoj školi, pored realizacije programa općeobrazovnog i odgovarajućeg stručnog dijela, iz člana 9. ovog Zakona, mogu se realizovati i programi dopunskog obrazovanja i stručnog usavršavanja polaznika.

- (2) Način realizacije programa dopunskog obrazovanja i stručnog usavršavanja polaznika utvrđuje se Pravilnikom o dopunskom obrazovanju i stručnom usavršavanju koji donosi Ministarstvo na prijedlog škole.

Član 11.

(Jezici i pisma na kojima se organizuje nastava)

- (1) Nastava u srednjoj školi se izvodi na jezicima konstitutivnih naroda Bosne i Hercegovine u skladu sa Ustavom Bosne i Hercegovine, koji se imenuju jednim od tri naziva: bosanski, hrvatski i srpski, uz ravnopravnu upotrebu oba pisma (latinice i ćirilice).
- (2) Dio nastavnih predmeta i sadržaja, utvrđenih Nastavnim planom i programom, može se osim na jezicima konstitutivnih naroda Bosne i Hercegovine, izvoditi i na nekom od svjetskih jezika, uz prethodno odobrenje Ministarstva.
- (3) Ne može se vršiti diskriminacija nastavnika ili drugog uposlenog pri izboru, uslovima zapošljavanja, napredovanju ili bilo kojoj drugoj odluci vezanoj za tu osobu, niti diskriminacija učenika škole, na temelju toga što u školi, u usmenom ili pismenom izražavanju, koristi bilo koji od zvaničnih jezika iz prethodnog stava.
- (4) Kada u srednjoj školi ima značajniji broj učenika pripadnika jedne nacionalne manjine, koji žele pohađati nastavu iz svog maternjeg jezika, za njih se u školi organizira i nastava maternjeg jezika u skladu sa Zakonom.
- (5) Nastavnik koji izvodi nastavu iz maternjeg jezika učenika pripadnika nacionalne manjine, treba da ima znanje datog jezika kojim se osigurava da ga može predavati uz odgovarajući standard.
- (6) U srednjoj školi, u kojoj se obrazuju učenici samo jedne nacionalne manjine, cjelokupna nastava izvodi se na jeziku te nacionalne manjine, uz obavezno savladavanje nastave jednog od jezika iz člana 7., stav (5), ovog Zakona.

Član 12.

(Sticanje srednjeg obrazovanja i odgoja)

- (1) Državljeni Bosne i Hercegovine imaju pravo da stiču srednje obrazovanje i odgoj u školama Zeničko-dobojskog kantona, (u daljem tekstu: Kanton), po odredbama ovog zakona.
- (2) Učenici koji nemaju državljanstvo Bosne i Hercegovine, za vrijeme školovanja u Bosni i Hercegovini, moraju imati regulisan boravišni status u Bosni i Hercegovini u skladu sa odredbama Zakona o strancima, („Službeni glasnik Bosne i Hercegovine“, broj: 88/15).
- (3) Strani državljani i lica bez državljanstva imaju pravo da stiču srednje obrazovanje i odgoj u školama na području Kantona, po odredbama ovog zakona, u skladu sa konvencijama i ugovorima koje je država Bosna i Hercegovina zaključila sa drugim državama ili međunarodnim organizacijama.

Član 13.

(Značaj srednjeg obrazovanja i odgoja)

- (1) Srednje obrazovanje i odgoj je djelatnost od posebnog društvenog značaja.
- (2) Razvoj djelatnosti srednjeg obrazovanja i odgoja utvrđuje se dugoročnim planom koji donosi Skupština Zeničko-dobojskog kantona (u daljem tekstu: Skupština Kantona), uz prethodno pribavljena mišljenja općinskih/gradskog vijeća.
- (3) Planom iz prethodnog stava naročito se utvrđuje potreba društva, obim i vrsta srednjeg obrazovanja i odgoja za određeni period u Kantonu.

DIO DRUGI - OSNIVANJE, RAD I PRESTANAK RADA SREDNJE ŠKOLE

Član 14.

(Osnivanje srednje škole)

- (1) Srednju školu može osnovati domaće i strano pravno i fizičko lice u svim oblicima svojine, u skladu sa ovim Zakonom i dugoročnim planom iz člana 13. stav (2) ovog Zakona, a srednju vjersku školu može osnovati vjerska zajednica.
- (2) Srednju školu kao javnu ustanovu u državnoj svojini osniva Skupština Kantona uz prethodno pribavljeno mišljenje općinskog/gradskog vijeća.
- (3) Privatna škola može početi sa radom po dobivanju saglasnosti Ministarstva za primjenu Nastavnog plana i programa, kada, u skladu s važećim propisima, osigura i druge standarde i uslove koji garantuju da će učenici dobiti odgovarajuće obrazovanje, njegu i sigurnost u skladu sa specifičnostima datih privatnih škola u koje spadaju i vjerske škole.
- (4) Samo međunarodne privatne škole mogu imati nastavne planove i programe koji u potpunosti ne pokrivaju zajednička jezgra nastavnih planova i programa.
- (5) Privatne škole, kao i javne ustanove, ne mogu se osnovati u svrhu promovisanja rasnih, nacionalnih, vjerskih, spolnih i drugih predrasuda, niti svoje funkcije smiju vršiti na način protivan zakonu, odnosno na način kojim se navedene predrasude promovišu.
- (6) Za osnivanje privatne srednje škole potrebno je dostaviti dokaz o osiguranju sredstava za finansiranje škole, kao i безусловnu bankovnu garanciju na ime osiguranja finansijskih sredstava za omogućavanje nesmetanog nastavka započetog srednjeg obrazovanja za učenike u slučaju statusnih promjena ili prestanka rada te škole.
- (7) Aktom o osnivanju srednje škole utvrđuje se naziv, njen djelokrug u skladu sa nastavnim planovima i programima koje donosi ili odobrava Ministarstvo i uređuju druga pitanja od značaja za rad srednje škole.
- (8) Prava i obaveze osnivača i srednje škole utvrđuju se ugovorom, u skladu sa aktom o osnivanju.
- (9) Ako je osnivač srednje škole Skupština Kantona, obaveze iz prethodnog stava ovog člana u ime Skupštine, vrši Vlada Kantona.

Član 15.

(Pedagoški standardi i finansiranje rada srednje škole)

- (1) Srednje škole se osnivaju i rade u skladu sa Pedagoškim standardima za srednje škole (u daljem tekstu: Pedagoški standardi) i Normativima školskog prostora, opreme i nastavnih sredstava za srednje škole (u daljem tekstu: Normativi).
- (2) Ukoliko srednja škola nije u državnoj svojini, njeno sufinansiranje može preuzeti Kanton ukoliko Skupština Kantona utvrdi javni interes.
- (3) Pedagoške standarde i Normative, iz stava (1) ovog člana, donosi Ministarstvo, uz prethodnu saglasnost Vlade Kantona.
- (4) Osnivač srednje škole obezbjeđuje sredstva potrebna za osnivanje i rad srednje škole u skladu sa Pedagoškim standardima i Normativima.

Član 16.

(Elaborat o osnivanju srednje škole)

- (1) Prije donošenja akta o osnivanju srednje škole kao javne ili privatne ustanove, osnivač usvaja elaborat o društveno-ekonomskoj opravdanosti osnivanja srednje škole (u daljem tekstu: Elaborat), uz prethodno mišljenje Ministarstva.

- (2) Elaborat obavezno sadrži: potrebe društva za obrazovanjem određenih kadrova, osigurana sredstva za finansiranje rada i bankovnu garanciju iz člana 14., stav (6), dužinu trajanja obrazovanja, profil i stepen stručne spreme koji se stiču po završetku obrazovanja, opće i posebne uslove po Pedagoškim standardima i Normativima i sredstva potrebna za ispunjavanje uslova rada srednje škole.

Član 17.

(Formiranje komisije za osnivanje srednje škole)

- (1) Osnivač je dužan da prilikom osnivanja srednje škole formira komisiju koja će, u skladu sa ovim zakonom, izvršiti pripreme za početak rada i izvršiti izbor prvih nastavnika škole.
- (2) Ako je osnivač srednje škole Skupština Kantona, komisiju iz stava (1) ovog člana formira Vlada Kantona.

Član 18.

(Uslovi za osnivanje srednje škole)

Srednja škola se može osnovati ako ima:

- a) dovoljan broj odjeljenja u skladu sa Pedagoškim standardima, izuzev škole u privatnoj svojini;
- b) odgovarajući stručni nastavni kadar u skladu sa nastavnim planovima i programima;
- c) obezbjeđena sredstva za ostvarivanje odgovarajućeg nastavnog plana i programa;
- d) školske prostorije, opremu i nastavna sredstva, u skladu sa odgovarajućim normativima;
- e) broj učenika u odjeljenjima i grupama stručnih zvanja i zanimanja, u okviru kojih se ostvaruje obrazovanje i odgoj u srednjoj školi, utvrđuje se Pedagoškim standardima;
- f) srednja škola u privatnoj svojini može raditi i sa manjim brojem učenika u odjeljenju u odnosu na utvrđeni broj u Pedagoškim standardima ako je to u interesu osnivača.

Član 19.

(Početak rada, upis u registar srednjih škola i domova učenika i brisanje srednje škole iz Registra)

- (1) Srednja škola i dom učenika može početi sa radom kada Ministarstvo utvrdi da su ispunjeni uslovi shodno odredbama ovog zakona.
- (2) Novoosnovana srednja škola i dom učenika počinje sa radom početkom školske godine.
- (3) Uvođenje novog nastavnog plana i programa, odnosno proširivanje djelatnosti ili promjena obrazovanja i odgoja u okviru rada srednje škole zahtijeva utvrđivanje uslova rada, u skladu sa stavom 1. ovog člana.
- (4) Srednja škola i dom učenika koji ispunjavaju uslove za rad upisuju se u Registar srednjih škola (u daljem tekstu: Registar), koji vodi Ministarstvo.
- (5) Srednja škola i dom učenika upisuju se u nadležni sudski registar i danom upisa stiču svojstvo pravnog lica.
- (6) Škola i dom učenika koji su upisani u Registar izdaju svjedodžbu i druge javne isprave o završetku obrazovanja, odnosno pojedinih razreda i oblika obrazovanja.
- (7) Srednja škola i dom učenika brišu se iz Registra kada prestanu da ispunjavaju uslove propisane ovim zakonom.

- (8) Spisak statusnih promjena verifikovanih srednjih škola i domova učenika objavljuje se u Službenim novinama Kantona, najkasnije do početka drugog polugodišta tekuće školske godine.
- (9) Postupak utvrđivanja uslova, sadržaja i načina vođenja Registra bliže se reguliše propisom koje donosi Ministarstvo.

Član 20.

(Statusne promjene srednje škole)

- (1) Srednja škola može vršiti statusne promjene uz prethodnu saglasnost Ministarstva u skladu sa Pravilnikom o upisu u Registar srednjih škola i domova učenika.
- (2) Statusne promjene se odnose na promjenu: osnivača škole, adrese škole, naziva škole i djelatnosti škole.
- (3) Statusne promjene srednje škole, koje se odnose na obrazovno-odgojni rad, važe od početka naredne školske godine.
- (4) Statusne promjene srednje škole nemaju uticaja na tekuće mandate organa upravljanja i organa rukovođenja u školi.
- (5) Ukoliko je osnivač srednje škole Skupština Kantona, prava i obaveze osnivača iz stava (3) ovog člana, vrši Vlada Kantona.

Član 21.

(Udruživanje srednjih škola)

- (1) Radi međusobne saradnje u ostvarivanju zajedničkih interesa i pružanja pomoći razvoju oblika obrazovno-odgojnog rada, srednje škole se mogu udruživati u jednu ili više zajednica srednjih škola, s tim da svaka srednja škola zadržava svojstvo pravnog lica.
- (2) Srednja škola za učenike sa teškoćama u razvoju može svoj rad organizovati u okviru zajednice srednjih škola, sastavljenog od različitih nivoa obrazovanja u svojstvu jednog pravnog lica.
- (3) Obrazovno-odgojni rad i stručni nadzor nad radom zajednice srednjih škola obavlja se u skladu s odgovarajućim nastavnim planovima i programima za svaki nivo obrazovanja koji je u sastavu zajednice srednjih škola.
- (4) Srednja škola za učenike sa teškoćama u razvoju može da predstavlja resursni centar za pomoć i podršku inkluzivnom obrazovanju učenika sa posebnim obrazovnim potrebama u ostalim srednjim školama, na osnovu odluke Ministarstva.
- (5) Prava, obaveze i međusobni odnosi srednjih škola, udruženih u zajednicu srednjih škola, utvrđuju se ugovorom.
- (6) Zajednica srednjih škola ima pravila kojim se regulišu poslovi, zadaci i rad zajednice srednjih škola.
- (7) Na Pravila zajednice srednjih škola saglasnost daje Ministarstvo.

Član 22.

(Zajednice srednjih škola)

- (1) Zajednice srednjih škola se formiraju isključivo s ciljem uspostavljanja funkcionalne mreže srednjih škola, profesionalne saradnje, razmjene stručnih i stečenih iskustava u pogledu dogovora o nastavnim metodama, kao i svim ostalim aktivnostima koje su vezane za unapređenje nastavnog procesa, odnosno cjelovitog obrazovno-odgojnog rada škola udruženih u Zajednicu.
- (2) Zajednica može imati svojstvo pravnog lica uz uslov da škole daju svoju saglasnost na Statut zajednice kojim bliže regulišu način rada, sjedište, prava i obaveze, radno-pravni

status radnika, organe upravljanja i rukovođenja, kao i sva druga prateća pitanja vezana za funkcionisanje zajednice kao posebnog pravnog lica.

- (3) Srednje škole koje formiraju zajednicu svoja međusobna prava regulišu ugovorom, uz prethodnu saglasnost Ministarstva.

Član 23.

(Tripartitno savjetodavno vijeće)

- (1) Ministarstvo će osigurati da se potrebe i zahtjevi tržišta rada usaglašavaju sa potrebom osnivanja i organizacije institucija za stručno obrazovanje.
- (2) Da bi se osigurale veze između srednjeg stručnog obrazovanja i obuke i tržišta rada na nivou Kantona, osnovat će se tripartitno savjetodavno vijeće koje ima savjetodavnu ulogu, a koje sačinjavaju ovlašteni predstavnici poslodavaca u okviru Privredne komore Zeničko-dobojskog kantona, Sindikata srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Zeničko-dobojskog kantona (u daljem tekstu: Sindikat) i Ministarstva.

Član 24.

(Rad srednje škole)

- (1) Rad srednje škole je javan.
- (2) Srednja škola kao javna ustanova u državnoj svojini ima svoj pečat sa grbom Kantona.
- (3) Srednja škola u privatnoj svojini utvrdit će oblik, veličinu i sadržaj pečata pravilima škole, uz prethodno pribavljenu saglasnost Ministarstva.

Član 25.

(Prestanak rada srednje škole)

- (1) Srednja škola prestaje sa radom ako ne ispunjava uslove i zadatke radi kojih je osnovana ili ako ne postoji potreba za njenim radom.
- (2) Kada Ministarstvo utvrdi da srednja škola ne ispunjava uslove koji su propisani ovim Zakonom, odredit će rok u kojem se moraju otkloniti utvrđeni nedostaci.
- (3) Ukoliko nedostaci ne budu otklonjeni, Ministarstvo će predložiti osnivaču prestanak rada škole.
- (4) Ako osnivač ne donese akt o prestanku rada srednje škole u roku od tri mjeseca od dana podnošenja prijedloga o prestanku rada, Ministarstvo donosi rješenje o prestanku rada srednje škole i provodi postupak brisanja škole iz Registra.
- (5) U slučaju prestanka rada srednje škole, osnivač je dužan da zatečenim učenicima omogućiti nastavak i završetak obrazovanja u toj školskoj godini.
- (6) Aktom o prestanku rada škole odredit će se rok prestanka rada koji ne može biti prije završetka školske godine.
- (7) Prestanak rada srednje škole objavljuje se u Službenim novinama Kantona.
- (8) Ukoliko je osnivač srednje škole Skupština Kantona, prava i obaveze osnivača iz stavova (2), (3) i (4) ovoga člana, vrši Vlada Kantona.

Član 26.

(Primjena općih propisa u srednjim školama)

Na osnivanje, rad i prestanak rada srednje škole primjenjuju se opći propisi o ustanovama ukoliko ovim zakonom nije drugačije propisano.

DIO TREĆI - OBRAZOVNO-ODGOJNI RAD SREDNJE ŠKOLE

POGLAVLJE I. ZAJEDNIČKE ODREDBE

Član 27.

(Obrazovanje učenika u srednjim školama)

U srednjoj školi se obrazuju:

- a) učenici koji su završili osnovnu školu;
- b) lica koja žele da se obrazuju, stručno usavršavaju i dopunski obrazuju putem raznih oblika obrazovanja.

Član 28.

(Obrazovanje odraslih u srednjim školama)

- (1) Srednja škola može organizovati obuku odraslih u okviru svoje registrovane djelatnosti uz saglasnost Ministarstva, a u skladu sa Zakonom o obrazovanju odraslih („Službene novine Zeničko-dobojskog kantona“, broj: 5/14), (u daljem tekstu: Zakon o obrazovanju odraslih).
- (2) Uz odobrenje Ministarstva, srednje škole mogu razvijati nove organizacione oblike i primjenjivati nove pristupe u sadržaju i metodu stručnog obrazovanja s ciljem uvođenja korisnih promjena u sistem srednjeg obrazovanja i obuke.
- (3) Nastavne planove i programe za obrazovanje i obuku odraslih odobrava Ministarstvo.
- (4) Prijedlog nastavnog plana i programa može da donese škola uz prethodnu saglasnost Ministarstva.
- (5) Polaznicima obuke za odrasle naplaćuje se naknada za obuku, a visinu naknade utvrđuje i donosi školski odbor uz saglasnost Ministarstva.

Član 29.

(Ostvarivanje općih ciljeva srednjeg obrazovanja)

Nastavni plan i program koji donosi Ministarstvo će u Kantonu osigurati i garantovati ostvarivanje općih ciljeva obrazovanja utvrđenih u članu 3. Okvirnog zakona o osnovnom i srednjem obrazovanju u Bosni i Hercegovini, („Službeni glasnik Bosne i Hercegovine“, broj:18/03), (u daljem tekstu: Okvirni zakon), kao i ciljeva utvrđenih članom 3. Okvirnog zakona o srednjem stručnom obrazovanju i obuci u Bosni i Hercegovini („Službeni glasnik Bosne i Hercegovine“, broj: 63/08), (u daljem tekstu: Okvirni zakon o srednjem stručnom obrazovanju).

Član 30.

(Nastavni planovi i programi za srednje škole)

- (1) Nastavnim planom i programom za svaku vrstu srednje škole utvrđuje se, u zavisnosti od vrste obrazovanja, odnos općeobrazovnog, stručno-teoretskog i praktičnog dijela programa.
- (2) Nastavnim planom i programom za srednje stručno obrazovanje posebno se utvrđuje svrha, ciljevi i zadaci programa, nastavni predmeti i sadržaji, trajanje i osnovni oblici izvođenja programa, godišnji i sedmični broj sati nastave, praktične obuke, broj sati za svaki predmet, profil i stručna sprema nastavnika, didaktički i drugi uslovi za izvođenje nastavnog plana i programa.

- (3) Nastavnim planom i programom utvrđuje se i fond nastavnih sati i odgovarajući programski sadržaj dodatnog obrazovanja za nadarene učenike.

Član 31.

(Sadržaji nastavnih planova i programa)

- (1) Sastavni dio Nastavnog plana i programa srednjeg obrazovanja i odgoja za svaku vrstu škole, grupu nastavnih predmeta, odnosno predmet, čine i specifični sadržaji, čiji obim ne može biti veći od 25% u odnosu na utvrđeni nastavni plan i program.
- (2) Sadržaje iz prethodnog stava utvrđuje osnivač srednje škole, uz prethodno pribavljeno mišljenje Pedagoškog zavoda i saglasnost Ministarstva.
- (3) Ukoliko je osnivač srednje škole Skupština Kantona, prava i obaveze osnivača iz stava (1) ovog člana vrši Vlada Kantona.
- (4) Izuzetno, u vjerskim i privatnim školama sadržaji specifičnih predmeta iz stava (1) ovog člana mogu biti i veći od 25% u odnosu na utvrđeni nastavni plan i program, ali ne veći od 35%.

Član 32.

(Odobrovanje i donošenje nastavnih planova i programa za srednje stručno obrazovanje i obuku)

- (1) Nastavni plan i program za srednje stručno obrazovanje i obuku sastoji se od zajedničkog jezgra sastavljenog u skladu sa Okvirnim zakonom i Okvirnim zakonom o srednjem stručnom obrazovanju i obuci, planova i programa za stručne predmete i dijela nastavnog plana i programa koji se osmišljavaju u školama.
- (2) Prilikom osmišljavanja nastavnog plana i programa uzimaju se u obzir potrebe lokalnog tržišta rada.
- (3) Dio Nastavnog plana i programa za srednje stručno obrazovanje i obuku koji se izrađuje u školama ne može obuhvatiti više od 30% sveukupnog nastavnog plana i programa.
- (4) Dio Nastavnog plana i programa za svaki stručni predmet, na prijedlog stručnog aktiva, utvrđuje nastavničko vijeće škole, a odobrava Ministarstvo na osnovu mišljenja Pedagoškog zavoda.
- (5) Nastavni plan i program iz stava (1) člana razvija se koliko god je to moguće primjenom modularne metodologije.
- (6) Nastavni plan i program za srednje stručno obrazovanje i obuku, na prijedlog Pedagoškog zavoda, donosi Ministarstvo.

Član 33.

(Zajednička jezgra nastavnih planova i programa)

- (1) U svim javnim i privatnim školama u Kantonu uspostaviti će se i primjenjivati zajednička jezgra nastavnih planova i programa.
- (2) Zajednička jezgra nastavnih planova i programa sastoji se od nastavnih planova i programa sa što je moguće širom zajedničkom jezgrom za sve predmete srednjeg obrazovanja baziranim na ishodima učenja.

Član 34.

(Realizovanje obrazovnih sadržaja prema zahtjevima tržišta rada)

- (1) U skladu sa zahtjevima tržišta rada, Ministarstvo može utvrditi, za obavljanje manje složenih i jednostavnih poslova, obrazovanje i obuku kraće od tri godine, kao i vrstu stečene kvalifikacije prema postojećem srodnom zanimanju.



- (2) U skladu sa Okvirnim zakonom i Okvirnim zakonom o srednjem stručnom obrazovanju škole uživaju autonomiju, što posebno podrazumijeva slobodu škole da izrađuje i realizuje obrazovne sadržaje prema zahtjevima lokalnog tržišta rada.

Član 35.

(Donošenje i utvrđivanje nastavnog plana i programa)

- (1) Prijedlog nastavnog plana i programa, utvrđuje Pedagoški zavod.
(2) Nastavni plan i program donosi Ministarstvo.

Član 36.

(Školska godina)

- (1) Školska godina traje od 1. septembra tekuće do 31. avgusta naredne kalendarske godine.
(2) Nastava se ostvaruje po polugodištima i traje 37 radnih sedmica, s tim da nastavnici programske sadržaje planiraju i realizuju u okviru 35 nastavnih sedmica.
(3) Za škole koje rade po modularnom nastavnom planu i programu nastavnici programske sadržaje realizuju u okviru 34 nastavne sedmice, a preostalu sedmicu realizuju kao projekat sedmicu.
(4) Nastava u završnom razredu srednje škole traje 32 radne sedmice, s tim da se programski sadržaji realizuju u okviru 30 nastavnih sedmica.
(5) Razlika u broju radnih i nastavnih sedmica koristi se za realizaciju posebnih programskih sadržaja, obilježavanje državnih i vjerskih praznika, kulturnu i sportsku djelatnost škole, planiranih godišnjim programom rada i kalendarom u razrednoj knjizi.
(6) Na početku svakog polugodišta, nastava počinje intoniranjem himne Bosne i Hercegovine uz obavezno isticanje državnih simbola Bosne i Hercegovine.

Član 37.

(Nastava i vannastavne aktivnosti)

- (1) Nastava u prvom polugodištu počinje u pravilu prvog radnog dana u septembru.
(2) Srednja škola organizuje nastavni proces, u pravilu, u petodnevnoj radnoj sedmici.
(3) Ukoliko se vannastavne aktivnosti, zbog ograničenja prostornih kapaciteta škole, ne mogu realizovati u petodnevnoj radnoj sedmici, iste se mogu realizovati jedne subote u mjesecu.
(4) Ukupno opterećenje učenika redovnom nastavom ne može iznositi više od 35 nastavnih sati sedmično, odnosno 7 nastavnih sati dnevno.

Član 38.

(Nastavni sat)

- (1) Nastavni sat općeobrazovne, stručno-teoretske i praktične nastave u srednjoj školi traje 45 minuta, a u srednjoj školi za učenike sa teškoćama u razvoju 40 minuta.
(2) Trajanje nastavnog sata, način i uslovi za izvođenje praktične nastave koja se izvodi izvan škole (u privrednim društvima, ustanovama ili kod obrtnika), bit će regulisani posebnim pravilnikom koji donosi Ministarstvo.

Član 39.
(Odmor za učenike u toku školske godine)

- (1) Zimski odmor za učenike srednje škole traje tri sedmice, proljetni odmor jednu sedmicu, a ljetni odmor traje od završetka nastavne godine do početka nove školske godine.
- (2) Zimski odmor koristi se nakon završetka prvog polugodišta, a proljetni odmor za učenike srednje škole u pravilu posljednjih pet radnih dana u mjesecu martu.
- (3) Za vrijeme trajanja proljetnog raspusta, škola može organizovati određene vannastavne sadržaje na prethodno usaglašene prijedloge sa vijećem roditelja i vijećem učenika, ukoliko se planiraju godišnjim programom rada škole.
- (4) Završetak prvog polugodišta i trajanje zimskog odmora za učenike srednjih škola na području Kantona je, u pravilu, istovremen i reguliše se kalendarom koji donosi Ministarstvo za svaku školsku godinu, na prijedlog Pedagoškog zavoda.
- (5) Ministarstvo može odobriti, zavisno od klimatskih ili drugih uslova, produžetak zimskog odmora, a najduže jednu radnu sedmicu, s tim da u toku školske godine bude ostvaren godišnji fond nastavnih sati predviđen nastavnim planom i budu realizovani programski sadržaji.
- (6) Srednja škola će prilikom utvrđivanja rasporeda sati, a ne remeteći realizaciju nastavnog plana i programa i u skladu sa mogućnostima, uskladiti obavljanje neodložnih vjerskih obaveza učenika i nastavnika.
- (7) Srednja škola može, radi obilježavanja vjerskih praznika, odrediti da se dio zimskog odmora za učenike koristi u toku prvog ili drugog polugodišta, uz prethodnu saglasnost Ministarstva.

Član 40.
(Prekid obrazovno-odgojnog rada)

- (1) Obrazovno-odgojni rad se ne smije prekidati u toku polugodišta, odnosno školske godine, izuzev zbog elementarnih nepogoda, epidemija i drugih naročito opravdanih razloga, a po odluci Ministarstva.
- (2) U slučaju prekida nastavnog procesa zbog obustave rada, godišnji fond nastavnih sati, predviđen Nastavnim planom i programom, mora biti nadoknađen prije završetka školske godine.
- (3) Nastavni proces ne smije se prekidati zbog obustave rada iz prethodnog stava u završnom razredu srednje škole, ukoliko će ugroziti završetak planiranog nastavnog procesa.

Član 41.
(Organizacija obrazovno-odgojnog rada sa učenicima sa posebnim obrazovnim potrebama)

- (1) U zavisnosti od uslova, mogućnosti i potreba, u srednjoj školi može se organizovati izvođenje obrazovno-odgojnog rada srednjeg obrazovanja za učenike sa posebnim obrazovnim potrebama u skladu sa njihovim individualnim mogućnostima, odnosno interesovanjima, po odgovarajućim nastavnim planovima i programima.
- (2) Nastavni planovi i programi iz prethodnog stava, mogu početi sa primjenom kada Ministarstvo utvrdi da su ispunjeni uslovi u skladu sa ovim Zakonom.

Član 42.

(Organizacija obrazovno-odgojnog rada izvan sjedišta srednje škole)

- (1) Srednja škola može organizovati obrazovno-odgojni rad po odgovarajućem programu srednje škole i izvan svog sjedišta ukoliko u tom mjestu nema srednje škole tog tipa.
- (2) Obrazovno-odgojni rad, iz stava (1) ovog člana, može se organizovati kada ima dovoljan broj učenika za najmanje optimalan broj učenika za jedno odjeljenje.
- (3) Zahtjev za organizovanje obrazovno-odgojnog rada iz stava (1) i (2) ovog člana, podnosi općina/grad na čijem području se to obrazovanje obavlja.
- (4) Obrazovno-odgojni rad iz stava (1) ovog člana može početi sa radom kada Ministarstvo utvrdi da su ispunjeni uslovi za rad, u skladu sa ovim zakonom.

Član 43.

(Ostvarenje godišnjeg fonda nastavnih sati)

- (1) Srednja škola je dužna da ostvari godišnji fond nastavnih sati predviđen planom i programom.
- (2) Ako se utvrdi da srednja škola nije ostvarila godišnji fond nastavnih sati predviđenih planom i programom u okviru predviđenog broja nastavnih sedmica, produžiti će nastavu dok se ne ostvari godišnji fond nastavnih sati.
- (3) Srednja škola koja ne ostvari predviđeni godišnji fond nastavnih sati ne može izdati svjedodžbu o završenom razredu, odnosno obrazovanju.

Član 44.

(Godišnji program rada škole)

- (1) Obrazovno-odgojni rad provodi se na osnovu Nastavnog plana i programa i Godišnjeg programa rada srednje škole (u daljem tekstu: Godišnji program rada).
- (2) Godišnji program rada škole utvrđuje se na osnovu jedinstvene metodologije koju donosi Pedagoški zavod.
- (3) Prijedlog Godišnjeg programa rada škole utvrđuje nastavničko vijeće na prijedlog direktora, a donosi školski odbor, najkasnije do 30. septembra za tekuću školsku godinu, uz prethodnu saglasnost Pedagoškog zavoda.
- (4) Škola je dužna dostaviti Prijedlog godišnjeg programa rada škole na pregled i davanje saglasnosti Pedagoškom zavodu, najkasnije do 15. septembra za tekuću školsku godinu.
- (5) Zvaničnu verziju Godišnjeg programa rada škola dostavlja Ministarstvu i Pedagoškom zavodu, najkasnije do 15. oktobra tekuće školske godine.
- (6) Izmjene i dopune u Godišnjem programu rada škole se dostavljaju Ministarstvu i Pedagoškom zavodu.
- (7) Izvještaj o uspjehu učenika u učenju i vladanju za proteklu školsku godinu škola je dužna dostaviti Pedagoškom zavodu, najkasnije do 30. septembra tekuće školske godine.

Član 45.

(Organizacija vannastavnih aktivnosti)

- (1) U srednjoj školi organizuju se vannastavne aktivnosti učenika uključivanjem u razne oblike rada koji se zasnivaju na dobrovoljnom izjašnjavanju učenika, zatim ostvarivanju saradnje sa nevladinim organizacijama i slično.
- (2) Zadaci i programski sadržaji vannastavnih aktivnosti utvrđuju se Godišnjim programom rada, u skladu sa Pedagoškim standardima.
- (3) Vannastavne aktivnosti učenika ostvaruju se putem društava, sekcija, klubova, družina, grupa, ueničkih zadruga i drugih oblika.

- (4) Učeničku zadrugu može organizovati najmanje 30 učenika srednje škole.
- (5) Sredstva učeničke zadruge i sredstva ostvarena praktičnim radom učenika u školskim radionicama ne ulaze u ukupan prihod srednje škole i na njih se ne plaćaju porezi i doprinosi utvrđeni posebnim zakonom.
- (6) Djelokrug rada Vijeća učenika regulisat će Poslovnik o radu Vijeća učenika.

Član 46.

(Izleti, stručne posjete, ekskurzije, logorovanja i drugi oblici obrazovno-odgojnog rada)

- (1) Izleti, stručne posjete, ekskurzije, logorovanja i drugi oblici obrazovno-odgojnog rada predviđeni Godišnjim programom rada škole, organizuju se i izvode u okviru radnih dana.
- (2) Organizacija i izvođenje izvanškolskih aktivnosti iz stava (1) ovog člana, bliže se utvrđuje posebnim propisom koji donosi Ministarstvo.

Član 47.

(Osnivanje eksperimentalne škole)

- (1) Radi uvođenja novih oblika i sadržaja rada, Ministarstvo može jednu ili više srednjih škola proglasiti eksperimentalnim ili osnovati eksperimentalnu srednju školu.
- (2) Za eksperimentalnu srednju školu može se donijeti odluka o odstupanju od odredaba ovog Zakona u primjeni nastavne norme, dnevnog i sedmičnog opterećenja učenika nastavnim satima, načinu ocjenjivanja znanja, organizovanja odjeljenja i primjene nastavnog plana i programa.
- (3) Osnivanje i rad eksperimentalne srednje škole i proglašenje postojećih škola eksperimentalnim uređuje se propisom koji donosi Ministarstvo.

Član 48.

(Pedagoško-metodička praksa u srednjoj školi)

- (1) Na prijedlog ustanove u kojoj se obrazuju nastavnici, Ministarstvo u sjedištu te ustanove, određuje srednje škole za izvođenje pedagoško-metodičke prakse studenata.
- (2) Za obavljanje pedagoško-metodičke prakse mogu se odrediti i druge škole na području Kantona, ako se za to ukaže potreba.
- (3) Uvjeti za obavljanje pedagoško-metodičke prakse, iz stavova (1) i (2) ovog člana utvrđuju se posebnim propisom koji donosi Ministarstvo.

Član 49.

(Udžbenici i nastavna sredstva u srednjoj školi)

- (1) U nastavnom procesu srednje škole koriste se školski udžbenici i nastavna sredstva koja odobrava Ministarstvo.
- (2) Privatne srednje škole su dužne pribaviti saglasnost nadležnog Ministarstva za primjenu udžbenika, radnih udžbenika i nastavnih sredstava, najkasnije do 15. avgusta tekuće školske godine, kako bi se isti uvrstili na spisak odobrenih udžbenika, radnih udžbenika i nastavnih sredstava, koji će se primjenjivati na području Zeničko-dobojskog kantona.
- (3) Školski udžbenik je osnovno nastavno sredstvo koje obuhvata sadržaje iz Nastavnog plana i programa za srednje škole i koji je urađen na osnovu koncepcije udžbenika.

- (4) Pod školskim udžbenikom kao nastavnim sredstvom podrazumijeva se i zbirka zadataka, priručnik, radna sveska i druga stručna literatura koja zamjenjuje udžbenik ili je njegov sastavni dio, izrađena u skladu sa koncepcijom udžbenika.
- (5) Za primjenu nastavnog plana i programa koriste se odgovarajući udžbenici napisani na jezicima koji su u službenoj upotrebi na području Kantona.

Član 50.
(Inkluzivno obrazovanje)

- (1) Učenici sa posebnim obrazovnim potrebama, pod određenim uslovima, mogu se uključiti u redovno srednjoškolsko obrazovanje, po principu inkuzivnog obrazovanja.
- (2) Inkluzivno obrazovanje u srednjim školama se odvija u skladu sa Pravilnikom o inkluzivnom obrazovanju učenika sa posebnim obrazovnim potrebama, kojim će se definisati postupak identifikacije, socijalizacije, vođenje evidencije i dokumentacije, planiranje i način rada, profil, obuka i profesionalni razvoj stručnog kadra za rad sa učenicima sa posebnim potrebama, koji donosi Ministarstvo.
- (3) U srednjoj stručnoj školi mogu se formirati odjeljenja učenika za odgovarajuća zanimanja I, II i III stepena stručne sprema, a koji su osnovnu školu završili prema individualnim obrazovnim programima na osnovu nalaza i mišljenja stručnjaka iz odgovarajućih ustanova zdravstvenog ili socijalnog tipa.

Član 51.
(Pravila škole i Pravilnik o kućnom redu s etičkim kodeksom)

- (1) Srednja škola ima pravila i druga akta u skladu sa zakonskim propisima koja usvaja školski odbor srednje škole na prijedlog direktora.
- (2) Pravila škole sadrže, naročito: naziv i sjedište škole, podatke o osnivaču, obaveze škole prema osnivaču, djelatnost škole, organ upravljanja, (broj članova, način izbora, nadležnost), organ rukovođenja (izbor, prava i obaveze), odredbe koje se odnose na obaveze i radnu disciplinu uposlenika i povredu radne odgovornosti, podatke o načinu sticanja i raspoređivanju sredstava za rad, popis obaveznih akata škole.
- (3) Pravilima srednje škole uređuju se pitanja koja se odnose i na:
 - a) način ostvarivanja javnosti rada škole;
 - b) utvrđivanje vrste, oblika i organizacije obrazovno-odgojnog rada;
 - c) način školovanja učenika sa posebnim obrazovnim potrebama;
 - d) utvrđivanje oblika i načina obrazovanja odraslih;
 - e) uslove konkursa za prijem nastavnika, stručnih saradnika i saradnika, kao i ostalih radnika škole;
 - f) način donošenja Pravilnika o kućnom redu sa etičkim kodeksom;
 - g) način ostvarivanja saradnje sa roditeljima učenika;
 - h) način organizovanja i izvođenja praktične nastave s proizvodnim radom, rada u školskim radionicama za praktičnu nastavu, sticanje i raspoređivanje sredstava;
 - i) rad zajednice učenika škole;
 - j) postupak i utvrđivanje specifičnih sadržaja u okviru nastavnih planova i programa;
 - k) organizaciju ferijalne prakse;
 - l) organizaciju rada učeničkih zadruga u školi, te sticanje i raspoređivanje sredstava;
 - m) postupak stručnog usavršavanja nastavnika;
 - n) praćenje i vrednovanje rada nastavnika i postupak izbora u zvanja;
 - o) izrečene odgojno-disciplinske mjere, odnosno utvrđivanje žalbenog postupka roditelja učenika prilikom izrečenih odgojno-disciplinskih mjera;
 - p) uređenje drugih pitanja i drugih akata u skladu sa ovim Zakonom.

- (4) Pravilnik o kućnom redu sa etičkim kodeksom, na prijedlog direktora, uz prethodne konsultacije sa nastavničkim vijećem i vijećem roditelja, usvaja školski odbor.

POGLAVLJE II. TIPOVI SREDNJIH ŠKOLA

Odjeljak A. Gimnazija

Član 52.

(Obrazovanje učenika u gimnaziji)

- (1) Gimnazija je škola općeg četverogodišnjeg obrazovanja čiji je cilj priprema učenika za nastavak obrazovanja na visokoškolskim ustanovama.
- (2) U gimnaziji se realizuje obrazovanje redovnih učenika po općeobrazovnom programu sa izbornim područjima i polaznika obrazovanja odraslih kako je regulisano Zakonom o obrazovanju odraslih.
- (3) U gimnaziji se ne može vršiti istovremeno obrazovanje po programu druge vrste srednje škole.

Član 53.

(Upis učenika u gimnaziju)

- (1) Za upis u gimnaziju mogu se prijaviti učenici koji su sa uspjehom završili redovno osnovno obrazovanje prema Nastavnom planu i okvirnom programu za osnovnu školu .
- (2) Upis se vrši na osnovu uspjeha učenika u završnim razredima osnovne škole.
- (3) Bliži propis o kriterijima, sadržaju i načinu upisa učenika u gimnaziju donosi Ministarstvo.

Član 54.

(Polaganje mature u gimnaziji)

- (1) Na završetku obrazovanja u gimnaziji se polaže matura po programima utvrđenim za ovaj tip škole.
- (2) Od polaganja mature se oslobađaju učenici koji su sve razrede gimnazije završili s odličnim uspjehom i imaju primjerno vladanje.
- (3) Bliži propis o sadržaju i načinu polaganja mature u gimnaziji donosi Ministarstvo.

Odjeljak B. Umjetnička škola

Član 55.

(Obrazovanje učenika u srednjoj umjetničkoj školi)

- (1) U umjetničkoj školi obrazuju se redovni učenici po općeobrazovnom i programu iz oblasti muzičke, likovne i baletske umjetnosti u trajanju od četiri godine, za odgovarajuće djelatnosti i za nastavak obrazovanja na odgovarajućim visokoškolskim institucijama.
- (2) Nastavnim planom i programom odgovarajuće umjetničke škole utvrđuje se odnos općeobrazovnog dijela i dijela programa za obrazovanje iz određene oblasti umjetnosti.



Član 56.

(Upis učenika u srednju umjetničku školu)

- (1) U umjetničku školu mogu se upisati učenici koji su sa uspjehom završili osnovno obrazovanje prema Nastavnom planu i okvirnom programu za osnovnu školu.
- (2) U umjetničku školu mogu se redovno upisati učenici i prije završetka osnovnog obrazovanja ukoliko u toku osnovnog obrazovanja pokažu izuzetan talenat i nadarenost za umjetničko obrazovanje, odnosno osvoje specijalne ili prve nagrade na federalnom, državnom ili međunarodnom takmičenju.
- (3) Upis se vrši na osnovu uspjeha u četiri završna razreda osnovne škole iz predmeta značajnih za određenu oblast umjetnosti.
- (4) Za upis u umjetničku školu obavezan je prijemni ispit.
- (5) Program i način polaganja prijemnog ispita uređuje se nastavnim planom i programom za svaku umjetnost.
- (6) Organizacija provjere znanja i sposobnosti učenika na prijemnom ispitu uređuje se općim aktom škole.
- (7) Prijemni ispit je eliminatoran.
- (8) Propis o kriterijima, sadržaju i načinu upisa u srednju umjetničku školu donosi Ministarstvo.

Član 57.

(Polaganje mature u srednjoj umjetničkoj školi)

- (1) Na završetku obrazovanja u umjetničkoj školi se polaže matura.
- (2) Od polaganja mature se oslobađaju učenici koji su sve razrede u umjetničkoj školi završili s odličnim uspjehom i imaju primjerno vladanje.
- (3) Program i način polaganja mature uređuje se nastavnim planom i programom za svaku oblast umjetnosti.
- (4) Organizacija provjere znanja i sposobnosti učenika na polaganju mature u umjetničkoj školi uređuje se aktom škole.
- (5) Bliži propis o sadržaju i načinu polaganja mature u srednjoj umjetničkoj školi donosi Ministarstvo.

Odjeljak C. Tehnička i srodna škola

Član 58.

(Obrazovanje učenika u tehničkoj i srodnoj školi)

- (1) U tehničkoj i srodnoj školi obrazuju se redovni učenici u trajanju od četiri godine po općeobrazovnom i stručnom programu srednjeg obrazovanja.
- (2) Nastavnim planom i programom tehničke i srodne škole za svaki tip škole utvrđuje se odnos općeobrazovnog, stručno-teoretskog sadržaja i praktičnog dijela nastave.
- (3) U tehničkoj i srodnoj školi stiču se odgovarajuća stručna zvanja/zanimanja.

Član 59.

(Upis učenika u tehničku i srodnu školu)

- (1) U tehničku i srodnu školu mogu se upisati učenici koji su sa uspjehom završili osnovno obrazovanje prema Nastavnom planu i okvirnom programu za osnovnu školu i polaznici obrazovanja odraslih kako je regulisano Zakonom o obrazovanju odraslih .

g *9*

- (2) Upis se vrši na osnovu općeg uspjeha u završnim razredima osnovne škole i uspjeha iz predmeta značajnih za dati tip škole.
- (3) Propis o kriteriju, sadržaju i načinu upisa u tehničku i srodnu školu donosi Ministarstvo.

Član 60.
(Izvođenje praktične nastave)

- (1) Praktična nastava u tehničkoj i srodnoj školi izvodi se u skladu sa nastavnim planovima i programima u školskim radionicama, laboratorijama i kabinetima, te drugim objektima za nastavu opremljenim u skladu sa odgovarajućim normativima.
- (2) Praktična nastava se izvodi pod stručnim nadzorom srednje škole u privrednim društvima, ustanovama ili kod obrtnika ako imaju odgovarajuću savremenu opremu, tehničko-tehnološka sredstva i druge odgovarajuće uslove u skladu sa Nastavnim planom i programom.
- (3) Uslovi, oblici, metode i postupci izvođenja praktične nastave, te vršenje stručnog nadzora reguliše se ugovorom srednje škole sa privrednim društvima, ustanovama ili kod obrtnika.

Član 61.
(Ferijalna praksa u tehničkoj i srodnoj školi)

- (1) Nastavnim planom i programom tehničke i srodne škole može se utvrditi obaveza, program, vrijeme i trajanje obavljanja ferijalne prakse učenika, kao dopuna praktičnoj nastavi.
- (2) Uslove, oblike, metode, postupke i fond časova izvođenja ferijalne prakse, propisuje Ministarstvo posebnim pravilnikom, na osnovu koga škole ugovorom sa privrednim društvima, ustanovama i obrtnicima regulišu škola i drugi zainteresovani subjekti.
- (3) Bliži uslovi izvođenja ferijalne prakse za učenike tehničke i srodne škole utvrđuju se ugovorom sa privrednim društvom, ustanovom ili obrtnikom, u zavisnosti od toga gdje se ona izvodi.

Član 62.
(Eksperimentalna nastava u tehničkoj i srodnoj školi)

- (1) U tehničkoj i srodnoj školi može se organizovati izvođenje eksperimentalne nastave po posebnom nastavnom planu i programu.
- (2) Uvođenje eksperimentalnog nastavnog plana i programa odobrava Ministarstvo na osnovu zahtjeva škole.

Član 63.
(Polaganje mature u tehničkoj i srodnoj školi)

- (1) Na završetku obrazovanja u tehničkoj i srodnoj školi polaže se matura.
- (2) Od polaganja mature se oslobađaju učenici koji su sve razrede u tehničkoj i srodnoj školi završili s odličnim uspjehom i imaju primjerno vladanje.
- (3) Nastavnim planom i programom škole utvrđuje se program polaganja mature.
- (4) Propis o kriterijima, sadržaju i načinu polaganja mature u tehničkoj i srodnoj školi donosi Ministarstvo.

Član 64.



(Osposobljenost učenika)

Učenik koji završi tehničku i srodnu školu osposobljen je za rad i za nastavak obrazovanja na visokoškolskoj ustanovi.

Odjeljak D. Stručna škola

Član 65.

(Obrazovanje učenika u stručnoj školi)

- (1) U stručnoj školi obrazuju se učenici koji su sa uspjehom završili osnovnu školu i polaznici obrazovanja odraslih kako je regulisano Zakonom o obrazovanju odraslih za odgovarajuća zanimanja u trogodišnjem ili četverogodišnjem trajanju.
- (2) Nastavnim planom i programom utvrđuje se zanimanje i trajanje obrazovanja, te odnos općeobrazovnih i stručno-teoretskih sadržaja i praktične nastave.

Član 66.

(Upis učenika u stručnu školu)

- (1) U stručnu školu mogu se upisati učenici na osnovu:
 - a) općeg uspjeha u završnim razredima osnovne škole i uspjeha iz pojedinih nastavnih predmeta relevantnih za dati tip škole;
 - b) pedagoškog kartona učenika koji su radili po individualnim obrazovnim programima u osnovnoj školi.
- (2) Propis o kriteriju, sadržaju i načinu upisa u stručnu školu donosi Ministarstvo.

Član 67.

(Polaganje završnog ispita)

- (1) Na završetku obrazovanja u stručnoj školi polaže se završni ispit.
- (2) Od polaganja završnog ispita se oslobađaju učenici koji su sve razrede u stručnoj školi završili s odličnim uspjehom i imaju primjerno vladanje.
- (3) Nastavnim planom i programom za svaku školu utvrđuje se način polaganja završnog ispita.
- (4) Propis o kriterijima, sadržaju i načinu polaganje završnog ispita u stručnoj školi donosi Ministarstvo.

Član 68.

(Sticanje majstorskog zvanja)

- (1) Učenici stručne škole mogu se dalje obrazovati za sticanje majstorskog zvanja u odgovarajućoj stručnoj školi koja ispunjava uslove za to obrazovanje u skladu sa ovim Zakonom.
- (2) Program i uslovi obrazovanja za majstorski ispit utvrđuju se odgovarajućim nastavnim planovima i programima koje donosi Ministarstvo.

Član 69.

(Izvođenje praktične nastave)

- (1) Praktična nastava u stručnoj školi izvodi se u skladu sa nastavnim planovima i programima u školskim radionicama, laboratorijama i kabinetima, te drugim objektima za nastavu opremljenim u skladu sa odgovarajućim normativima.

- (2) Praktična nastava se izvodi pod stručnim nadzorom srednje škole u privrednom društvu, ustanovi ili kod obrtnika ako imaju odgovarajuću savremenu opremu, tehničko-tehnološka sredstva i druge odgovarajuće uslove u skladu sa Nastavnim planom i programom.
- (3) Uslovi, oblici, metode i postupci izvođenja praktične nastave, te vršenje stručnog nadzora reguliše se ugovorom srednje škole sa privrednim društvom, ustanovom ili obrtnikom.

Član 70.

(Ferijalna praksa u stručnoj školi)

- (1) Nastavnim planom i programom stručne škole može se utvrditi obaveza, program, vrijeme i trajanje obavljanja ferijalne prakse učenika, kao dopuna praktične nastave.
- (2) Uslove, oblike, metode, postupke i fond časova izvođenja ferijalne prakse, propisuje Ministarstvo posebnim pravilnikom, na osnovu koga srednje škole ugovorom sa privrednim društvima, ustanovama i obrtnicima regulišu škola i drugi zainteresovani subjekti.
- (3) Bliži uslovi izvođenja ferijalne prakse za učenike stručne škole utvrđuju se pojedinačnim ugovorom sa privrednim društvom, ustanovom ili obrtnikom, u zavisnosti gdje se ona izvodi.

Član 71.

(Eksperimentalna nastava u stručnoj školi)

- (1) U stručnoj školi može se organizovati izvođenje eksperimentalne nastave po posebnom nastavnom planu i programu.
- (2) Uvođenje eksperimentalnog nastavnog plana i programa odobrava Ministarstvo na osnovu zahtjeva škole.

Odjeljak E. Srednje škole za učenike sa teškoćama u razvoju

Član 72.

(Obrazovanje učenika u srednjoj školi za učenike sa teškoćama u razvoju)

- (1) U srednjoj školi za učenike sa teškoćama u razvoju obrazuju se učenici koji imaju poteškoće u savladavanju Nastavnog plana i programa srednje stručne škole.
- (2) U srednjoj školi za učenike sa teškoćama u razvoju učenici se obrazuju po posebno prilagođenim nastavnim planovima i programima za odgovarajuće zanimanje I, II i III stepena stručne spreme u trajanju od dvije do četiri godine.
- (3) Nastavnim planovima i programima utvrđuje se stepen obrazovanja, zanimanje, trajanje obrazovanja, te odnos općeobrazovnih, stručno-teoretskih i sadržaja praktične nastave.
- (4) U srednjoj školi za učenike sa teškoćama u razvoju mogu se obrazovati i polaznici obrazovanja odraslih sa posebnim obrazovnim potrebama u skladu sa Zakonom o obrazovanju odraslih, („Službene novine Zeničko-dobojskog kantona“, broj: 5/14), (u daljem tekstu: Zakon o obrazovanju odraslih).

Član 73.

(Upis u srednju školu za učenike sa teškoćama u razvoju i sticanje zanimanja)

- (1) U srednju školu za učenike sa teškoćama u razvoju mogu se upisati učenici na osnovu svjedodžbe o završenoj osnovnoj školi za djecu sa teškoćama u razvoju ili završenom osnovnom obrazovanju u odjeljenju za obrazovanje djece sa teškoćama u razvoju pri redovnoj osnovnoj školi ili završenoj redovnoj osnovnoj školi po individualnom

- obrazovnom programu i na osnovu nalaza i mišljenja stručnjaka iz odgovarajućih ustanova zdravstvenog ili socijalnog tipa kojim se određuje način obrazovanja.
- (2) Propis o kriterijima, sadržaju i načinu upisa u srednju školu za učenike sa teškoćama u razvoju, donosi Ministarstvo.
 - (3) Propis o kriterijima, sadržaju i načinu polaganja završnog ispita i provjeri stručne osposobljenosti s ciljem sticanja zanimanja donosi Ministarstvo.

Odjeljak F. Srednja vjerska škola

Član 74.

(Obrazovanje učenika u srednjoj vjerskoj školi)

- (1) Srednja vjerska škola je škola u kojoj se obrazuju učenici u trajanju od četiri godine po programu općeobrazovnih predmeta i posebnom programu za stručno obrazovanje vjerskih službenika.
- (2) U srednjim vjerskim školama, zavisno od tipa, učenici stiču zvanje u skladu sa Nastavnim planom i programom.
- (3) U srednjoj vjerskoj školi ne može se vršiti istovremeno obrazovanje po programu za druge vrste srednjih škola.
- (4) Srednja vjerska škola se može organizovati sa domom za učenike.
- (5) Za srednju vjersku školu sa domom za učenike primjenjuju se odredbe članova od 153. do 163. koje se odnose na rad doma učenika.

Član 75.

(Osnivanje srednje vjerske škole)

Srednju vjersku školu može osnovati vjerska zajednica uz saglasnost Ministarstva.

Član 76.

(Upis učenika u srednju vjersku školu)

- (1) U srednju vjersku školu mogu se upisati učenici koji su sa uspjehom završili osnovno obrazovanje prema Nastavnom planu i okvirnom programu za osnovnu školu i ako polože prijemni ispit.
- (2) Na završetku obrazovanja u srednjoj vjerskoj školi polaže se matura, od koje se oslobađaju učenici koji su sve razrede u srednjoj vjerskoj školi završili s odličnim uspjehom i imaju primjerno vladanje.
- (3) Način polaganja prijemnog ispit uređuje se propisom koji, na prijedlog vjerske zajednice, donosi Ministarstvo.

Član 77.

(Polaganje mature)

- (1) Nastavnim planom i programom utvrđuje se sadržaj i program polaganja mature.
- (2) Način polaganja mature uređuje se propisom koji, na prijedlog vjerske zajednice, donosi Ministarstvo.

Član 78.

(Nastavni plan i program)

- (1) Nastavni plan i program srednje vjerske škole donosi Ministarstvo na prijedlog vjerske zajednice i pribavljenog mišljenja Pedagoškog zavoda.

- (2) Nastavnim planom i programom srednje vjerske škole utvrđuje se odnos općeobrazovnih predmeta i posebnog programa.

Član 79.
(Osposobljenost učenika)

Učenik koji završi srednju vjersku školu osposobljen je za rad i za nastavak obrazovanja na visokoškolskoj ustanovi.

POGLAVLJE III. UČENICI

Član 80.
(Status učenika)

- (1) Status učenika srednje škole stiče se upisom.
- (2) Status redovnog učenika može se steći samo u jednoj srednjoj školi.
- (3) Upis učenika u srednju školu vrši se na osnovu konkursa koji se objavljuje putem sredstava informisanja najmanje dva mjeseca prije početka školske godine.
- (4) Pravo konkurisanja imaju svi učenici koji podnesu dokaz o zdravstvenom stanju u skladu sa ovim Zakonom i koji na dan upisa nisu stariji od 18 godina.
- (5) Ukoliko je učenik sa teškoćama u razvoju, pored dokaza o zdravstvenom stanju dostavlja:
 - a) Pedagoški dosije iz osnovne škole;
 - b) nalaz i mišljenje stručnjaka iz odgovarajuće ustanove zdravstvenog ili socijalnog tipa kojim se određuje način edukacije.
- (6) Uslovi i kriteriji za upis učenika u srednju školu, na području Kantona, utvrđuju se Pravilnikom o upisu učenika u srednju školu, koji donosi Ministarstvo.
- (7) Upis učenika u I razred srednjih škola u državnoj svojini na području Kantona se vrši na osnovu objedinjenog konkursa objavljenog u javnim glasilima.
- (8) Način upisa u srednju školu utvrđuje se aktom srednje škole u skladu sa uslovima i kriterijima propisanim ovim Zakonom.

Član 81.
(Komisija za upis učenika u srednju školu)

- (1) Upis učenika u srednju školu obavlja školska komisija koju sačinjavaju pedagog (stručni saradnici) i dva člana nastavničkog vijeća škole.
- (2) Komisiju iz prethodnog stava imenuje nastavničko vijeće škole.

Član 82.
(Izveštaj o upisu učenika)

- (1) Srednja škola dužna je da obavi upis učenika i da Ministarstvu podnese izvještaj do 30. avgusta tekuće godine.
- (2) Srednja škola, registrovana za obrazovanje odraslih, podnosi Ministarstvu izvještaj o upisu odraslih, najkasnije deset dana nakon početka nastave.

Član 83.
(Upis učenika koji nastavljaju obrazovanje)

- (1) Učenici koji su se obrazovali u drugom kantonu ili entitetu upisuju se i nastavljaju obrazovanje pod istim uslovima kao i učenici u Kantonu.

- (2) Kod upisa učenika iz stava (1) ovog člana u II, III i IV razred nastavničko vijeće srednje škole utvrđuje obavezu polaganja dopunskog ispita za pojedine predmete koje učenici nisu izučavali.
- (3) U spornim slučajevima o načinu upisa i nastavljanja obrazovanja odlučuje Ministarstvo.

Član 84.

(Nostrifikacija i ekvivalentno prevođenje)

- (1) Državljeni Bosne i Hercegovine koji su završili osnovno, ili srednje obrazovanje, odnosno dijelove srednjeg obrazovanja u inozemstvu, mogu se uslovno upisati u osnovnu, odgovarajuću srednju školu ili visokoobrazovnu instituciju dok se ne izvrši nostrifikacija, odnosno ekvivalencija njihovih svjedočanstava, a najkasnije do završetka prvog polugodišta tekuće godine, odnosno roka predviđenog za upis u visokoobrazovnu instituciju.
- (2) Nostrifikacija i ekvivalentno prevođenje svjedodžbi i diploma se vrši na osnovu pravilnika koje donosi Ministarstvo.

Član 85.

(Upis stranih državljana u srednju školu)

- (1) Strani državljani i lica bez državljanstva upisuju se u srednju školu pod istim uslovima kao i državljani Bosne i Hercegovine ako ugovorima ili međunarodnim konvencijama nije drugačije određeno.
- (2) Strani državljani i lica bez državljanstva plaćaju troškove obrazovanja ako međunarodnim ugovorima, sporazumnima ili drugim aktima nije drugačije utvrđeno.
- (3) Troškove obrazovanja iz prethodnog stava uređuje posebni propis koji donosi Ministarstvo.

Član 86.

(Učenička knjižica)

- (1) Srednja škola upisanim učenicima na početku obrazovanja izdaje učeničku knjižicu.
- (2) Učenička knjižica je javna isprava kojom se dokazuje status učenika srednje škole.
- (3) Sadržaj i oblik učeničke knjižice propisuje Ministarstvo u skladu sa ovim Zakonom.

Član 87.

(Obrazovanje učenika u slučaju težih oboljenja)

- (1) Učeniku srednje škole koji ima teže oboljenje, te iz tog razloga ne može pohađati nastavu u školi gdje je registrovan, obrazovanje će biti pruženo u bolnici ili kući na zahtjev roditelja.
- (2) Škola je dužna učenicima iz stava (1) ovog člana, napraviti plan realizacije nastavnog plana i programa za dati tip škole.
- (3) Ukoliko škola nije u mogućnosti zadovoljiti potrebe učenika iz stava (1) ovog člana konačnu odluku donosi Ministarstvo.
- (4) Pravilnik o organizovanju i izvođenju nastave za učenike koji ne pohađaju nastavu u školi zbog težeg oboljenja, donosi Ministarstvo.



Član 88.

(Istovremeno pohađanje drugog programa srednje škole)

- (1) Učenik srednje škole može se istovremeno upisati i polagati predmete drugog programa srednje škole u istovrsnoj ili drugoj srednjoj školi i kao polaznik obrazovanja odraslih steći drugo obrazovanje, izuzev u gimnaziji i srednjoj vjerskoj školi.
- (2) Izuzetno, umjetničku školu mogu pohađati učenici koji redovno pohađaju i drugu srednju školu.
- (3) Pravilima srednje škole utvrđuju se bliži uslovi sticanja obrazovanja u smislu stava (1) ovog člana.

Član 89.

(Prestanak statusa učenika)

- (1) Status učenika srednje škole prestaje:
 - a) završavanjem obrazovanja u srednjoj školi,
 - b) ispisivanjem iz srednje škole,
 - c) gubljenjem prava na dalje redovno obrazovanje u toj školi,
 - d) isključivanjem iz srednje škole,
 - e) napuštanjem srednje škole.
- (2) Postupak i uslovi za utvrđivanje napuštanja srednje škole utvrđuju se pravilima srednje škole.

Član 90.

(Ponavljanje razreda)

- (1) Redovan učenik koji sa uspjehom ne završi razred ima pravo da ponovi razred.
- (2) U toku redovnog obrazovanja učenik može samo jedanput da ponovi razred.

Član 91.

(Ispisivanje učenika iz srednje škole)

- (1) Učenik se može ispisati iz srednje škole:
 - a) kada iz objektivnih razloga mora prekinuti obrazovanje,
 - b) kada prelazi u drugu srednju školu.
- (2) Učenik se može ispisati i u drugim slučajevima, ali najkasnije dva mjeseca prije završetka nastave u drugom polugodištu, odnosno dva mjeseca prije završetka obrazovanja.
- (3) Srednja škola može učenicima koji su proglašeni vrhunskim sportistima ili nagrađenim učenicima sa međunarodnih takmičenja odobriti odsustvovanje sa nastave radi pripremanja i učešća na takmičenjima u skladu sa pravilima škole.

Član 92.

(Promjena započetog obrazovanja)

- (1) Srednja škola je dužna da u toku obrazovanja sistematski prati razvoj učenika, njihove sklonosti i sposobnosti, vrednuje rezultate njihovog rada.
- (2) Redovnom učeniku se može odobriti promjena započetog obrazovanja, na način koji se reguliše Pravilnikom koje donosi Ministarstvo.



Član 93.
(Ocjenjivanje učenika)

- (1) Ocjenjivanje u srednjoj školi je javno, kontinuirano i brojčano.
- (2) Brojčane ocjene iz predmeta ili oblasti/modula su: odličan (5), vrlo dobar (4), dobar (3), dovoljan (2), nedovoljan (1).
- (3) Ocjena nedovoljan (1) nije prolazna.
- (4) Napredovanje, vrednovanje i ocjenjivanje učenika uređuju se propisom koji donosi Ministarstvo u skladu sa ustanovljenim standardima uspjeha učenika i ocjenjivanja postignutih rezultata od strane Agencije za obrazovanje.
- (5) Napredovanje, vrednovanje i ocjenjivanje učenika, koji se obrazuju po modularnom nastavnom planu i programu, uređuju se propisom koji donosi Ministarstvo u skladu sa ustanovljenim standardima uspjeha učenika i ocjenjivanja postignutih rezultata od strane Agencije za obrazovanje.

Član 94.
(Opći uspjeh i zaključivanje ocjena)

- (1) Zaključnu ocjenu iz pojedinih nastavnih predmeta utvrđuje razredno vijeće na prijedlog predmetnog nastavnika.
- (2) Opći uspjeh učenika utvrđuje se na osnovu zaključnih ocjena na kraju oba polugodišta, a za učenike upućene na popravni ispit poslije obavljenih ispita.
- (3) Nastavničko vijeće nakon svakog polugodišta analizira rad i rezultate rada odjeljenja, razreda i škole, razrednih vijeća i nastavnika, te usvaja izvještaj o uspjehu učenika.

Član 95.
(Prigovor roditelja na zaključnu ocjenu)

- (1) Učenik i njegov roditelj imaju pravo prigovora na zaključnu ocjenu.
- (2) Prigovorom se može tražiti izuzeće predmetnog nastavnika u komisiji.
- (3) Prigovor se podnosi nastavničkom vijeću u roku od tri dana od dana zaključivanja ocjene i obavještenja roditelja.
- (4) Nastavničko vijeće dužno je da u roku od tri dana od prijema prigovora donese odluku o prigovoru.
- (5) Ako nastavničko vijeće usvoji prigovor, obrazovat će komisiju koja će provjeriti znanje učenika u roku od dva dana od usvajanja prigovora.
- (6) Ocjena komisije je konačna.

Član 96.
(Utvrđivanje općeg uspjeha učenika)

- (1) Opći uspjeh učenika utvrđuje se na osnovu prosjeka prolaznih ocjena iz svih nastavnih predmeta.
- (2) Učenik je završio razred sa uspjehom:
 - a) odličan (5), ako je postigao prosječnu ocjenu najmanje 4,50;
 - b) vrlo dobar (4), ako je postigao prosječnu ocjenu najmanje 3,50;
 - c) dobar (3), ako je postigao prosječnu ocjenu najmanje 2,50;
 - d) dovoljan (2), ako je postigao prosječnu ocjenu najmanje 2,00.
- (3) Pored općeg uspjeha u svjedodžbama i drugim dokumentima o postignutom uspjehu upisuje se brojčana ocjena zaokružena na dvije decimale.
- (4) Učenik je završio razred, odnosno obrazovanje, kada je završio sve obaveze utvrđene nastavnim planom i programom i nema zaključenih nedovoljnih ocjena.

- (5) Svake godine škola bira učenika generacije iz završnog razreda.
- (6) Pravilnik o izboru učenika generacije donosi Ministarstvo, na prijedlog Pedagoškog zavoda.

Član 97.
(Popravni ispit)

- (1) Učenik koji na kraju drugog polugodišta, odnosno obrazovanja ima jednu ili dvije nedovoljne ocjene upućuje se na popravni ispit u avgustovskom ispitnom roku.
- (2) Učenik koji ne položi popravni ispit upućuje se da ponovi razred.
- (3) Učenik koji na kraju drugog polugodišta ima tri i više nedovoljnih ocjena upućuje se da ponovi razred.
- (4) Učenik srednje škole može u toku obrazovanja ponoviti samo jedan razred.

Član 98.
(Ocjenjivanje vladanja učenika)

- (1) U srednjoj školi ocjenjuje se i vladanje učenika.
- (2) Ocjene iz vladanja su: primjerno, vrlo dobro, dobro, zadovoljava i loše.
- (3) Ocjenu iz vladanja utvrđuje razredno vijeće na prijedlog razrednika.

Član 99.
(Završavanje dva razreda u toku školske godine)

- (1) Učenik koji u toku obrazovanja pokaže izuzetne sposobnosti i ima odličan uspjeh može brže napredovati, odnosno završiti dva razreda u toku jedne školske godine.
- (2) Pravilima srednje škole utvrđuje se način bržeg napredovanja, odnosno završetka dva razreda u toku jedne školske godine.

Član 100.
(Svjedodžba i diploma)

- (1) O završenom razredu, odnosno obrazovanju, srednja škola izdaje svjedodžbu, a učeniku koji s uspjehom položi maturalni, odnosno završni ispit srednje škole izdaje se diploma o završenoj srednjoj školi, uz navođenje općeg uspjeha izračunatog na dvije decimalne i srednje ocjene.
- (2) Učeniku koji je oslobođen polaganja mature, odnosno završnog ispita izdaje se diploma sa napomenom da je oslobođen.
- (3) Svjedodžba, odnosno diploma koju izdaje verifikovana srednja škola ima važnost javne isprave.

Član 101.
(Vrednovanje svjedodžbi i diploma)

Svjedodžba, odnosno diploma stečena na području Bosne i Hercegovine u registrovanim srednjim školama ima istu vrijednost kao i svjedodžba, odnosno diploma stečena u odgovarajućim srednjim školama na teritoriji Kantona.

Član 102.
(Izdavanje duplikata javnih isprava)

Na zahtjev učenika, njegovog roditelja, srednja škola izdaje duplikat svjedodžbe, odnosno diplome, na osnovu podataka iz matične knjige.

Član 103.
(Dokumentacija i evidencija u srednjoj školi)

- (1) Srednja škola vodi evidenciju i dokumentaciju o obrazovno-odgojnoj djelatnosti: matičnu knjigu, odjeljenjske knjige, registre i sl.
- (2) Podaci u matičnoj knjizi su trajne vrijednosti.
- (3) Sadržaj svjedodžbe, diplome i način vođenja evidencije i dokumentacije u svim tipovima srednjih škola uređuje se propisom koji donosi Ministarstvo.

Član 104.
(Dopunski i razredni ispit)

- (1) Učenik može polagati dopunski i razredni ispit.
- (2) Dopunski ispit može se polagati iz određenih predmeta ili oblasti u slučajevima promjene i daljeg nastavka srednje škole, te nakon provedenog postupka nostrifikacije ukoliko je isti potreban.
- (3) Nastavničko vijeće srednje škole utvrđuje obim polaganja dopunskog ispita.
- (4) Razredni ispit polažu redovni učenici koji su iz opravdanih razloga ostali neocijenjeni na kraju nastavne godine, odnosno obrazovanja.
- (5) Razredni ispiti se organizuju u slučajevima kada je učenik opravdano izostao sa nastave više od jedne trećine planiranih sati u drugom polugodištu.
- (6) U slučaju utvrđenih nepravilnosti nastavničko vijeće će poništiti ispit.
- (7) Organizacija, način, vrijeme i uslovi polaganja ispita u srednjoj školi uređuju se propisom koji donosi Ministarstvo.

Član 105.
(Posebna diploma za postignute rezultate)

- (1) Učeniku koji u toku srednjeg obrazovanja i odgoja postigne odličan uspjeh iz svih nastavnih predmeta i ima primjerno vladanje tokom trogodišnjeg ili četvorogodišnjeg obrazovanja izdaje se, pored svjedodžbe o završenim razredima i diplome o završenom obrazovanju, i posebna diploma u znak priznanja za postignute rezultate.
- (2) Učeniku generacije izdaje se, pored svjedodžbe o završenim razredima i diplome o završenom obrazovanju, i diploma za učenika generacije.
- (3) Učeniku koji postiže naročite rezultate u obrazovno-odgojnom procesu i drugim aktivnostima u srednjoj školi mogu se dodjeljivati pohvale i nagrade pod uslovima i na način utvrđen pravilima srednje škole.
- (4) Obrasce iz stava (1), (2) i (3) ovog člana, propisuje Ministarstvo.

Član 106.
(Izricanje odgojno-disciplinskih mjera)

- (1) Učeniku koji neredovno pohađa srednju školu, nemarno se odnosi prema radu i učenju, drugim aktivnostima u školi, ima nepravilan odnos prema drugim učenicima i nastavnicima, te školskoj imovini mogu se izreći odgojno-disciplinske mjere kada se može očekivati da će se izricanjem mjera ostvariti cilj odgoja.
- (2) Odgojno-disciplinske mjere mogu biti:

- a) ukor razrednika,
 - b) ukor razrednog vijeća,
 - c) ukor direktora,
 - d) ukor nastavničkog vijeća,
 - e) isključenje iz srednje škole.
- (3) Ukor nastavničkog vijeća i isključenje iz škole izriče nastavničko vijeće, o čemu se donosi rješenje.
- (4) Odredbe o povredama discipline, postupku za utvrđivanje disciplinske odgovornosti učenika, dužini izrečene odgojno-disciplinske mjere, njenom ublažavanju i ukidanju i posljedičnom odnosu na ocjenu iz vladanja učenika i naknadu počinjene materijalne štete utvrđuju se posebnim propisom koji donosi Ministarstvo.

Član 107.

(Prigovor roditelja na ocjenu iz vladanja)

- (1) Izrečena odgojno-disciplinska mjera povlači snižavanje ocjene iz vladanja učenika.
- (2) Učenik, odnosno njegov roditelj, protiv odgojno-disciplinske mjere ukor nastavničkog vijeća ili isključenje iz škole mogu izjaviti žalbu školskom odboru.
- (3) Odgojno-disciplinska mjera važi za školsku godinu za koju je izrečena, a u toku školske godine može se ublažavati ili ukinuti.
- (4) Ukoliko učenik u kontinuitetu od dva mjeseca ima izrečenu jednu od odgojno-disciplinskih mjera ne može mu se ublažiti ili ukinuti ista.

Član 108.

(Vijeće učenika)

- (1) U srednjoj školi formira se vijeće učenika radi ostvarivanja neposredne saradnje sa organima škole.
- (2) Srednja škola je obavezna da na početku školske godine upozna učenike sa njihovim pravima, odnosno dužnostima i odgovornostima utvrđenim ovim Zakonom i pravilima škole.
- (3) Učenici obrazuju vijeće učenika odjeljenja i vijeće učenika škole.
- (4) Vijeće učenika škole sačinjavaju predstavnici vijeća odjeljenja.
- (5) Uzimajući u obzir dob učenika koji pohađaju školu, škola im pomaže da osnuju vijeće učenika, čija je funkcija da: promoviše interese škole u zajednici na čijoj lokaciji se škola nalazi, predstavlja stavove učenika školskom odboru škole, podstiče angažman učenika u radu škole, informiše školski odbor o svojim stavovima kad ocijeni da je to potrebno ili, po zahtjevu školskog odbora, daju svoj doprinos o svakom pitanju koje se odnosi na rad i upravljanje školom.
- (6) Odredbe o radu vijeća učenika škole uređuju se općim aktima škole.

POGLAVLJE IV. PRAVA I OBAVEZE RODITELJA

Član 109.

(Prava i obaveze roditelja)

- (1) Roditelji su odgajatelji svoje djece.
- (2) Roditelji imaju pravo i obavezu starati se o odgoju i obrazovanju svoje djece.
- (3) Pravo je roditelja da, u skladu s njihovim interesima, odaberu obrazovanje koje će njihova djeca sticati, pod uslovom da se takvim izborom ostvaruju odgovarajuće obrazovne potrebe djeteta.

- (4) Roditelji imaju pravo obrazovati djecu u javnoj ili privatnoj školi.
- (5) Privatne škole, u pogledu uslova i procedura, osiguravaju jednake mogućnosti za upis svim učenicima.
- (6) U ostvarivanju svojih prava, roditelji ne mogu ograničiti prava svoje djece da imaju pristup i uživaju korist od obrazovanja primjerenog njihovom uzrastu i sposobnostima.
- (7) Svoje pravo na izbor obrazovanja djece roditelji ne mogu ostvarivati na način kojim se promovira predrasude na rasnoj, spolnoj, nacionalnoj, jezičkoj, vjerskoj i svakoj drugoj osnovi, kao i na način protivan ovom Zakonu.
- (8) Roditelj je, prema zahtjevu i uputama škole, obavezan da odvede dijete u odgovarajuću ustanovu zdravstvenog ili socijalnog tipa radi procjene njegovih individualnih sposobnosti.
- (9) Ukoliko na inicijativu škole, roditelji ne odvedu dijete u odgovarajuću ustanovu zdravstvenog ili socijalnog tipa radi procjene njegovih individualnih sposobnosti, podliježu kaznenim odredbama utvrđenim ovim Zakonom.
- (10) Roditelj je odgovoran i dužan izmiriti materijalnu štetu koji počinji učenik srednje škole u iznosu procijenjene štete.

Član 110. (Vijeće roditelja)

- (1) Srednja škola je obavezna da na početku školske godine upozna roditelje sa njihovim pravima, odnosno dužnostima i odgovornostima utvrđenim ovim Zakonom i pravilima škole.
- (2) Obaveza roditelja je da u saradnji sa nastavnicima pomogne u procjeni i izboru tipa srednje škole koja će biti u skladu sa interesima, sklonostima i mogućnostima učenika.
- (3) Roditelji učenika imaju pravo, a škola obavezu, pomoći roditeljima da osnuju vijeće roditelja, čije članove biraju roditelji učenika, a način i procedura osnivanja i rada vijeća roditelja utvrđuje se općim aktima škole.
- (4) Vijeće roditelja promovira interese škole u zajednici na čijem području se škola nalazi, predstavlja stavove roditelja školskom odboru, podstiče angažman roditelja u radu škole, informira školski odbor o svojim stavovima kada ocijeni da je to potrebno ili, po zahtjevu školskog odbora, o svakom pitanju koje se odnosi na rad i upravljanje školom, učestvuje u izradi i realizaciji odgovarajućih projekata kojima se podstiče i unapređuje obrazovni rad u školi.

POGLAVLJE V. NASTAVNICI, STRUČNI SARADNICI, SARADNICI I OSTALI RADNICI U ŠKOLI

Član 111.

(Profil i stručna sprema nastavnika, stručnih saradnika i saradnika u srednjoj školi)

- (1) Nastavnim planovima i programima, u zavisnosti o tipu srednje škole, utvrđuje se profil i stručna sprema nastavnika općeobrazovne, stručno-teoretske i praktične nastave.
- (2) U gimnazijama sadržaje općeobrazovnih nastavnih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spreme ili najmanje II (drugim) ciklusom odgovarajućeg studija visokog obrazovanja u trajanju od jedne godine (60 ECTS bodova) ili dvije godine (120 ECTS bodova) - ukupno (300 ECTS bodova) bolonjskog studija, sa bodovima prvog ciklusa, koji su stekli akademsku titulu i zvanje magistra ili ekvivalenta za određenu oblast.
- (3) U srednjim tehničkim i srodnim školama programske sadržaje općeobrazovnih nastavnih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spreme ili najmanje I (prvim) ciklusom

odgovarajućeg studija visokog obrazovanja u trajanju od najmanje četiri godine (240 ECTS bodova) bolonjskog studija, koji su stekli akademsku titulu odnosno stručno zvanje bachelor ili ekvivalenta za određenu oblast.

- (4) U srednjim stručnim školama programske sadržaje općeobrazovnih nastavnih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spremne ili najmanje I (prvim) ciklusom odgovarajućeg studija visokog obrazovanja u trajanju od najmanje tri godine (180 ECTS bodova) bolonjskog studija, koji su stekli akademsku titulu, odnosno stručno zvanje bachelor ili ekvivalenta za određenu oblast.
- (5) U srednjim tehničkim i srodnim školama programske sadržaje stručno-teorijskih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spremne i dopunsko psihološko-pedagoško i metodičko obrazovanje stečeno na fakultetu koji obrazuje nastavnike ili najmanje I (prvim) ciklusom odgovarajućeg studija visokog obrazovanja u trajanju od najmanje četiri godine (240 ECTS bodova) bolonjskog studija, koji su stekli akademsku titulu, odnosno stručno zvanje bachelor ili ekvivalenta za određenu oblast i dopunsko psihološko-pedagoško i metodičko obrazovanje stečeno na fakultetu koji obrazuje nastavnike.
- (6) U srednjim stručnim školama programske sadržaje stručno-teorijskih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spremne i dopunsko psihološko-pedagoško i metodičko obrazovanje stečeno na fakultetu koji obrazuje nastavnike ili najmanje I (prvim) ciklusom odgovarajućeg studija visokog obrazovanja u trajanju od najmanje tri godine (180 ECTS bodova) bolonjskog studija, koji su stekli akademsku titulu, odnosno stručno zvanje bachelor ili ekvivalenta za određenu oblast i dopunsko psihološko-pedagoško i metodičko obrazovanje stečeno na fakultetu koji obrazuje nastavnike.
- (7) U srednjim tehničkim i srodnim i stručnim školama praktičnu nastavu mogu izvoditi nastavnici sa završenim najmanje V stepenom stručne spremne, specijalisti, odnosno sa završenim majstorskim ispitom ili najmanje I (prvim) ciklusom odgovarajućeg studija visokog obrazovanja bolonjskog studija u trajanju od tri godine (180 ECTS bodova), koji su stekli akademsku titulu, odnosno stručno zvanje bachelor ili ekvivalenta za određenu oblast, sa pet godina odgovarajućeg radnog iskustva u skladu sa stručnim zvanjem i dopunskim psihološko-pedagoškim i metodičkim obrazovanjem stečenim na fakultetu koji obrazuje nastavnike.
- (8) Stručnu pomoć i podršku tokom školovanja učenika sa posebnim obrazovnim potrebama pružaju defektolozi različitih usmjerenja ili edukatori-rehabilitatori za rad u nastavi sa završenim najmanje VII stepenom stručne spremne ili najmanje I (prvim) ciklusom odgovarajućeg studija visokog obrazovanja u trajanju od najmanje četiri godine (240 ECTS bodova) bolonjskog studija, koji su stekli akademsku titulu, odnosno stručno zvanje bachelor ili ekvivalenta za određenu oblast.
- (9) Općeobrazovnu, stručno-teorijsku, praktičnu i nastavu u okviru laboratorijskog rada, u skladu sa stavovima (1), (2), (3) i (4) ovog člana, u srednjoj školi izvode i lica sa završenim I, II ili III ciklusom bolonjskog visokoobrazovnog procesa na nastavničkom fakultetu ili drugom fakultetu i dopunskim pedagoško-psihološkim i didaktičko-metodičkim obrazovanjem stečenim na fakultetu koji obrazuje nastavnike.
- (10) Za inkluzivno obrazovanje potrebne su vještine u individualiziranju nastavnog procesa u skladu sa različitim mogućnostima i dinamikom učenja svih učenika, što obavezuje nastavnike da se stručno usavršavaju za pružanje podrške učenicima u procesu učenja na fleksibilan način.
- (11) Poslove nastavnika predsjednika stručnih aktiva može obavljati nastavnik koji ima položen stručni ispit.

- (12) Na poslove mentora za stručno osposobljavanje pripravnika imenuje se nastavnik koji ispunjava uslove da ima ocjenu o radu naročito se ističe ili 5 godina radnog staža u struci, a ukoliko škola ne raspolaže ovim kadrom može se angažovati najkompetentniji nastavnik te struke, na obrazloženi prijedlog direktora.
- (13) U spornim slučajevima o stručnoj spremi iz stava (1) ovog člana, rješava Ministarstvo, a nakon prethodno pribavljenog mišljenja odgovarajuće visokoškolske ustanove.
- (14) Rješenje iz prethodnog stava je konačno i protiv istog se ne može izjaviti žalba.

Član 112.

(Prava, obaveze i poslovi nastavnika, stručnih saradnika i saradnika u srednjoj školi)

- (1) Pravo i obaveza nastavnika, stručnih saradnika i saradnika je da organizuju i obavljaju neposredan obrazovno-odgojni rad, prate, podstiču i pomažu razvoj učenika, stalno se stručno usavršavaju i izvršavaju druge zadatke, utvrđene ovim zakonom i aktima škole.
- (2) Stručnu pomoć nastavnicima, stručnim saradnicima i saradnicima pruža Pedagoški zavod kroz savjetodavno-instruktivni rad.
- (3) Ako radnik škole, odnosno drugo lice koje je imenovano na funkciju ima ugovor o radu na neodređeno vrijeme u školi na području Zeničko-dobojskog kantona, na njegov će zahtjev ugovor o radu mirovati do prestanka mandata.
- (4) Obrazovno-odgojni rad u školi obavljaju nastavnici, stručni saradnici i saradnici.
- (5) Primarni zadatak nastavnika, stručnih saradnika i saradnika u školi je neposredan obrazovno-odgojni rad u okviru nastavnih planova i programa, uvažavajući funkcionalnu kreativnost pedagoškog rada, principe demokratičnosti i ljudskih prava.
- (6) Lica iz stava (1) ovog člana obavljaju sljedeće poslove:
- a) ostvaruju ciljeve i zadatke obrazovanja i odgoja utvrđene ovim zakonom i na osnovu njega donesenim propisima i drugim aktima;
 - b) realizuju nastavne planove i programe u okviru 40-časovne radne sedmice i godišnjeg programa rada škole;
 - c) prate i vrednuju uspjeh u učenju i vladanju učenika;
 - d) vode evidenciju i dokumentaciju o obrazovno-odgojnom radu;
 - e) sarađuju sa organima upravljanja i organima rukovođenja u školi, roditeljima učenika i međusobno u domenu unapređenja obrazovanja i odgoja;
 - f) učestvuju u radu stručnih organa škole radi unapređenja djelotvornosti rada škole i
 - g) izvršavaju i druge obaveze po nalogu direktora škole koje proizlaze iz općih akata škole i godišnjeg programa rada škole.

Član 113.

(Stručni saradnici i saradnici)

- (1) Pedagoške, psihološke, andragoške, socijalne, zdravstvene, bibliotekarske i druge stručne poslove obrazovno-odgojnog rada u srednjoj školi obavljaju stručni saradnici sa završenim stepenom i vrstom stručne spreme utvrđenim Pedagoškim standardima, kao i položenim stručnim ispitom.
- (2) Organizacija i realizacija poslova stručnih saradnika i saradnika u srednjoj školi planira se i obavlja u skladu sa Pedagoškim standardima uz saglasnost Ministarstva.

Član 114.

(Uslovi za zasnivanje radnog odnosa nastavnika, stručnih saradnika i saradnika)

- (1) Poslove nastavnika, stručnog saradnika i saradnika može obavljati lice koje osim uslova utvrđenih zakonom, ispunjava i sljedeće uslove:
 - a) ima nivo obrazovanja u skladu sa Nastavnim planom i programom, odnosno Pedagoškim standardima za srednju školu;
 - b) ima položen stručni ispit za samostalan obrazovno-odgojni rad;
 - c) da je zdravstveno sposoban za obavljanje poslova nastavnika ili stručnog saradnika.
- (2) Na nastavnika, odnosno stručnog saradnika koji se prima u svojstvu pripravnika, ne odnosi se traženi uvjet iz stava (1) tačka b) ovog člana.
- (3) Diplome izdate u Bosni i Hercegovini, kao i diplome izdate u bivšoj SFRJ do 6. aprila 1992. godine sa istim stepenom i vrstom školske spreme koja se traži za nastavnike i stručne saradnike škole, imaju jednaku vrijednost, a na osnovu Zakona o važnosti javnih isprava u Bosni i Hercegovini ("Službeni glasnik Bosne i Hercegovine", broj: 23/4).
- (4) Za dokazivanje ispunjavanja uslova iz stava (1) tačka c) ovog člana, priznaje se samo ljekarsko uvjerenje koje izdaje ovlaštena zdravstvena ustanova.
- (5) Poslove nastavnika u srednjoj školi na neodređeno radno vrijeme može obavljati osoba koja ima odgovarajuću školsku spremu definiranu Nastavnim planom i programom i položen stručni ispit za nastavnika.
- (6) Poslove stručnog saradnika ili saradnika u srednjoj školi na neodređeno radno vrijeme može obavljati osoba koja ima odgovarajuću školsku spremu definiranu Pedagoškim standardima i položen stručni ispit za stručnog saradnika ili saradnika.

Član 115.

(Ostali radnici u srednjoj školi)

- (1) Administrativno-finansijske, analitičke, normativno-pravne, personalne, statističke i druge poslove, obavljaju administrativno-finansijski radnici i sekretari sa završenim stepenom i vrstom stručne spreme utvrđene Pedagoškim standardima.
- (2) Pomoćno-tehničke i druge poslove obavlja pomoćno-tehničko osoblje sa završenim stepenom i vrstom stručne spreme utvrđene Pedagoškim standardima.

Član 116.

(Zapošljavanje u srednjoj školi)

- (1) Škola čiji je osnivač Skupština Kantona je dužna u skladu sa Nastavnim planom i programom, odnosno Pedagoškim standardima, da dostavi Ministarstvu podatke o potrebama za potpunom upražnjenih radnih mjesta.
- (2) Škola čiji je osnivač Skupština Kantona dužna je vršiti prijem nastavnika, stručnih saradnika i ostalih radnika u školi na osnovu javnog konkursa/oglasa, koji raspisuje školski odbor srednje škole, uz prethodnu saglasnost Ministarstva i u skladu sa Programom zbrinjavanja mogućeg tehnološkog viška, kao i Kriterija o načinu bodovanja kandidata prilikom zasnivanja radnog odnosa u osnovnim i srednjim školama i đачkim domovima na području Zeničko-dobojskog kantona, koje donosi Ministarstvo.
- (3) Konkurs se raspisuje najmanje dva puta u toku školske godine i to prije početka školske godine i prije početka drugog polugodišta, objavljuje u jednom dnevnom ili sedmičnom listu za koji se objektivno može pretpostaviti da je dostupan javnosti na području Zeničko-dobojskog kantona.

- (4) Ostali radnici primaju se u radni odnos putem javnog oglasa koji se objavljuje u jednom dnevnom ili sedmičnom listu za koji se objektivno može pretpostaviti da je dostupan javnosti na području Zeničko-dobojskog kantona.
- (5) Izuzetno, radi obezbjeđenja stručne zastupljenosti nastave, odnosno nesmetanog odvijanja obrazovno-odgojnog procesa, a do okončanja postupka po raspisanom konkursu/oglasu, direktor škole može, bez konkursa/oglasa, primiti u radni odnos na određeno vrijeme lice koje ispunjava uslove utvrđene ovim zakonom, na period ne duži od 60 dana.
- (6) Izuzetno, ako se po okončanju konkursa ne bude moglo izabrati stručno lice, direktor škole može angažovati lice na poslove instruktivne nastave.
- (7) Angažovanje lica iz stava (6) ovog člana, se vrši u svojstvu radnika na određeno vrijeme odnosno na period do kraja polugodišta u skladu sa posebnim uputstvom koje donosi Ministarstvo.
- (8) Radno-pravni status radnika škole čiji je osnivač Skupština Kantona, koji je ostao djelimično ili u cjelosti bez poslova i radnih zadataka u školi, rješava se u skladu sa ovim zakonom i Okvirnim programom zbrinjavanja tehnološkog viška radnika u školama na području Zeničko-dobojskog kantona.
- (9) Škola čiji je osnivač drugo pravno ili fizičko lice vrši prijem radnika na osnovu javnog konkursa/oglasa, u skladu sa uslovima, kriterijima i postupkom utvrđenim općim aktima škole.
- (10) U slučajevima kada je neophodno angažovati nastavnika ili lice za realizaciju nastave koje nije završilo nastavnički fakultet, škola može angažovati radnika ugovorom o djelu, a koji se zbog specifičnih razloga, odnosno opravdanih potreba pedagoške prirode, može obnavljati do kraja nastavne godine.
- (11) Propisom koji donosi Ministarstvo, uz prethodna usaglašavanja sa ovlaštenim predstavnicima obrazovnog sindikata, bliže se uređuju uslovi, kriteriji i postupak zapošljavanja u školama čiji je osnivač Skupština Kantona.

Član 117.

(Zbrinjavanje tehnološkog viška)

- (1) Škola čiji je osnivač Skupština Kantona je dužna u skladu sa Pedagoškim standardima dostaviti Ministarstvu podatke o radnicima škole za čijim je radom djelimično ili u cjelosti prestala potreba na nivou škole.
- (2) Škole su dužne, prije raspisivanja konkursa/oglasa, napraviti listu nastavnika, stručnih saradnika, saradnika i ostalih radnika koji su utvrđeni kao tehnološki višak, prema Okvirnom programu zbrinjavanja mogućeg tehnološkog viška radnika u osnovnim i srednjim školama na području Zeničko-dobojskog kantona.

Član 118.

(Ljekarski i sistematski pregled radnika)

- (1) Svi radnici srednje škole moraju biti ljekarski pregledani do početka nastave za tu školsku godinu.
- (2) Troškovi sistematskog pregleda padaju na teret osnivača.
- (3) Ako se u toku školske godine ustanovi da je nastavnik ili drugi radnik škole obolio od zarazne bolesti, ili ima ozbiljne psihičke poremećaje, utvrđene od strane ovlaštene zdravstvene ustanove, bit će oslobođen od izvođenja nastave i neposrednog kontakta sa učenicima do izlječenja.



- (4) Podaci o zdravstvenom stanju radnika se moraju koristiti u skladu sa važećim propisima zaštite ličnih podataka.
- (5) Lice koje boluje od zarazne ili duševne bolesti ili je prema nalazu stručnog ljekara postalo ovisnik, ne može raditi u srednjoj školi.
- (6) Bliže odredbe ovog člana regulisat će se Pravilima škole.

Član 119.

(Upućivanje radnika na ocjenu radne sposobnosti)

- (1) U slučaju osnovane sumnje da je radniku škole psihičko ili fizičko zdravlje narušeno u mjeri koja bitno umanjuje njegovu radnu sposobnost, na osnovu mišljenja i prijedloga Nastavničkog vijeća, Pedagoškog zavoda, koji vrši pedagoško-stručni nadzor i Inspekcije za oblast obrazovanja, direktor škole donosi oduku o upućivanju radnika na ocjenu radne sposobnosti.
- (2) Na odluku o upućivanju radnika na ocjenu radne sposobnosti nezadovoljni radnik ima pravo podnijeti žalbu školskom odboru.
- (3) Odluka školskog odbora na podnesenu žalbu je konačna.
- (4) Radnik čija je žalba odbačena ili odbijena, obavezan je na osnovu konačne odluke školskog odbora podvrgnuti se ocjeni radne sposobnosti.
- (5) Troškovi vezani za ocjenu radne sposobnosti padaju na teret škole.
- (6) Radnik škole koji odbije izvršiti odluku iz stava (4) ovog člana, čini povredu radne dužnosti.
- (7) Ako se ocjenom radne sposobnosti od strane ovlaštene ustanove utvrdi da nastavnik, stručni saradnik ili saradnik nije u mogućnosti uredno izvršavati obaveze u obrazovno-odgojnom radu ili da drugi radnici ne mogu obavljati poslove na koje su raspoređeni zbog trajno narušenog psihičkog ili fizičkog zdravlja, ponudit će im se odgovarajući poslovi prema preostaloj radnoj sposobnosti, ako za to postoje uslovi.
- (8) Radnik iz prethodnog stava ostvaruje sva pripadajuća prava u skladu sa važećim zakonskim propisima.

Član 120.

(Podobnost za rad sa učenicima)

- (1) Za rad sa učenicima nepodoban je radnik škole koji je pravosnažnom presudom osuđen na kaznu zatvora za krivično djelo protiv ustavnog poretka, protiv čovječnosti i međunarodnog prava, protiv života i tijela, protiv dostojanstva lica i morala, protiv braka i porodice, protiv službene i druge odgovorne dužnosti, kao i drugih krivičnih djela koji zbog svoje prirode ne dozvoljavaju rad sa učenicima, odnosno rad u školi, osim ako je nastupila rehabilitacija po posebnom zakonu.
- (2) Radniku škole iz stava (1) ovog člana, koji je pravosnažnom presudom osuđen na izdržavanje kazne zatvora u trajanju od najmanje tri mjeseca, otkazat će se ugovor o radu bez obaveze poštivanja propisanog ili ugovorenog otkaznog roka.

Član 121.

(Privremena ili trajna suspenzija radnika)

- (1) Radnik škole privremeno se suspenduje sa poslova i radnih zadataka koje vrši ako je protiv njega pokrenut krivični postupak za djela iz člana 120. stav (1) ovog Zakona, do okončanja krivičnog postupka.
- (2) Radnik škole može se privremeno suspendovati ako postoje osnovi sumnje da je učinio krivično djelo iz člana 120. stav (1) ovog zakona ili je protiv njega pokrenut disciplinski

postupak za težu povredu radne dužnosti, do okončanja istražnog, odnosno disciplinskog postupka.

- (3) Odluku o privremenoj suspenziji donosi direktor škole u skladu sa Pravilnikom o disciplinskoj odgovornosti koji donosi Ministarstvo.
- (4) Tokom suspenzije radnik ima pravo na iznos plate u skladu sa propisima.
- (5) Radniku pripada razlika između primljene plaće koju bi ostvario da nije suspendovan, kao i druga prava iz radnog odnosa koja nije ostvario zbog suspenzije, u slučaju:
 - a) ako mu ne bude izrečena disciplinska mjera zbog povrede radne dužnosti;
 - b) ako je na osnovu pravosnažne sudske odluke krivični postupak protiv njega obustavljen ili je oslobođen optužbe, ili je optužba odbijena, ali ne zbog nenadležnosti.
- (6) Postupak utvrđivanja povrede radne dužnosti zaposlenih u školi obavezno će se regulisati Pravilnikom o disciplinskoj odgovornosti koji donosi Ministarstvo.

Član 122.

(Prestanak rada nastavnika)

- (1) Nastavnik može izgubiti pravo na dalji rad u nastavi ako Nastavničko vijeće, Pedagoški zavod koji vrši pedagoško-stručni nadzor i Inspekcija za oblast obrazovanja, (u daljem testu: Inspekcija), utvrdi da nastavnik ne izvršava svoje obaveze u skladu sa Nastavnim planom i programom, ovim zakonom, te drugim aktima škole.
- (2) U slučaju prestanka prava nastavnika da obavlja neposredni obrazovno-odgojni rad srednja škola može takvog nastavnika rasporediti na druge poslove odnosno radne zadatke, koji odgovaraju njegovoj stručnoj spremi.
- (3) Kada nastavnik, kome je prestalo pravo da izvodi nastavu, ne bude raspoređen na druge poslove, ostvarivat će svoja prava shodno Zakonu o radu.

Član 123.

(Raspored radnog vremena)

- (1) Pravilnikom o radu srednje škole utvrđuje se raspored radnog vremena nastavnika, stručnih saradnika i saradnika u okviru 40-satne radne sedmice i korištenja dnevnog odmora u toku radnog dana u skladu sa Pedagoškim standardima.
- (2) Norme sati nastavnika utvrđuju se Pedagoškim standardima.

Član 124.

(Broj sati neposrednog obrazovno-odgojnog rada)

- (1) Norma časova redovne nastave po predmetima utvrđena je Pedagoškim standardima.
- (2) Neposredni obrazovno-odgojni rad podrazumijeva časove redovne, izborne, dopunske, dodatne i instruktivne nastave i pisanje pripreme za nastavu, vrijeme za pregled pismenih zadataka, razredništvo, čas odjeljenske zajednice, vođenje sekcije ili drugih oblika vannastavnih aktivnosti.
- (3) Izuzetno, ukoliko se po okončanju konkursne procedure, nastava nije mogla stručno zastupiti, niti se moglo angažovati lice na poslove instruktivne nastave, nastavnik može, po nalogu direktora, raditi više od nastavne norme utvrđene Pedagoškim standardima do pet nastavnih časova sedmično.
- (4) Rad iz stava (3) ovog člana smatra se prekovremenim radom.

Član 125.
(Godišnji odmor)

- (1) Nastavnici koriste godišnji odmor u toku ljetnog raspusta učenika, koji traje 30 radnih dana, a ostali radnici u skladu sa Pravilnikom o radu škole i Zakonom o radu.
- (2) Nastavnici, stručni saradnici i saradnici koji zbog bolovanja i drugih opravdanih razloga ne iskoriste godišnji odmor u toku ljetnog odmora, mogu koristiti godišnji odmor shodno Zakonu o radu.

Član 126.
(Pripravnik)

- (1) Pripravnik je lice koje prvi put zasniva radni odnos u zanimanju za koje se obrazovalo radi stručnog osposobljavanja za samostalan rad.
- (2) Licu koje prvi put zasniva radni odnos na određeno vrijeme u zanimanju za koje se obrazovalo, za puno radno vrijeme pripada iznos plate pripadajućeg radnog mjesta, u skladu sa Kolektivnim ugovorom za djelatnost srednjeg obrazovanja za teritorij Zeničko-dobojskog kantona, kao i druge naknade koje nemaju karakter plate.

Član 127.
(Osposobljavanje bez zasnivanja radnog odnosa)

Ako je stručni ispit ili radno iskustvo zakonski utvrđeno, odnosno uslov za obavljanje poslova određenog zanimanja u obrazovanju, škola može lice koje završi obrazovanje, za takvo zanimanje primiti na stručno osposobljavanje bez zasnivanja radnog odnosa, u skladu sa zakonom.

Član 128.
(Osposobljavanje pripravnika za samostalan rad)

- (1) Nastavnik, stručni saradnik i saradnik koji prvi put zasniva radni odnos u statusu pripravnika, stiče pravo polaganja stručnog ispita po isteku pripravničkog staža koji traje 9 mjeseci.
- (2) Program pripravničkog stažiranja, polaganja stručnog ispita, sastav komisije pred kojom se polaže stručni ispit, škola u kojoj će se održati nastavni sat – praktični dio stručnog ispita, način polaganja i izdavanje uvjerenja o položenom stručnom ispitu, zatim oblici, način i program stručnog usavršavanja nastavnika, stručnih saradnika i saradnika, kao i vođenje evidencije o stručnom ispitu, uređuju se propisima koje donosi Ministarstvo.
- (3) Za osposobljavanje pripravnika za samostalan obrazovno-odgojni rad odgovorni su direktor i mentor.

Član 129.
(Verifikovanje nastave nastavnika, stručnog saradnika i saradnika)

- (1) Verifikovanje nastave nastavnika i aktivnosti stručnog saradnika za vrijeme osposobljavanja za samostalan obrazovno-odgojni rad vrši mentor.
- (2) Do momenta sticanja uslova za samostalan obrazovno-odgojni rad nastavnik, stručni saradnik i saradnik radi uz instrukcije i pod nadzorom mentora.

Član 130.
(Praćenje i vrednovanje rada nastavnika, stručnih saradnika i saradnika)

- (1) Rad nastavnika, stručnih saradnika i saradnika prati se i vrednuje kontinuirano, a ocjena rada se utvrđuje jedanput u četiri godine.

- (2) Rezultati vrednovanja rada nastavnika, stručnih saradnika i saradnika u srednjoj školi omogućavaju sticanje zvanja pod odgovarajućim uslovima.
- (3) Postupak praćenja rada nastavnika, stručnih saradnika i saradnika u srednjoj školi, vrednovanja rada, te sticanja zvanja na osnovu vrednovanja i vođenje dokumentacije o njihovom radu, uređuje se propisima koje donosi Ministarstvo.

POGLAVLJE VI. NADZOR NAD RADOM SREDNJE ŠKOLE

Član 131.

(Nadzor)

- (1) Nadzor u smislu ovog Zakona podrazumijeva: nadzor nad zakonitošću rada srednje škole, inspekcijski nadzor i pedagoško-stručni nadzor.
- (2) Nadzor nad zakonitošću rada srednje škole i inspekcijski nadzor vrši Inspekcija za oblast obrazovanja Ministarstva za obrazovanje nauku, kulturu i sport Zeničko-dobojskog kantona.
- (3) Pedagoško-stručni nadzor nad radom srednje škole vrši Pedagoški zavod.

Član 132.

(Inspekcijski nadzor)

- (1) Inspekcijski nadzor odnosi se na:
 - a) postojanje propisanih uslova za rad obrazovno-odgojnih ustanova i drugih pravnih lica koja obavljaju djelatnost obrazovanja i odgoja (u daljem tekstu obrazovno-odgojne ustanove);
 - b) ostvarivanje obrazovno-odgojne, odnosno naučno-nastavne djelatnosti;
 - c) upotrebu nastavnih planova i programa, udžbenika i drugih nastavnih sredstava;
 - d) uslove za upis u obrazovno-odgojnu ustanovu;
 - e) vođenje propisane evidencije i dokumentacije;
 - f) primjenu odgojno-disciplinskih mjera prema učenicima;
 - e) primjenu ostalih propisa koji se odnose na nesmetan rad i funkcionisanje škole do donošenja konačnih odluka organa upravljanja školom.
- (2) Nadzor nad primjenom propisa o radu (zaključivanje ugovora u radu, otkazivanje ugovora o radu i prestanak radnog odnosa, ostvarivanje prava, obaveza i odgovornosti iz radnog odnosa), vrši nadležna inspekcija rada.
- (3) Inspekcijski nadzor u srednjoj školi obavlja se najmanje dva puta u toku školske godine.
- (4) Izvještaj o izvršenom inspekcijskom nadzoru nadležna inspekcija dostavlja Ministarstvu, a zapisnike o obavljenom inspekcijskom nadzoru direktoru škole i školskom odboru.

Član 133.

(Pedagoško-stručni nadzor)

- (1) Pedagoško-stručni nadzor obuhvata aktivnosti nadzora nad procesom planiranja i programiranja rada škole, organizacijom i izvođenjem nastave, nadzor nad radom nastavnika, stručnih saradnika i saradnika, te nadzor nad radom direktora i pomoćnika direktora srednje škole radi unapređenja obrazovno-odgojnog rada škole.
- (2) Pedagoško-stručni nadzor u srednjoj školi obavlja Pedagoški zavod.
- (3) Pedagoško-stručni nadzor iz stava (1) ovog člana posebno se odnosi na:
 - a) pružanje stručne pomoći u planiranju, programiranju i organizaciji obrazovno-odgojnog rada, ocjenjivanju i napredovanju učenika, a posebno nadarenih učenika;



- b) praćenje primjene i realizacije Nastavnog plana i programa, odnosno ciljeva i zadataka, sadržaja, obima, oblika, metoda i postupaka obrazovno-odgojnog rada;
 - c) praćenje i vrednovanje rada nastavnika, stručnih saradnika i saradnika u nastavi, kao i rada direktora i pomoćnika direktora srednje škole, te
 - d) praćenje i unapređenje nastavne tehnike i tehnologije, organizovanje, obučavanje i usavršavanje nastavnika i saradnika za primjenu novih nastavnih metoda i nove nastavne tehnologije, te izdavanje publikacija iz oblasti nastavne teorije i prakse;
 - e) praćenje, proučavanje i analiza sistema obrazovanja i odgoja, te predlaganje mjera za njegovo unapređenje.
- (4) Pedagoško-stručni nadzor u srednjoj školi obavlja se najmanje dva puta u toku školske godine: na kraju prvog polugodišta tekuće školske godine i na kraju školske godine.
 - (5) Tokom obavljanja pedagoško-stručnog nadzora sačinjava se zapisnik.
 - (6) Pedagoško-stručni nadzor u srednjoj školi odvija se u skladu sa pravilnikom kojeg donosi Ministarstvo.
 - (7) O obavljenom pedagoško-stručnom nadzoru Pedagoški zavod podnosi zbirni izvještaj Ministarstvu.

Član 134. **(Obaveza škole pri vršenju nadzora)**

- (1) Škola je dužna da omogući nesmetano vršenje inspekcijuskog nadzora i pedagoško-stručnog nadzora, kao i uvid u odgovarajuću dokumentaciju i evidenciju koja se vodi u školi u skladu s predmetom nadzora.
- (2) Inspekcijuski nadzor se odvija uz prisustvo direktora škole.
- (3) Pedagoško-stručni nadzor se odvija uz prisustvo direktora škole i pomoćnika direktora škole.
- (4) Škola je dužna da, nakon upoznavanja nastavničkog vijeća i školskog odbora o izvršenom nadzoru, zapisnike i izvještaje o obavljenom nadzoru odlaže u arhivu na način koji je definisan propisima kojima se tretira pojedini oblik nadzora u školi.

DIO ČETVRTI - ORGAN UPRAVLJANJA I ORGAN RUKOVOĐENJA

Član 135. **(Organ upravljanja i organ rukovođenja)**

- (1) Organ upravljanja u srednjoj školi je školski odbor.
- (2) Organ rukovođenja je direktor srednje škole.
- (3) Organ rukovođenja u školskom centru je direktor centra.

Član 136. **(Sastav i imenovanje članova školskog odbora)**

- (1) Školski odbor srednje škole, kao javne ustanove, broji pet članova i to: jedan predstavnik osnivača kojeg predlaže Ministarstvo, jedan predstavnik lokalne zajednice, jedan predstavnik Vijeća roditelja učenika srednje škole na prijedlog Vijeća roditelja i dva predstavnika škole koji se biraju iz reda nastavnika, stručnih saradnika i saradnika škole na prijedlog Nastavničkog vijeća.
- (2) Predstavnik osnivača:
 - a) treba da ima najmanje VI stepen stručne spreme (ili završen najmanje dodiplomski visokoškolski studij ili stručni studij na kojem se stiče najmanje 180 ECTS bodova);
 - b) ne može biti direktor škole registrovane u Kantonu;

- c) ne može biti državni službenik/namještenik Ministarstva za obrazovanje, nauku, kulturu i sport Zeničko-dobojskog kantona.
- (3) Školski odbor po svom sastavu, u pravilu, odražava etnički sastav učenika i roditelja, radnika, te škole i lokalne zajednice u kojoj škola djeluje, a u skladu sa posljednjim objavljenim popisom stanovništva u Bosni i Hercegovini.
- (4) Članove školskog odbora srednje škole kao javne ustanove, na osnovu raspisanog javnog oglasa, konačno imenuje i razrješava Vlada Kantona na način i u postupku propisanim Zakonom o ministarskim, vladinim i drugim imenovanjima Federacije Bosne i Hercegovine, („Službene novine Federacije Bosne i Hercegovine“, broj: 12/03, 34/03 i 65/13), kao i Pravilnikom o radu školskog odbora srednje škole.
- (5) U proceduri koja prethodi postupku imenovanja članova školskog odbora, kandidati za članove školskog odbora iz reda roditelja, odnosno staratelja učenika i radnika škole obavezni su u pisanom obliku obezbijediti većinsku podršku Vijeća roditelja škole (u daljem tekstu: Vijeće roditelja), odnosno većinsku podršku radnika škole pribavljenu na proširenoj sjednici Nastavničkog vijeća, koju čine svi radnici škole.
- (6) Predsjednika i članove školskog odbora srednje škole kao javne ustanove konačno imenuje i razrješava Vlada Kantona u skladu sa kriterijima koje donosi Vlada Kantona, na prijedlog Ministarstva, a predsjednika i članove školskog odbora srednje škole u privatnom vlasništvu, imenuje i razrješava osnivač.
- (7) Isto lice može biti predsjednik ili član samo u jednom školskom odboru odgojno-obrazovne ustanove na području Kantona.
- (8) U školskom odboru ne može se dozvoliti angažman osobi za koju se u zakonom propisanom postupku, a na osnovu relevantne medicinske dokumentacije utvrdi da je: ovisnik o opijatima, kao i osoba koja boluje od duševne bolesti, a što će se preciznije urediti Pravilnikom iz stava (4) ovog člana.
- (9) U slučaju kada je protiv osobe koja je član školskog odbora potvrđena optužnica za krivična djela za koja se odredbama važećeg Krivičnog zakona Bosne i Hercegovine i Krivičnog zakona Federacije Bosne i Hercegovine, (u daljem tekstu: krivični zakon) može izreći kazna zatvora u trajanju od tri mjeseca i više, škola je obavezna obavijestiti o tome osnivača radi donošenja odluke o suspenziji tih lica do okončanja krivičnog postupka.
- (10) O osobama iz stava (9) ovog člana kojima je izrečena pravosnažna presuda ili mjera zbog počinjenog jednog ili više krivičnih djela iz stava (9) ovog člana škola je obavezna obavijestiti osnivača odnosno Ministarstvo radi donošenja odluke o njihovom razrješenju.
- (11) U školskom odboru se ne mogu angažovati lica koja su izabrani dužnosnici, nosioci izvršnih funkcija i savjetnici u organima vlasti u Federaciji Bosne i Hercegovine, shodno odredbama Zakona o sukobu interesa u organima vlasti Federacije Bosne i Hercegovine, („Službene novine Federacije Bosne i Hercegovine“, broj: 70/08), kao i lica iz člana 5., Zakona o ministarskim, vladinim i drugim imenovanjima Federacije Bosne i Hercegovine, („Službene novine Federacije Bosne i Hercegovine“, broj: 12/03, 34/03 i 65/13).

Član 137.

(Nadležnost školskog odbora)

- (1) Školski odbor osigurava djelotvorno i efikasno korištenje svih resursa srednje škole i brine se o zakonitom radu škole, organa rukovođenja i stručnih organa škole.
- (2) Nadležnosti školskog odbora su:
- a) vrši izbor nastavnika, stručnih saradnika i saradnika;
 - b) izbor i konačno imenovanje i razrješenje direktora škole;

- c) rješava u drugom stepenu i donosi konačne odluke po svim podnesenim prigovorima i žalbama;
 - d) odlučuje o prestanku prava nastavnika, stručnih saradnika i saradnika na dalji obrazovno-odgojni rad;
 - e) razmatranje i donošenje godišnjeg programa rada škole za tekuću godinu i izvještaja o realizaciji godišnjeg programa rada za prethodnu školsku godinu;
 - f) donosi odluke o broju, organizovanju i ukidanju odjeljenja srednje škole;
 - g) razmatra ostvarenje godišnjeg programa rada škole i realizaciju nastavnog plana i programa;
 - h) usvaja pravila škole i druga akta srednje škole;
 - i) odlučuje o prigovoru roditelja učenika na rad nastavnika, stručnih saradnika i saradnika;
 - j) postupa po žalbi učenika, odnosno roditelja učenika na odluku o izricanju odgojno-disciplinske mjere iz člana 107. stav (2) ovog Zakona;
 - k) donosi odluku o raspisivanju javnog konkursa/oglasa;
 - l) postupa po žalbama i prigovorima kandidata po javnom konkursu;
 - m) razmatra žalbe i prigovore nastavnika, stručnih saradnika i saradnika na rješenje o ocjeni rada direktora srednje škole i drugim pravima, obavezama i odgovornostima iz radnog odnosa i o tome podnosi izvještaj osnivaču, odnosno Ministarstvu;
 - n) postupa po žalbama i prigovorima koji se odnose na rad direktora škole;
 - o) podnosi godišnji izvještaj o rezultatima rada srednje škole Ministarstvu;
 - p) imenovanje svih komisija za poslove iz svoje nadležnosti, a u skladu s Pravilima škole;
 - r) razmatra prijedloge odluka i preporuka koji se upute školskom odboru s ciljem preduzimanja odgovarajućih mjera;
 - s) donošenje općeg akta o unutrašnjoj organizaciji i sistematizaciji radnih mjesta i drugih općih akata u skladu sa relevantnim propisima.
- (3) Školski odbor je nadležan za odlučivanje u drugom stepenu po žalbama i prigovorima na odluke direktora škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih saradnika i saradnika i drugih radnika škole.
- (4) Školski odbor, osim nadležnosti propisanih u stavovima (2) i (3) ovog člana, obavlja i sljedeće:
- a) razmatra odluke i preporuke nastavničkog vijeća i sindikata i preduzima odgovarajuće mjere;
 - b) rješava sva pitanja odnosa s osnivačem;
 - c) razmatra i odobrava službena putovanja direktora škole;
 - d) u vanrednim situacijama kada je direktor spriječen da obavlja dužnost, a škola nema pomoćnika direktora, uz saglasnost Ministarstva, imenuje nastavnika ili stručnog saradnika koji ispunjava uslove za direktora koji će obavljati poslove i radne zadatke direktora, sve dok traje takva objektivna spriječenost;
 - e) vrši i druge poslove u skladu s relevantnim propisima i pravilima škole.
- (5) Ukoliko Osnivač ne prihvati izvještaj o radu školskog odbora iz stava (2) ovog člana i ako školski odbor ne postupi po nalogu, odnosno mjeri suda, Ministarstva ili inspektora za otklanjanje utvrđenih nepravilnosti, odnosno nedostataka ili ako školski odbor postupi suprotno aktima suda, Ministarstva ili nadležne inspekcije, Ministarstvo pokreće proceduru razrješenja članova školskog odbora.

Član 138.
(Rad školskog odbora)

- (1) Način rada školskog odbora reguliše se Pravilnikom o formiranju i radu školskih odbora.
- (2) Odluke školskog odbora su valjane ako za njih glasa većina od ukupnog broja imenovanih članova školskog odbora.
- (3) Obavljanje dužnosti člana školskog odbora je dobrovoljno i besplatno.
- (4) Procedure za imenovanje članova školskog odbora počinju najkasnije šest mjeseci prije isteka mandata.
- (5) Konstituirajuću sjednicu školskog odbora saziva direktor škole najkasnije u roku od 15 dana od dana prijema rješenja o imenovanju članova školskog odbora.
- (6) Ministarstvo donosi Pravilnik o formiranju i radu školskih odbora.

Član 139.
(Razrješenje članova školskog odbora)

- (1) Status člana školskog odbora prestaje istekom mandata.
- (2) Mandat člana školskog odbora iz reda roditelja, člana iz reda radnika škole i predstavnika lokalne zajednice prestaje najkasnije u roku od 60 dana od dana prestanka statusa redovnog učenika čiji je on roditelj, odnosno prestanka statusa radnika u datoj školi, odnosno isteka mandata predstavnika lokalne zajednice, kao i donošenja odluke Nastavničkog vijeća i Vijeća roditelja o razrješenju članova školskog odbora.
- (3) Odmah nakon nastupanja okolnosti iz stavova (1) i (2) ovog člana, srednja škola je obavezna provesti proceduru popune te pozicije i o tome obavijestiti Ministarstvo, a ako je istekao mandat predstavniku osnivača ili predstavniku lokalne zajednice Vlada Kantona će popuniti tu poziciju.
- (4) Vlada Kantona će razriješiti članove školskog odbora, odnosno školski odbor i prije isteka mandata u slučajevima kada se utvrdi da:
 - a) član ne ispunjava obaveze utvrđene zakonom, aktom o osnivanju škole i pravilima srednje škole i pravilnikom kojim se reguliše rad školskog odbora;
 - b) školski odbor ne obavlja poslove iz svog djelokruga u skladu sa zakonom, aktom o osnivanju škole, pravilima srednje škole, pravilnikom kojim se reguliše rad školskog odbora, odnosno ako ne postupi po naloženim instrukcijama Ministarstva, kao i u drugim slučajevima predviđenim pravilima srednje škole.
- (5) Odluku o razrješenju školskog odbora, na obrazloženi prijedlog Ministarstva, donosi Vlada Kantona, te u skladu sa zakonom imenuje, na kraći period, školski odbor, najkasnije u roku od 30 dana od dana dostave prijedloga.
- (6) U slučaju razrješenja člana školskog odbora, odnosno razrješenju školskog odbora iz stavova (1) i (4) ovog člana, mandat novom članu, odnosno školskom odboru traje do isteka mandata razriješenog člana, odnosno razriješenog školskog odbora.
- (7) Članovi školskog odbora koji su razriješeni u slučajevima utvrđenim u stavu (4) ovog člana, ne mogu biti ponovo imenovani u školske odbore osnovnih i srednjih škola Kantona.
- (8) Evidenciju ovih lica vodi Ministarstvo.

Član 140.
(Opći uslovi za obavljanje poslova direktora škole)

- (1) Srednjom školom rukovodi direktor škole.
- (2) Za direktora srednje škole može biti imenovana osoba koja, osim općih, ispunjava i sljedeće posebne uslove:



- a) da u pogledu stručne spreme ispunjava uslove za nastavnika u srednjoj školi, odnosno stručnog saradnika u srednjoj školi;
 - b) da ima najmanje 5 godina radnog staža na poslovima u nastavi, odnosno obrazovno-odgojnom procesu, a naročito se ističe svojim radom, sposobnostima organizacije obrazovno-odgojnog rada škole i u pedagoškoj teoriji i praksi o čemu posjeduje mjerljive pokazatelje, odnosno relevantnu dokumentaciju;
 - c) da ima najmanje VII stepen stručne spreme, odnosno završen studij po bolonjskom sistemu (najmanje 240 ECTS bodova) za srednje tehničke i srodne i stručne škole;
 - d) da ima najmanje VII stepen stručne spreme, odnosno završen studij po bolonjskom sistemu (najmanje 300 ECTS bodova), za gimnazije;
 - e) kao i druge posebne uslove propisane pravilnikom iz stava (3) ovog člana.
- (3) Direktora srednje škole kao javne ustanove, čiji je osnivač Skupština Kantona, imenuje školski odbor, na osnovu raspisanog javnog konkursa uz prethodno mišljenje Ministarstva i saglasnost Vlade Kantona, na način i u postupku propisanom Pravilnikom o izboru, imenovanju i razrješenju direktora srednje škole, koje donosi Ministarstvo.
- (4) U slučaju da predloženi kandidat ne dobije saglasnost Vlade Kantona, školski odbor će imenovati vršioca dužnosti direktora na period od najduže 6 mjeseci, uz obavezu da se raspiše novi konkurs.

Član 141.

(Posebni uslovi za obavljanje poslova direktora škole)

- (1) Prilikom prijave na konkurs za izbor i imenovanje direktora škole, odnosno prilikom imenovanja pomoćnika direktora, kandidati su dužni dostaviti slijedeću dokumentaciju:
- a) ovjerenu i potpisanu izjavu da nisu članovi tijela ili organa niti jedne političke stranke, te da za sve vrijeme obnašanja povjerenih javnih dužnosti neće politički djelovati u smislu postupanja po datim političkim uputstvima ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti ili školi, mogla dovesti u pitanje njihova opredjeljena politička nepristrasnost;
 - b) ovjerenu i potpisanu izjavu da nisu u bilo kakvom srodstvu sa članovima školskog odbora.
- (2) Sve prijave, odnosno informacije o političkom djelovanju potpisnika Izjave iz prethodnog stavka, dostavljaju se Komisiji koju imenuje Vlada Zeničko-dobojskog kantona, a koja se sastoji od pet članova, od kojih je jedan predsjednik i to: dva člana imenovana na prijedlog skupštinske Komisije za obrazovanje, nauku, kulturu i sport, jednog člana imenovanog na prijedlog Samostalnog sindikata osnovnog obrazovanja i odgoja u Federaciji Bosne i Hercegovine, jednog člana imenovanog na prijedlog Sindikata srednjeg i visokog obrazovanja, odgoja, nauke i kulture BiH, te jednog člana iz Ministarstva za obrazovanje, nauku, kulturu i sport, imenovanog na prijedlog Ministra pomenutog Ministarstva, koja će razmotriti sve navode iz dostavljene prijave i svoje mišljenje o istoj dostaviti kantonalnoj inspekciji za obrazovanje i nauku, na daljnje postupanje.
- (3) Komisija će razmotriti sve navode iz dostavljene prijave i svoje mišljenje o istoj dostaviti Kantonalnoj inspekciji za obrazovanje i nauku, na daljnje postupanje.
- (4) Vlada Kantona daje saglasnost za kandidata kojeg predloži školski odbor, a koji ispunjava uslove konkursa i kriterije iz Pravilnika koji donosi Ministarstvo.

- (5) U proceduri koja prethodi postupku izbora i imenovanja direktora škole, članovi školskog odbora iz reda roditelja i radnika škole obavezni su podržati obrazložen prijedlog Vijeća roditelja, odnosno radnika koji se dobija neposrednim i tajnim izjašnjavanjem svih prisutnih članova Vijeća roditelja na sjednici Vijeća roditelja, odnosno radnika na sjednici Nastavničkog vijeća u proširenom sastavu.
- (6) Direktora srednje škole čiji osnivač nije Skupština Kantona imenuje školski odbor na osnovu javnog konkursa i uz saglasnost osnivača.
- (7) (7) Direktor srednje škole se imenuje na period od četiri godine s mogućnošću jednog reizbora u toj srednjoj školi.
- (8) (8) Školski odbor raspisuje konkurs za direktora srednje škole, najkasnije tri mjeseca prije isteka mandata, koji se objavljuje u sredstvu informisanja, o čemu obavještava Ministarstvo.
- (9) Postupak izbora i imenovanja direktora škole školski odbor sprovodi uz poštivanje načela zakonitosti, otvorenosti i transparentnosti, kvalitete, zastupljenosti pri zapošljavanju i nezavisne provjere, u skladu sa važećim zakonima.
- (10) Nadzor nad sprovođenjem procedure izbora i imenovanja direktora škole provodi Ministarstvo.
- (11) Na prava i obaveze radnika koji su imenovani za direktora škole primjenjuju se odgovarajuće odredbe zakona i kolektivnog ugovora za djelatnost srednjeg obrazovanja, kojima se uređuju prava i obaveze iz radnog odnosa, a koje nisu utvrđene ovim Zakonom.
- (12) Za direktora srednje škole i vršioca dužnosti direktora srednje škole ne može se imenovati:
 - a) osoba za koju se, u zakonom propisanom postupku, a na osnovu relevantne medicinske dokumentacije, utvrdi da boluje od duševne ili zarazne bolesti, ovisnik o opijatu, a što će se preciznije urediti Pravilima škole;
 - b) osoba protiv koje je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine i Bosne i Hercegovine može izreći kazna zatvora u trajanju od tri mjeseca i više;
 - c) osoba koja je član organa zakonodavne, izvršne ili sudske vlasti ili savjetnik u smislu Zakona o sukobu interesa ("Službeni glasnik Bosne i Hercegovine", broj: 16/02.), kao i članovi organa i tijela političkih partija;
 - d) osoba protiv koje je pokrenut krivični postupak.
- (13) Pitanja imenovanja i razrješenja direktora škola uređuju se Pravilima škole i Pravilnikom kojeg donosi Ministarstvo.

Član 142.

(Prava i obaveze direktora škole)

- (1) Direktor škole je odgovoran za zakonitost rada i stručni rad škole.
- (2) Direktor škole, osim poslova i zadataka utvrđenih ovim zakonom, obavlja i sljedeće poslove:
 - a) priprema nacrt godišnjeg programa rada škole nakon čijeg donošenja je odgovoran za njegovo provođenje;
 - b) planira rad, saziva i vodi sjednice odjeljenjskih i nastavničkih vijeća;
 - c) predlaže okvirni finansijski plan škole Ministarstvu i odgovoran je za praćenje realizacije usvojenog finansijskog plana škole;
 - d) odlučuje o raspoređivanju nastavnika, stručnih saradnika, saradnika i ostalih radnika srednje škole na određene poslove i zadatke u skladu sa njihovom stručnom spremom/zvanjem i rezultatima rada;

- e) u skladu s odredbama ovog zakona vrši izbor i postavljenje ostalih radnika i s njima zaključuje ugovor o radu;
- f) brine se o zbrinjavanju tehnološkog viška radnika u skladu sa odredbama ovog Zakona;
- g) osigurava uslove za stručno usavršavanje nastavnika i stručnih saradnika, te stručno osposobljavanje ostalih radnika u školi;
- h) brine se o sigurnosti i zdravlju, te o pravima, obavezama i interesima učenika i radnika škole;
- i) sarađuje s učenicima i roditeljima učenika;
- j) predlaže školskom odboru pravila škole i druge opće akte usaglašene sa reprezentativnim sindikatom;
- k) vrši evaluaciju rada nastavnika, stručnih saradnika i saradnika u školi;
- l) posjećuje redovnu nastavu i ostale oblike neposrednog obrazovno-odgojnog rada u školi;
- m) poduzima mjere propisane zakonom zbog neizvršavanja poslova ili zbog neispunjavanja drugih obaveza iz radnog odnosa;
- n) sarađuje s osnivačem škole, Ministarstvom i Pedagoškim zavodom, te drugim ustanovama i drugim organima od značaja za život i rad srednje škole kojom rukovodi;
- o) za svaku školsku godinu utvrđuje raspored nastavnika i drugih radnika škole na određene poslove, u skladu s općim aktom o organizaciji i sistematizaciji radnih mjesta u školi;
- p) utvrđuje raspored radnog vremena svih radnika škole u skladu s zakonom o radu i kolektivnim ugovorima;
- r) predlaže raspored časova nastavničkom vijeću;
- s) rješava u prvom stepenu po žalbama i prigovorima na rad nastavnika, stručnih saradnika i saradnika, kao i drugih radnika u školi;
- t) rješava u prvom stepenu po žalbama i prigovorima roditelja učenika;
- u) odgovoran je za izvršenje uputstava, upozorenja i instrukcija Ministarstva, Inspekcije za oblast obrazovanja u slučaju neprimjerenog ponašanja nastavnika, stručnih saradnika, saradnika i drugih radnika i njihovog negativnog uticaja na učenike i ostale radnike škole;
- v) provodi odluke školskog odbora i nastavničkog vijeća;
- z) podnosi Školskom odboru izvještaje o rezultatima rada;
- aa) vrši i druge poslove utvrđene Zakonom, podzakonskim aktima i pravilima škole.

Član 143.

(Prava direktora škole iz radnog odnosa)

- (1) Radnik škole, odnosno drugo lice koje je imenovano na funkciju direktora škole, postavlja se rješenjem o postavljenju na period od četiri godine koje na osnovu prethodne odluke školskog odbora o konačnom imenovanju, donosi predsjednik školskog odbora.
- (2) Ako radnik škole, odnosno drugo lice koje je imenovano na funkciju direktora iz stava (1) ovog člana, ima ugovor o radu na neodređeno vrijeme u školi, na njegov će zahtjev ugovor o radu mirovati do prestanka mandata, a najduže za vrijeme trajanja dva uzastopna mandata.
- (3) Zahtjev iz stava (2) ovog člana radnik škole podnosi školskom odboru u pisanoj formi, u roku od 30 dana od dana prijema rješenja iz stava (1) ovog člana.
- (4) Radnik škole, odnosno drugo lice koje je imenovano na funkciju direktora škole iz stava (1) ovog člana, ima se pravo vratiti na rad u školu u kojoj je prethodno radio, ako se na te

poslove, uz prethodnu pisanu obavijest školskom odboru, vrati u roku od 30 dana od dana prestanka obavljanja poslova direktora, u protivnom mu prestaje radni odnos.

- (5) Ako je za sticanje određenih prava važno prethodno trajanje radnog odnosa s istim poslodavcem, radniku škole, odnosno drugom licu koje je imenovano na funkciju direktora škole iz stava (1) ovog člana, nakon povratka na rad, period mirovanja ugovora o radu ubraja se u neprekidno trajanje radnog odnosa.
- (6) Radnika škole iz stava (1) ovog člana do povratka na poslove za koje mu ugovor o radu miruje zamjenjuje osoba u radnom odnosu koji se zasniva isključivo na određeno vrijeme.
- (7) Na prava i obaveze radnika škole, odnosno drugog lica koje je imenovano na funkciju direktora škole iz stava (1) ovog člana, primjenjuju se odgovarajuće odredbe zakona i važećih kolektivnih ugovora, kojima se uređuju prava i obaveze iz radnog odnosa, a koje nisu utvrđene ovim zakonom.

Član 144.

(Prestanak dužnosti direktora škole)

- (1) Dužnost direktora škole prestaje:
 - a) istekom mandata;
 - b) na lični zahtjev;
 - c) razrješenjem;
 - d) ako je, zbog provođenja odluke ili akta koje je donio, došlo do povrede prava radnika ili imovine srednje škole, ako je njegovim odnosom nanесena šteta učenicima škole, odnosno njihovim roditeljima, starateljima ili društvenoj zajednici;
 - e) sticanjem uslova za prestanak radnog odnosa zbog odlaska u penziju;
 - f) u drugim slučajevima utvrđenim zakonom, provedbenim aktima i pravilima škole.
- (2) Konačnu odluku o prestanku dužnosti direktora škole donosi školski odbor u okviru svojih nadležnosti, a u izuzetnim slučajevima nepostupanja po datim uputama i smjernicama Ministarstva i na obrazloženi prijedlog ministra.

Član 145.

(Razrješenje direktora škole)

- (1) Školski odbor je obavezan razriješiti direktora prije isteka mandata ako se utvrdi da:
 - a) ne izvršava obaveze iz ovog zakona;
 - b) u zakonom propisanom postupku, a na osnovu relevantne medicinske dokumentacije boluje od zarazne ili duševne bolesti, ovisnik je o opijatima, a što će se preciznije urediti Pravilima škole;
 - c) je izrečena pravosnažna presuda ili mjera zbog počinjenog jednog ili više krivičnih djela za koja se odredbama važećeg krivičnog zakona može izreći kazna zatvora u trajanju od tri mjeseca i više;
 - d) je škola, odnosno direktor odgovoran za teži prekršaj iz ovog zakona;
 - e) škola ne ostvaruje utvrđeni nastavni plan i program ili ga ostvaruje s utvrđenim, odnosno neotklonjenim nedostacima i nepravilnostima;
 - f) direktor ne postupi po nalogu odnosno mjeri suda, mjeri Ministarstva ili inspektora za oblast obrazovanja za otklanjanje utvrđenih nepravilnosti odnosno nedostataka ili ako direktor postupi suprotno aktima suda, instrukcijama, uputama ili smjernicama Ministarstva, Pedagoškog zavoda ili nadležne inspekcije za oblast obrazovanja;
 - g) školski odbor ili Ministarstvo utvrde nesavjesno i nestručno obavljanje poslova direktora;
 - h) postupajući suprotno Zakonu i podzakonskim aktima, onemogućuje rad stručnih organa škole i rad školskog odbora;

- i) dostavi Ministarstvu netačne podatke o broju odjeljenja, učenika, časova i radnika;
 - j) fizički kažnjava, omalovažava i vrijeđa ličnost učenika, radnika ili roditelja, ili neprimjerenim ponašanjem narušava ugled škole, ugled prosvjetnog radnika i društva u cjelini, a što se preciznije uređuje Pravilnikom o kućnom redu s etičkim kodeksom koji donosi Ministarstvo;
 - k) u toku mandata ne ispunjava uslove ili je predao dokumente ili izjave tokom postupka prijave na javni konkurs, za koje se kasnije utvrdi da nisu vjerodostojni;
 - l) postoje nepravilnosti u drugim slučajevima u skladu sa zakonom.
- (2) U slučaju kršenja zakona, profesionalne nekompetentnosti ili nemarnosti, školski odbor je obavezan po hitnom postupku suspendovati direktora, do konačnog rješenja u skladu sa zakonom, a suspendovani direktor ostvaruje prava u skladu sa zakonom i važećim kolektivnim ugovorima.
- (3) U slučaju kada je protiv direktora potvrđena optužnica za krivična djela za koja se odredbama važećeg krivičnog zakona može izreći kazna zatvora u trajanju od tri mjeseca i više, škola je obavezna obavijestiti osnivača radi donošenja odluke o suspenziji do okončanja krivičnog postupka, a suspendovani direktor ostvaruje prava u skladu sa Zakonom i važećim kolektivnim ugovorima.
- (4) Dok traje postupak razrješenja direktora iz stava (1) ovog člana, školski odbor je dužan suspendovati direktora škole do okončanja postupka u skladu sa Zakonom.
- (5) Za vrijeme suspenzije direktora škole školski odbor će ovlastiti pomoćnika direktora, odnosno nastavnika ili stručnog saradnika škole koji ispunjava uslove iz člana 140. stav (2) ovog zakona, da obavlja poslove iz nadležnosti direktora, koji ne trpe odlaganje.
- (6) Direktor koji je razriješen prije isteka mandata iz razloga navedenih u stavovima (1) i (2) ovog člana ne može biti ponovo imenovan za direktora škole ili vršioca dužnosti direktora škole.
- (7) Ministarstvo može predložiti školskom odboru srednje škole da direktora srednje škole razriješi i prije isteka vremena na koje je imenovan ako školski odbor ne prihvati izvještaj direktora iz člana 143. alineja b), ovog zakona i utvrdi da je odgovoran za neuspjeh u obrazovno-odgojnom radu srednje škole.
- (8) Ukoliko je osnivač srednje škole Skupština Kantona, prava i obaveze osnivača iz ovog člana vrši Vlada Kantona.
- (9) Način i procedure razrješenja direktora škole uređuje se pravilnikom koji donosi Ministarstvo.

Član 146.

(Vršilac dužnosti direktora škole)

- (1) Vršilac dužnosti direktora škole imenuje se u slučajevima propisanim zakonom, bez konkursa.
- (2) Ukoliko direktor škole nije imenovan, odnosno ukoliko je razriješen prije isteka mandata, školski odbor će po hitnom postupku iz reda nastavnika ili stručnih saradnika škole imenovati vršioca dužnosti direktora škole na period koji ne može biti duži od šest mjeseci od dana imenovanja, i u roku od 30 dana raspisati javni konkurs za izbor i imenovanje direktora škole.
- (3) U slučaju privremene spriječenosti direktora da obavlja poslove, a koji nije uspio ovlastiti osobu koja će obavljati neodložne poslove direktora škole, školski odbor će ovlastiti pomoćnika direktora, odnosno osobu iz reda nastavnika i stručnih saradnika koji će obavljati privremene i neodložne poslove direktora škole.
- (4) Vršilac dužnosti se imenuje na period najduže od 6 mjeseci, uz prethodno pribavljenu saglasnost Ministarstva.

- (5) Osnivač srednje škole u privatnoj svojini ima pravo imenovati vršioca dužnosti direktora škole bez saglasnosti Vlade Kantona, a u skladu sa pravilima škole i uslovima iz člana 141. ovog Zakona.
- (6) Ako osoba imenovana za vršioca dužnosti direktora škole ima ugovor o radu na neodređeno vrijeme, na njezin će zahtjev školskom odboru u pisanoj formi, ugovor o radu mirovati u periodu u kojem će obavljati poslove direktora škole.
- (7) Vršilac dužnosti direktora škole ima sva prava i obaveze kao i direktor škole, pri čemu se mandat vršioca dužnosti ne smatra prekidom mandata u odnosu na dva prethodna uzastopna mandata direktora te škole.

Član 147.
(Pomoćnik direktora škole)

- (1) Srednja škola, u skladu sa Pedagoškim standardima, može na poslovima rukovođenja, općim aktom, utvrditi i poslove pomoćnika direktora škole.
- (2) Izbor pomoćnika direktora škole vrši školski odbor, na prijedlog direktora škole, iz reda nastavnika i stručnih saradnika te škole i uz saglasnost Ministarstva, koja se pribavlja svake školske godine za narednu školsku godinu.
- (3) Za pomoćnika direktora škole može se imenovati lice koje ispunjava iste uslove kao i direktor škole.
- (4) Postupak izbora i razrješenja pomoćnika direktora škole, njegova ovlaštenja i dužnosti, utvrđuju se pravilima škole.

DIO PETI – STRUČNI I SAVJETODAVNI ORGANI ŠKOLE

Član 148.
(Stručni organi u srednjoj školi)

- (1) U srednjoj školi djeluju stručni organi:
 - a) nastavničko vijeće, koje sačinjavaju nastavnici i stručni saradnici;
 - b) razredno vijeće, koje sačinjavaju nastavnici tih razreda;
 - c) stručni aktivni nastavnika određenih nastavnih oblasti.
- (2) Način rada stručnih organa reguliše se poslovníkom o radu stručnih organa.
- (3) Razrednik je stručni voditelj odjeljenja.
- (4) Odredbe o radu stručnih organa i razrednika sadrže akti srednje škole (pravila škole, godišnji program rada i dr.).

Član 149.
(Nastavničko vijeće)

- (5) Nastavničko vijeće je stručni organ, a obavlja slijedeće poslove i zadatke:
 - a) stara se o organizaciji obrazovno-odgojnog rada u školi i preduzima mjere za unapređenje tog rada;
 - b) utvrđuje prijedlog godišnjeg programa rada škole;
 - c) analizira uspjeh učenika i rad razrednih vijeća;
 - d) na prijedlog direktora određuje razrednike;
 - e) vrši izbor oblika nastave i saglasno tome vrši raspored učenika po odjeljenjima i podjelu predmeta na nastavnike, odnosno utvrđuje organizaciju nastave u 40-satnoj radnoj sedmici;
 - f) odobrava učenicima završavanje dva razreda u toku jedne školske godine;



- g) prati ostvarivanje nastavnog plana i programa i preduzima mjere za njegovo izvršenje;
 - h) preporučuje nabavku stručnih časopisa i druge stručne literature;
 - i) utvrđuje prijedlog i prati realizaciju stručnog usavršavanja nastavnika, stručnih organa, tijela i komisija;
 - j) utvrđuje program i prati realizaciju stručnog usavršavanja nastavnika, stručnih saradnika i saradnika;
 - k) analizira rad nastavnika, stručnih saradnika i saradnika i predlaže mjere za unapređenje obrazovno-odgojnog rada;
 - l) analizira i koordinira rad stručnih aktiva;
 - m) vodi brigu o profesionalnoj orijentaciji učenika;
 - n) imenuje komisije za polaganje ispita;
 - o) imenuje članove komisije za upis učenika u prvi razred srednje škole;
 - p) odobrava i organizuje polaganje razrednih ispita, mature, odnosno završnih ispita koji se obavljaju u školi u skladu sa ovim Zakonom, te razmatra i usvaja izvještaje o ispitima;
 - r) donosi odluku o poništenju ispita;
 - s) stara se o zajednici učenika škole;
 - t) razmatra izvještaje o izvršenom pedagoško-stručnom nadzoru, po potrebi inspekcijskom pregledu, preduzima odgovarajuće mjere i vodi brigu o izvršenju tih mjera;
 - u) obavlja i druge poslove predviđene zakonom i pravilima srednje škole;
- (6) Radom nastavničkog vijeća rukovodi direktor srednje škole ili član nastavničkog vijeća kojeg on odredi.

Član 150. **(Razredno vijeće)**

- (1) Razredno vijeće obavlja slijedeće poslove i zadatke:
- a. analizira uspjeh učenika i rad nastavnika u odjeljenjima određenog razreda;
 - b. neposredno radi na profesionalnoj orijentaciji učenika;
 - c. odlučuje o programima za nadarene učenike, za učenike s teškoćama u razvoju i o oblicima nastave koji će se primjenjivati u odjeljenjima u cjelini ili za pojedine grupe učenika ili učenika pojedinačno;
 - d. usklađuje rad nastavnika u obrazovno-odgojnom procesu;
 - e. utvrđuje zaključne ocjene;
 - f. izriče i drugim organima predlaže odgojno-disciplinske mjere prema učenicima;
 - g. analizira rad nastavnika, stručnih saradnika i saradnika i predlaže mjere za unapređenje obrazovno-odgojnog rada;
 - h. vrši i druge poslove utvrđene pravilima škole.
- (2) Razrednim vijećem rukovodi razrednik.

Član 151. **(Stručni aktiv)**

- (1) U školi se obrazuju stručni aktiv, čiji su članovi nastavnici određenih nastavnih oblasti.
- (2) Stručnim aktivom rukovodi predsjednik stručnog aktiva.
- (3) Stručni aktiv obavlja slijedeće poslove:
- a) prati realizaciju nastavnog plana i programa i predlaže mjere za njegovo unapređenje,
 - b) usaglašava kriterije ocjenjivanja,

- c) predlaže izmjene nastavnog plana i programa u skladu s tehnološkim razvojem i dostignućima u toj oblasti,
 - d) daje prijedlog direktoru u vezi s podjelom predmeta na nastavnike,
 - e) učestvuje u izradi i izboru programa stručnog usavršavanja nastavnika,
 - f) obavlja i druge poslove utvrđene Pravilima škole.
- (4) Način rada stručnih organa reguliše se poslovníkom o radu stručnih organa škole.
- (5) Odredbe o radu stručnih organa i rada razrednika u srednjoj školi sastavni su dio pravila škole.

Član 152.
(Savjetodavno vijeće)

- (1) Svaka srednja stručna škola formira savjetodavno vijeće izabrano od predstavnika lokalnog tržišta rada koje je u vezi s obrazovanjem određenih profila zanimanja.
- (2) Savjetodavno vijeće pomaže školi u planiranju sadržaja, njenih programa, savjetuje školu o svim pitanjima koja se tiču obuke i pomažu jačanju veza između škole i lokalnog tržišta rada.
- (3) Sastav savjetodavnog vijeća i procedure imenovanja njegovih članova regulišu se Pravilima škole.
- (4) Obavljanje dužnosti članova savjetodavnog vijeća je dobrovoljno i besplatno.

DIO ŠESTI – DOMOVI UČENIKA

Član 153.
(Rad doma učenika)

Dom učenika je ustanova koja obezbjeđuje učenicima smještaj, ishranu, odgojno-obrazovni rad, staranje o zdravlju, kulturno-zabavne i sportsko-rekreativne aktivnosti.

Član 154.
(Osnivanje doma učenika)

Za osnivanje doma učenika osnivač je dužan da, pored općih uslova utvrđenih ovim Zakonom, obezbijedi sredstva i uslove u skladu sa Pedagoškim standardima i higijensko-tehničkim normativom prostornih uslova za rad srednjih škola.

Član 155.
(Program odgojno-obrazovnog rada doma učenika)

- (1) Programom odgojno-obrazovnog rada utvrđuju se poslovi, ciljevi, zadaci, sadržaji, vrsta i obim odgojno-obrazovne aktivnosti u domu učenika, a ostvaruju ga odgajatelji i stručni saradnici.
- (2) Jedinstveni program odgojno-obrazovnog rada za sve domove učenika donosi Ministarstvo.

Član 156.
(Stručni organi doma učenika)

- (1) Stručni organ doma učenika je pedagoško vijeće koje sačinjavaju svi odgajatelji, stručni saradnici i saradnici doma učenika, a vijećem rukovodi direktor doma.

- (2) Dom učenika može imati i druge stručne organe koje formira, u zavisnosti od svojih potreba, u skladu sa pravilima doma.
- (3) Odredbe o sadržaju i načinu rada stručnih organa doma učenika sadrže Pravila doma učenika.

Član 157.
(Pravila doma učenika)

- (1) Dom učenika ima Pravila doma učenika po kojima ustanova radi, a koja donosi školski odbor.
- (2) Pravila doma učenika sadrže odredbe koje se odnose na:
 - a) unutrašnju organizaciju doma;
 - b) djelatnost doma;
 - c) prijem učenika u dom;
 - d) prava i dužnosti učenika;
 - e) saradnju doma sa školama i drugim domovima;
 - f) odgajatelje, stručne saradnike i ostale zaposlenike doma;
 - g) organ upravljanja i rukovođenja doma i stručne organe doma;
 - h) plan i program rada doma;
 - i) finansiranje i sredstva doma.
- (3) Pravilnik o radu doma učenika uređuje se propisom koji donosi Ministarstvo.

Član 158.
(Organ upravljanja i organ rukovođenja doma učenika)

- (1) Organ upravljanja u domu učenika je školski odbor, a organ rukovođenja je direktor doma učenika.
- (2) Domom učenika upravlja školski odbor koji ima pet članova.
- (3) Dva člana školskog odbora biraju se iz reda odgajatelja i stručnih saradnika doma učenika, jedan iz reda ostalih zaposlenika, jedan iz reda lokalne zajednice, a jednog bira osnivač.
- (4) Osnivač će sprovesti proceduru izbora i imenovanja školskog odbora u skladu sa važećim zakonima, na način poštivanja načela zakonitosti, otvorene konkurencije i transparentnosti, ravnopravne zastupljenosti i kvalitete kandidata za konačno imenovanje.
- (5) Vršenje dužnosti člana školskog odbora je dobrovoljno i bez naknade.
- (6) Mandat članova školskog odbora traje četiri godine i isti se ne mogu birati više od dva puta.
- (7) Ukoliko je osnivač doma učenika Kanton, prava i obaveze iz stava (2) i (3) ovog člana, vrši Vlada Kantona.

Član 159.
(Direktor doma učenika)

- (1) Za direktora doma učenika može biti imenovano lice koje je državljanin Bosne i Hercegovine i posjeduje opću zdravstvenu sposobnost, ispunjava uslove za odgajatelja u domu učenika i ima sedmi stepen stručne spreme, najmanje (240 bodova ECTS), ističe se organizacionim sposobnostima i ima najmanje pet godina radnog iskustva u odgojno-obrazovnom radu.
- (2) Postupak imenovanja direktora doma učenika regulisan je članom 141., stav (2) do stava (9), ovog zakona.
- (3) Posebni uslovi za obavljanje poslova direktora doma učenika regulisani su članom 141., stav (1) i stav (2), ovog zakona.

- (4) Prava i obaveze direktora doma učenika, prestanak dužnosti i razrješenje direktora doma učenika reguliše se analogno odredbama članova 142., 143., 144. i 145. ovog zakona.

Član 160.

(Raspisivanje konkursa za imenovanje direktora doma učenika)

- (1) Školski odbor doma učenika raspisuje konkurs za direktora doma koji se objavljuje u javnom glasilu za koje se može objektivno pretpostaviti da je dostupan javnosti na području Zeničko-dobojskog kantona.
- (2) U konkursu za izbor i imenovanje direktora objavljuju se uslovi iz člana 159. stav (1), ovog Zakona.

Član 161.

(Odgajatelji doma učenika)

- (1) Za odgajatelja doma učenika može biti izabrano lice koje ispunjava uslove za nastavnika, pedagoga ili psihologa u srednjoj školi, sa završenim VII stepenom stručne spreme, najmanje (240 ECTS bodova).
- (2) Osobi kojoj je izrečena pravosnažna presuda za krivično djelo koje, s obzirom na prirodu krivičnog djela, takvu osobu čini nepodobnom za rad s djecom neće biti dozvoljen rad u svojstvu odgajatelja, odnosno zaposlenika u domu.

Član 162.

(Prijem učenika)

- (1) Pravo na smještaj i ishranu u domu učenika imaju redovni učenici srednjih škola.
- (2) Prijem učenika u dom vrši se na osnovu konkursa, kojeg raspisuje školski odbor, najkasnije do 1. avgusta, a prijem učenika u dom se obavlja prije početka nove školske godine.
- (3) Prijem dokumenata po konkursu, raspodjelu mjesta i smještaj učenika, vrši komisija za prijem učenika, koju imenuje direktor doma.

Član 163.

(Organizacija doma učenika)

Odredbe ovog Zakona o statusu, osnivanju, radu i prestanku rada, posebnom društvenom interesu, javnosti rada, godišnjem programu rada i izvještaju, nadzoru nad radom, upisu, pravima i obavezama učenika, izboru, vrednovanju rada i napredovanju odgajatelja, stručnih saradnika i saradnika, organu upravljanja i rukovođenja i vođenju dokumentacije i evidencije odnose se i na domove učenika.

DIO SEDMI – KOORDINIRANJE AKTIVNOSTI NA PROVOĐENJU OBRAZOVNE POLITIKE NA PODRUČJU KANTONA

Član 164.

(Aktivi direktora)

- (1) S ciljem uspostavljanja uzajamne saradnje, razmjene iskustava u pogledu dogovora o nastavnim metodama, primjerima dobre prakse i ostalim aktivnostima vezanim za unapređenje nastavnog procesa, mogu se formirati aktivni direktora.
- (2) Aktiv direktora srednjih škola, može se formirati za jednu ili više grad/općina, a čine ga direktori srednjih škola sa područja jedne ili više grada/općina.

- (3) Aktom o formiranju aktiva direktora utvrđuje se sastav, djelokrug rada i ostali poslovi aktiva direktora.
- (4) Aktiv direktora donosi Poslovnik o radu, uz saglasnost Ministarstva.
- (5) Aktiv direktora iz stava (2), ovog člana, mogu formirati Aktiv direktora srednjih škola Zeničko-dobojskog kantona, koji nema svojstvo pravnog lica.

Član 165.

(Potrebe i interesi Kantona u srednjem obrazovanju i odgoju)

Potrebe i interesi Kantona u srednjem obrazovanju i odgoju, u smislu ovog Zakona, su:

- a) organizovanje općeg i stručnog obrazovanja na dostignućima savremene nauke, tehnologije i društvenog razvoja za sticanje znanja i vještina za rad i nastavak obrazovanja;
- b) unapređenje djelatnosti srednjeg obrazovanja i obezbjeđenje uslova rada prema zahtjevima nastavnih planova i programa;
- c) obezbjeđenje dostupnosti srednjeg obrazovanja prema sposobnostima i mogućnostima učenika, a posebno nadarenih učenika koji postižu nadprosječne rezultate;
- d) stipendiranje redovnih učenika;
- e) srednje obrazovanje odraslih;
- f) stručno usavršavanje nastavnika;
- g) srednje obrazovanje i odgoj učenika sa posebnim obrazovnim potrebama;
- h) definisanje udžbeničke politike.

Član 166.

(Sredstva za zadovoljavanje potreba i interesa Kantona)

Sredstva za zadovoljavanje potreba i interesa Kantona stižu se na način utvrđen Zakonom o ustanovama.

Član 167.

(Sticanje prihoda u srednjoj školi)

- (1) Srednja škola može sticati prihod i:
 - a) donacijom pravnih i fizičkih lica, te od domaćih i stranih vladinih ili nevladinih organizacija;
 - b) iz legata, poklona i zavještanja;
 - c) izradom i prodajom proizvoda i pružanjem usluga koje škola može da ima;
 - d) prodajom intelektualnih usluga;
 - e) od upisnine učenika, uz saglasnost osnivača, odnosno Vlade Kantona u slučaju kada je osnivač srednje škole Skupština Kantona;
 - f) prodajom materijalnih dobara, uz saglasnost osnivača, odnosno Vlade Kantona u slučaju kada je osnivač srednje škole Skupština Kantona;
 - g) iznajmljivanjem prostora i opreme.
- (2) Srednja škola može sticati prihod, pored navedenog u stavu (1) ovog člana, i participacijom dijela novčanih sredstava za amortizaciju potrošnih sredstava, odnosno opreme.
- (3) Vlastiti prihod škole usmjerit će se za pokrivanje troškova škole.

Član 168.
(Finansijska i druga pomoć srednjim školama)

- (1) Srednja škola može primati finansijsku i drugu pomoć za unapređenje rada, poboljšanje uslova školovanja i sve druge potrebe škole, i ista ne smije ni na koji način biti uslovljena.
- (2) Srednja škola može obavljati komercijalnu djelatnost, naročito u kontekstu stručne obuke, koju odobrava školski odbor na osnovu plana nastavničkog vijeća, a uz saglasnost Ministarstva.
- (3) Srednja škola raspolaže prihodom ostvarenim od komercijalne djelatnosti i koristi ga za svoje potrebe u skladu sa važećim zakonskim propisima iz oblasti finansija i odgovarajućim obrazovnim propisima.

DIO OSMI - KAZNE NE ODREDBE

Član 169.
(Novčane kazne za školu i odgovorno lice u školi)

- (1) Novčanom kaznom od 1.000 do 4.000 KM kaznit će se za prekršaj srednja škola na račun materijalnih troškova, odnosno vlastitih prihoda, ako:
 - a) otpočne sa radom prije nego što ispuni uslove za rad u skladu sa članom 19. stav (1) i (2) ovog zakona;
 - b) izda svjedodžbu ili drugu javnu ispravu o završenom razredu, odnosno obrazovanju prije upisa u Registar u skladu sa članom 19. stav (5) ovog zakona;
 - c) izvodi nastavu po nastavnom planu i programu koji nije donio nadležni organ u skladu sa članom 35. ovog zakona;
 - d) bez odluke Ministarstva prekine nastavu u skladu sa članom 40. ovog zakona;
 - e) primjenjuje nastavne planove i programe prije nego što ispuni uslove za rad u skladu sa članom 41. stav (2) ovog zakona;
 - f) ne upotrebljava školske udžbenike u skladu sa članom 49. stav (1) ovog zakona;
 - g) ne posjeduje nalaz i mišljenje stručnjaka iz odgovarajućih ustanova zdravstvenog ili socijalnog tipa u skladu sa članom 73. stav (1) ovog zakona;
 - h) obavi dopunske ili razredne ispite suprotno propisu donesenom na osnovu člana 104. ovog zakona.
- (2) Za prekršaj iz prethodnog stava kaznit će se i odgovorno lice novčanom kaznom od 400 do 1.000 KM.

Član 170.
(Novčane kazne za školu i odgovorno lice u školi)

- (1) Novčanom kaznom od 500 do 2.000 KM kaznit će se za prekršaj srednja škola na račun materijalnih troškova, odnosno vlastitih prihoda ako:
 - a) učenici u toku dana, odnosno sedmice imaju veći broj sati od broja sati utvrđenih članom 37. ovog zakona;
 - b) ne realizuje godišnji fond nastavnih sati predviđen nastavnim planom i programom u skladu sa članom 43. stav (1) i (2) ovog zakona;
 - c) ne donese godišnji program rada za tekuću školsku godinu u predviđenom roku u skladu sa članom 44. stav (2) ovog zakona;
 - d) organizuje eksperimentalnu nastavu suprotno određenjima iz člana 62. ovog zakona;

- e) vrši vrednovanje rada, sistematsko praćenje razvoja učenika i usmjeravanje učenika suprotno članovima 93., 94., 95. i 96. ovog zakona;
 - f) ne vodi propisanu dokumentaciju i evidenciju obrazovno-odgojne djelatnosti u skladu sa članom 103. ovog zakona;
 - g) ne vrši ljekarski pregled radnika škole u skladu sa članom 118. stav (1) ovog zakona;
 - h) jedanput u četiri godine ne izvrši vrednovanje rada nastavnika u skladu sa članom 130. stav (1) ovog zakona.
- (2) Za prekršaj iz prethodnog stava kaznit će se i odgovorno lice u srednjoj školi novčanom kaznom od 500 do 1000 KM.

Član 171.
(Novčane kazne za roditelje)

Novčanom kaznom od 100 do 500 KM, kaznit će se roditelj koji ne izvrši obaveze definisane članom 109. stavom (8). i (9) ovog zakona.

DIO DEVETI - PRIJELAZNE I ZAVRŠNE ODREDBE

Član 172.
(Usklađivanje propisa i akata sa odredbama ovog zakona)

- (1) Ministarstvo će donijeti slijedeće propise, odnosno njihove izmjene i dopune, i to o:
- a) postupku utvrđivanja uslova, sadržaju i načinu vođenja Registra srednjih škola u skladu sa članovima 19. stav (9) i 20. stav (1) ovog zakona;
 - b) osnivanju i radu eksperimentalnih škola u skladu sa članom 47. stav (3) ovog zakona;
 - c) sadržaju i obliku učeničke knjižice, svjedodžbe, odnosno diplome i posebne diplome i načinu vođenja dokumentacije i evidencije u srednjoj školi u skladu sa članovima 86. stav (3), 103. stav (3) i 105. stav (4) ovog zakona;
 - d) postupku odobravanja promjene započetog obrazovanja redovnim učenicima u skladu sa članom 92. stav (2) ovog zakona;
 - e) praćenju, vrednovanju i ocjenjivanju učenika koji se obrazuju po modularnoj metodologiji u skladu sa članom 93. stav (5) ovog zakona;
 - f) kriterijima o načinu bodovanja kandidata prilikom zasnivanja radnog odnosa nastavnika, stručnih saradnika i ostalih radnika u srednjim školama i domovima učenika na području Zeničko-dobojskog kantona u skladu sa članom 116. stav (11) ovog zakona;
 - g) polaganju stručnog ispita i kontinuiranom stručnom usavršavanju nastavnika, stručnih saradnika i saradnika u srednjoj školi u skladu sa članom 128. stav (2) ovog zakona;
 - h) postupku vrednovanja rada nastavnika, stručnih saradnika i saradnika, sticanju zvanja na osnovu vrednovanja i vođenja dokumentacije o njihovom radu u skladu sa članom 130. stav (3) ovog zakona.
- (2) Do donošenja propisa iz stava (1) ovog člana, primjenjivat će se dosadašnji propisi.

Član 173.
(Usklađivanje ostalih podzakonskih akata sa odredbama ovog zakona)

- (1) Srednje škole su dužne da usklade svoju organizaciju, djelatnost i akta u skladu sa odredbama ovog zakona u roku od tri mjeseca od njegovog stupanja na snagu.
- (2) Ministarstvo će sukcesivno u skladu sa potrebama primjene donositi planirane podzakonske akte, i to:

- a) Nastavni i planovi i programi za srednju školu u skladu sa članom 9. stav (4) ovog zakona;
- b) Pravilnik o dopunskom obrazovanju i stručnom usavršavanju u skladu sa članom 10. stav (2) ovog zakona;
- c) Pedagoške standarde za srednju školu sa članom 15. stav (3) ovog zakona;
- d) Normative školskog prostora, opreme, nastavnih sredstava i učila za srednje škole u skladu sa članom 15. stav (3) ovog zakona;
- e) Pravilnik o upisu u Registar srednjih škola i domova učenika u skladu sa članom 20. stav (1) ovog zakona;
- f) Pravilnik o utvrđivanu uslova za izvođenje praktične nastave izvan škole u skladu sa članom 38. stav (2) ovog zakona;
- g) Pravilnik o organizaciji i izvođenju ekskurzija, logorovanja i jednodnevnih izleta u srednjoj školi u skladu sa članom 46. stav (2) ovog zakona;
- h) Pravilnik za obavljanje pedagoško-metodičke prakse u srednjoj školi u skladu sa članom 48. stav (3) ovog zakona;
- i) Pravilnik o inkluzivnom obrazovanju učenika sa posebnim obrazovnim potrebama u skladu sa članom 50. stav (2) ovog zakona;
- j) Pravilnik o izvođenju ferijalne prakse u tehničkim i srodnim školama i stručnim školama u skladu sa članovima 61. stav (2) i 70. stav (2) ovog zakona.
- k) Pravilnik o upisu učenika u srednju školu u skladu sa članovima: 53. stav (3), 56. stav (8), 59. stav (3), 66. stav (2), 73. stav (2), 76. stav (3) i 80. stav (6) ovog zakona;
- l) Pravilnik o sadržaju i načinu polaganja mature i završnih ispita u srednjim školama u skladu sa članovima: 54. stav (3), 57. stav (5), 63. stav (4), 67. stav (4), 73. stav (4) i 77. stav (2) ovog zakona;
- m) Pravilnik o nostrifikaciji i ekvivalentnom prevođenju svjedodžbi i diploma srednjih škola u skladu sa članom 84. stav (2) ovog zakona;
- n) Pravilnik o troškovima stranih državljanja u srednjoj školi u skladu sa članom 85. stav (3) ovog zakona;
- o) Pravilnik o organizovanju i izvođenju nastave za učenike koji ne pohađaju nastavu zbog težeg oboljenja u skladu sa članom 87. stav (4) ovog zakona;
- p) Pravilnik o promjeni započetog obrazovanja učenika srednjih škola u skladu sa članom 92. stav (2) ovog zakona;
- r) Pravilnik o izboru učenika generacije srednjih škola u skladu sa članom 96. stav (6) ovog zakona;
- s) Pravilnik o organizaciji, načinu, vremenu i uslovima polaganja ispita u srednjoj školi u skladu sa članom 104. stav (7) ovog zakona;
- t) Pravilnik o izricanju odgojno-disciplinskih mjera u skladu sa članom 106. stav (4) ovog zakona;
- u) Pravilnik o postupku utvrđivanja povreda radne dužnosti zaposlenih u srednjoj školi u skladu sa članom 121. stav (6) ovog zakona;
- v) Pravilnik o pedagoško-stručnom nadzoru u srednjoj školi u skladu sa članom 133. stav (6) ovog zakona;
- z) Pravilnik o formiranju i radu školskih odbora u skladu sa članom 138. stav (6) ovog zakona;
- aa) Pravilnik o izboru, imenovanju i razrješenju direktora srednje škole u skladu sa članom 140. stav 3. ovog zakona;
- ab) Pravilnik o imenovanju i razrješenju direktora srednje škole u skladu sa članovima 141. stav (13) i 145. stav (9) ovog zakona;
- ac) Program odgojno-obrazovnog rada domova učenika u skladu sa članom 155. stav (2) ovog zakona;
- ad) Pravilnik o radu domova učenika u skladu sa članom 157. stav (3) ovog zakona.

- (1) Do donošenja novih podzakonskih akata iz stava (2), ovog člana, primjenjivat će se propisi koji su bili na snazi u vrijeme donošenja.

Član 174.
(Zatečeno stanje)

- (2) Nastavnici muzičke kulture, likovne kulture i tjelesnog i zdravstvenog odgoja koji su završili odgovarajuću srednju školu, položili pedagoško-didaktičko-metodičku grupu predmeta, imaju više od 25 godina staža i imaju položen stručni ispit, mogu izvoditi nastavu svog predmeta u toj školi.
- (3) Nastavnici iz stava 1., ovog člana koji imaju manje radnog staža od 35 odnosno 25 godina radnog staža, mogu nastaviti rad u toj školi u periodu ne dužem od šest godina, od dana stupanja na snagu ovog zakona.
- (4) Tekući mandati direktora škola smatraju se ograničenim u skladu sa članom 141., stav (7), ovog zakona.
- (5) Nastavnici sa završenom VŠS kojima je Nastavni plan i program omogućio rad u nastavi, a koji su na dan stupanja na snagu ovog zakona zatečeni u nastavi u srednjoj školi, mogu i dalje obavljati poslove na kojima se nalaze u smislu nesmetanog izvođenja nastavnog procesa.

Član 175.
(Nadzor nad provođenjem zakona)

Nadzor nad provođenjem ovog Zakona i propisa donesenih za njegovo provođenje, vrši Ministarstvo.

Član 176.
(Prestanak važenja prethodnog zakona)

Stupanjem na snagu ovog Zakona, prestaje da važi Zakon o srednjoj školi, ("Službene novine Zeničko-dobojskog kantona", broj: 5/04, 20/07, 19/09, 9/11 i 4/14).

Član 177.
(Stupanje na snagu Zakona)

Ovaj zakon stupa na snagu osmog dana, od dana objavljivanja u "Službenim novinama Zeničko-dobojskog kantona".

Broj: _____/2017. godine

Zenica, _____, 2017. godine

P R E D S J E D A V A J U Ć I

Jasmin Duvnjak



OBRAZLOŽENJE

Pravni osnov:

Pravni osnov za donošenje Zakona o srednjoj školi sadržan je u članu 18. stav (1) i člana 37. tačka f), Ustava Zeničko-dobojskog kantona.

Razlozi za donošenje Zakona:

S obzirom na započete reformske procese u oblasti srednjeg obrazovanja i odgoja, kao i činjenicu da je od donošenja Zakona o srednjoj školi Zeničko-dobojskog kantona (tokom 2004. godine), bilo više izmjena i dopuna, te da je neophodno izvršiti i dodatna usklađivanja sadržaja istog, posebno u odnosu na segment inkluzivnog obrazovanja i obrazovanja odraslih, stajališta smo da je neophodno pristupiti donošenju novog teksta Zakona o srednjoj školi. U redovnom postupku donošenja Zakona o srednjoj školi Vlada Zeničko-dobojskog kantona će na prijedlog Ministarstva za obrazovanje, nauku, kulturu i sport Zeničko-dobojskog kantona, utvrditi Nacrt i Prijedlog zakona nakon čega će biti upućen u skupštinsku proceduru. Ovim se očekuje poboljšanje ukupnog stanja u segmentu srednjeg obrazovanja i odgoja, kao i obrazovanja odraslih, odnosno usklađivanje zakonskih rješenja sa realizovanim reformskim principima i aktuelnom obrazovnom praksom, te nastavak započetih, sveobuhvatnih reformi na svim nivoima obrazovno-odgojne djelatnosti pri čemu će se uzeti u obzir i aktivnosti iz resorne nadležnosti ovog organa kantonalne uprave, a koje proizilaze iz usvojene reformske Agende za BiH za period 2015-2018. godina, uz nastavak redovnog servisiranja obaveza prema javnim ustanovama obrazovanja i odgoja. Pored toga slijede se evropski trendovi u oblasti obrazovanja i podrške obrazovanju za cijeli život, a radi zadovoljavanja potreba pojedinaca i cijelog društva.

Obrazloženje pravnih rješenja:

Zakon o srednjoj školi je koncipiran u jedanaest dijelova:

U dijelu I- *Osnovne odredbe* se definišu: predmet Zakona, značenje pojedinih izraza kao i tip srednje škole, kao i pojam, klasifikacija i programi srednjeg i dopunskog stručnog obrazovanja, poštivanje ljudskih prava i osnovnih sloboda, zabrana djelovanja politički stranaka, mogućnost sticanja i značaj srednjeg obrazovanja i odgoja.

U dijelu II- *Osnivanje, rad i prestanak rada srednje škole* definišu se uslovi osnivanja srednje škole, pedagoški standardi i finansiranje rada srednje škole, usvajanje elaborata o osnivanju srednje škole, formiranje komisije za osnivanje srednje škole, uslovi za osnivanje srednje škole, primjena zajedničkog jezgra nastavnih planova i programa, početak rada i upis u registar srednjih škola i domova učenika, srednje škole za učenike sa teškoćama u razvoju, statusne promjene srednje škole, udruživanje srednjih škola u zajednice srednjih škola, osnivanje tripartitnog savjetodavnog vijeća, organizacija obrazovno-odgojnog rada izvan sjedišta srednje škole, rad srednje škole, uvjeti za prestanak rada srednje škole, nadzor nad provođenjem zakona i primjena općih propisa u srednjim školama.

U dijelu III- *Obrazovno-odgojni rad srednje škole* se definišu zajedničke odredbe obrazovanja učenika i odraslih u srednjim školama, ostvarivanja općih ciljeva srednjeg obrazovanja, sadržaj, odobravanje i donošenje nastavnih planova i programa na osnovu zajedničkih jezgri nastavnih planova i programa, realizovanje obrazovnih sadržaja prema zahtjevima tržišta rada, školska i nastavna godina, nastava i vannastavne aktivnosti i njihova organizacija, nastavni sat, odmor za učenike, prekidi obrazovnog – odgojnog rada, organizovanje obrazovno-odgojnog rada sa učenicima sa posebnim obrazovnim potrebama, ostvarivanje godišnjeg fonda nastavnih sati, godišnji program rada škole, organizacije izleta, stručnih posjeta, ekskurzija i logorovanja i drugih vannastavnih aktivnosti, organizacija eksperimentalnih škola,

pedagoško-metodičke prakse u srednjoj školi, polaganja stručnih ispita, udžbenici i nastavna sredstva, pravila škole, polaganja mature, izvođenje redovne, praktične i ekperimentalne nastave, organizacija obrazovno-odgojnog rada sa učenicima sa posebnim obrazovnim potrebama prema odgovarajućim nastavnim planovima i programima donesenim u skladu sa njihovim individualnim sposobnostima, sticanje zvanja, ferijalna praksa, osposobljenost učenika u svim tipovima srednje škole, također se propisuje i definiše status učenika, imenovanje komisije za upis učenika, nostrifikacija i ekvivalentno prevođenje, upis stranih državljana u srednju školu, učenička knjižica, obrazovanje učenika u slučaju težih oboljenja, istovremeno pohađanje drugog programa srednje škole, prestanak statusa učenika, ponavljanje razreda, ispisivanje učenika, promjena započetog obrazovanja, ocjenjivanje učenika, opći uspjeh, prigovor roditelja na zaključnu ocjenu i ocjenu iz vladanja, opći uspjeh u učenju, popravni ispit, ocjenjivanje vladanja učenika, završavanje dva razreda u obrazovnom ciklusu, svjedodžba i diploma, vrednovanje svjedodžbi i diploma, izdavanje duplikata javnih isprava, dokumentacija i evidencija, dopunski i razredni ispiti, posebna diploma za postignute rezultate, izricanje odgojno-disciplinskih mjera, formiranje i rad vijeća učenika, definisana su prava obaveze roditelja u srednjim školama, formiranje i rad vijeća roditelja, određeni su i utvrđeni poslovi nastavnika i stručnih saradnika, stručna sprema, uslovi za zasnivanje radnog odnosa nastavnika i stručnih saradnika, poslovi ostalih radnika, zapošljavanje, ljekarski pregled i upućivanje zaposlenika na ocjenu radne sposobnosti, podobnost za rad sa učenicima, pripremna ili trajna suspenzija radnika, prestanak rada nastavnika, raspored radnog vremena, broj sati neposrednog obrazovno-odgojnog rada, primanje radnika u radni odnos bez raspisivanja konkursa/oglasa, godišnji odmor radnika, prava i obaveze nastavnika, status pripravnika i volonter, osposobljavanje pripravnika i volontera za samostalan rad, verifikiranje nastave nastavnika i stručnog saradnika, praćenje i vrednovanje rada nastavnika i stručnih saradnika, regulisani su nadzor nad radom srednje škole kao i poslovi i aktivnost inspekciskog i pedagoško-stručnog nadzora, te obaveze škole pri vršenju nadzora.

U dijelu IV- *Organ upravljanja i organ rukovođenja* je definisano i propisano imenovanje, razrješenje, nadležnosti i rad članova organa upravljanja (školskog odbora), imenovanje, prava i obaveze rukovodnog organa (direktora), prestanak dužnosti i razrješenje direktora, imenovanje, prava i obaveze vršioca dužnosti direktora, imenovanje pomoćnika direktora, formiranje aktiva direktora.

U dijelu V- *Stručni i savjetodavni organi škole* su definisani poslovi i zadaci nastavničkog i razrednog vijeća i stručnih aktiva, formiranje savjetodavnog vijeća.

U dijelu VI- *Domovi učenika* je definisano osnivanje, rad i organizacija doma učenika, program odgojno-obrazovnog rada doma učenika, stručni organi doma učenika, pravila doma učenika, imenovanje organa upravljanja (školski odbor) i organ rukovođenja (direktor), rad odgajatelja doma učenika, prijem učenika.

U dijelu VII- *Koordiniranje aktivnosti na provođenju obrazovne politike na području Kantona* su definisane vrste potreba i interesa Kantona, sredstva za zadovoljavanje potreba i interesa Kantona, sticanje prihoda u srednjoj školi, finansijska i druga pomoć srednjim školama.

U dijelu VIII- *Kaznene odredbe* propisane su vrste prekršaja za školu i odgovorna lica u školi, kao i visine kazni za date prekršaje.

U dijelu IX- *Prijelazne i završne odredbe* propisani su rokovi za donošenje podzakonskih akata, kao i prestanak primjene ranijih propisa koji su se odnosili na srednjoškolsko obrazovanje kod stupanja na snagu ovog Zakona.

U zvašnim članovima zakona, 175., 176, i 177., propisano je ko vrši nadzor nad provođenjem ovog zakona i propisa za njegovo provođenje, prestanak važenja prethodnog zakona, kao i stupanje Zakona na snagu.

Obrazloženje pojedinih zakonskih rješenja:

Članom 1. definisan je predmet Zakona.

Članom 2. definisana je upotreba rodnoosjetljivog jezika.

Članom 3. definisana su značenja pojedinih izraza koji su navedeni u Zakonu kao što su: srednja škola, dom učenika, registar srednjih škola i domova učenika, učenici, vijeće učenika, roditelji, vijeće roditelja, nastavnik, stručni saradnik, saradnik, pripravnik, volonter, nastavničko vijeće, razredno vijeće, stručni aktivni, razrednik, direktor, školski odbor, školska i nastavna godina, pedagoški standardi, godišnji programa rada škole, nastavni plan i program, modularni nastavni plan i program, modul, nastava, vannastavne aktivnosti, ocjenjivanje, odgojno-disciplinske mjere, pedagoško-stručni nadzor, inkuzivno obrazovanje, učenici sa posebnim potrebama.

Članom 4. definisani su pojedini tipovi srednje škole: gimnazija, srednja umjetnička škola, srednja tehnička i srodna škola, srednja stručna škola, mješovita srednja škola, srednja škola za učenike sa teškoćama u razvoju, srednja vjerska škola, kao i vrste obrazovnih programa koji se ostvaruju u datim tipovima srednjih škola.

Članom 5. definisan je pojam srednjeg stručnog obrazovanja kao integralnog dijela obrazovanog sistema u cilju osiguravanja sticanja vještina i znanja iz određenih zanimanja, uz različite vrste i oblike odgoja i obrazovanja, osposobljavanja i usavršavanja kroz organizaciju redovnog srednjeg stručnog obrazovanja ili obrazovanja odraslih.

Članom 6. definisan je pojam klasifikacije zanimanja srednjeg stručnog obrazovanja kojom se utvrđuje porodica zanimanja, dužina školovanja, nivo i oblik obrazovanja i tip škole.

Članom 7. definisane su odgovornosti i obaveze u skladu sa poštivanjem ljudskih prava i osnovnih sloboda svih građana, čime se sprečava postojanje bilo kojeg oblika zastrašivanja, zlostavljanja, fizičkog kažnjavanja, vrijeđanja, ponižavanja ili degradiranja i svih drugih negativnih pojava, prava djeteta koja se odnose na obrazovanje i ispravnu brigu za dobrobit fizičkog i mentalnog zdravlja djeteta; pravo na upotrebu jezika i kultura svih konstitutivnih naroda i nacionalnih manjina, unapređivanje vjerskih slobode, tolerancije i kulture dijaloga.

Članom 8. zabranjen je bilo koji oblik djelovanja političkih stranaka i njihovih podmladaka.

Članovima 9. i 10. definisane su vrste programi stručnog obrazovanja za sticanje srednjoškolskog obrazovanja, u redovnom, dopunskom i stručnom usavršavanju za sve učenike.

Članom 11. definisani su jezici na kojima se organizuje nastava, uz ravnopravnu upotrebu jezika i pisma konstitutivnih naroda i nacionalnih manjina, kao i sprečavanje diskriminacije nastavnika ili drugog uposlenika pri izboru, uslovima zapošljavanja, napredovanja, i diskriminacije učenika u pogledu slobode pismenog ili usmenog izražavanja.

Članom 12. propisano je sticanje srednjeg obrazovanja i odgoja za učenike koji su državljani Bosne i Hercegovine, kao i strane državljane u skladu sa konvencijama, ugovorima i sporazumima koje je država Bosna i Hercegovina zaključila sa drugim državama ili međunarodnim organizacijama.

Članom 13. definisan je značaj srednjeg obrazovanja koji se utvrđuje planom Skupštine Zeničko-dobojskog kantona, donesenim na osnovu potreba društva, obima i vrste srednjeg obrazovanja i odgoja.

Članovima od 14. do 24. definiše se ko može osnovati srednju školu i u kojim oblicima svojine, određuju se uslovi za početak rada srednje škole, zabranjuje se osnivanje privatnih škola u svrhu promovisanja rasnih, nacionalnih, vjerskih, spolnih i drugih predrasuda, utvrđuje se korištenje zajedničkog jezgra nastavnih planova i programa, definiše se pojam Pedagoških standarda i Normativa, propisuje se donošenje akta o osnivanju srednje škole kao javne ili privatne ustanove uz usvajanje Elaborata koji treba da sadrži potrebe društva za obrazovanjem određenih kadrova, dužinu trajanja obrazovanja, opće i posebne uslove po Pedagoškim standardima i Normativima tj. sredstva potrebna za ispunjavanje uslova rada srednje škole,

pripisano je formiranje komisije od strane osnivača koja će izvršiti pripreme za početak rada i izbor prvih nastavnika škole, propisani su uslovi za osnivanje srednje škole; dovoljan broj odjeljenja, odgovarajući stručni kadar u skladu sa nastavnim planovima i programima, obezbijedena sredstva za ostvarivanje odgovarajućeg nastavnog plana i programa, školski prostor i oprema, nastavna sredstva i pomagala, broj učenika u odjeljenjima i grupama utvrđenim Pedagoškim standardima, početka rada i upis u Registar, statusne promjene srednje škole, udruživanje srednjih škola u zajednice, formiranje tripartitnih savjetodavnih vijeća, rad i prestanak rada srednje škole, kao i primjena općih propisa u srednjim školama, propisano je udruživanje srednjih škola u jednu ili više zajednica srednjih škola u cilju ostvarivanja zajedničkih interesa, saradnje, razmjene iskustava o nastavnim metodama, zbrinjavanju tehnološkog viška, pružanja pomoći u razvoju oblika obrazovno-odgojnog rada i ostalih aktivnosti vezanih za unapređenje nastavnog procesa, pri čemu svaka škola zadržava svojstvo pravnog lica, što se reguliše ugovorom i pravilima uz saglasnost Ministarstva, zajednica može imati svojstvo pravnog lica uz uslov da škole daju svoju saglasnost na statut zajednice kojim se reguliše način rada, sjedište, prava, obaveze i sva druga pitanja vezana za funkcionisanje zajednice kao pravnog lica, propisano je osnivanje tripartitnog savjetodavnog vijeća čime se usaglašavaju potrebe i zahtjevi tržišta rada sa potrebom osnivanja i organizacije institucija za stručno obrazovanje, sastav tripartitnog savjetodavnog vijeća sačinjavaju predstavnici poslodavaca u okviru Privredne komore Zeničko-dobojskog kantona, sindikata srednjeg obrazovanja i Ministarstva, te da je rad srednje škole javan, a da škola kao javna ustanova mora imati svoj pečat, kao i funkcionisanje srednje škole u privatnoj svojini.

Članom 25. definiše se prestanak rada srednje škole kada srednja škola ne ispunjava uslove i zadatke radi kojih je osnovana ili kada ne postoji potreba za njenim radom, kao i rok koji utvrđuje Ministarstvo u kojem osnivač mora otkloniti utvrđene nedostatke, utvrđuje se i donošenje rješenja o prestanku rada srednje škole i brisanje iz Registra ako osnivač ne donese akt o prestanku rada srednje škole u roku od tri mjeseca od dana podnošenja prijedloga o prestanku rada, dok je osnivač dužan da zatečenim učenicima omogući nastavak i završetak obrazovanja u toj školskoj godini, propisuje se da prestanak rada srednje škole treba biti objavljen u Službenim novinama Kantona.

Članom 26. definiše se primjena općih propisa u srednjim školama.

Članom 27. definiše se da se u srednjoj školi obrazuju svi učenici koji su završili redovnu, školu za djecu sa teškoćama u razvoju ili paralelnu osnovnu školu, te lica koja žele da se obrazuju, stručno usavršavaju i dopunski obrazuju putem raznih oblika obrazovanja.

Članom 28. propisana je mogućnost i način obrazovanja odraslih u srednjim školama.

Članom 29. definisani su opći ciljevi srednjeg obrazovanja.

Član 30. definiše da se nastavnim planom i programom za svaku vrstu srednje škole utvrđuje, u zavisnosti od vrste obrazovanja, odnos općeobrazovnog, stručno-teoretskog i praktičnog dijela programa, kao i svrha, ciljevi i zadaci programa, nastavni predmeti i sadržaji, trajanje i osnovni oblici izvođenja programa, godišnji i sedmični broj sati nastave, praktične obuke, broj sati za svaki predmet, didaktički i drugi uvjeti za izvođenje nastavnog plana i programa, fond nastavnih sati i odgovarajući programski sadržaj dodatnog obrazovanja za nadarene učenike.

Članom 31. propisuje se da je sastavni dio nastavnog plana i programa srednjeg obrazovanja i odgoja čine specifični sadržaji čiji obim ne može biti veći od 25% u odnosu na utvrđeni nastavni plan i program što utvrđuje osnivač uz prethodno mišljenje Pedagoškog zavoda i saglasnost Ministarstva, izuzetno u vjerskim i privatnim školama sadržaji specifičnih predmeta mogu biti i veći od 25 % u odnosu na utvrđeni nastavni plan i program, ali ne veći od 35%.

Članom 32. definiše se da se nastavni plan i program za srednje stručno obrazovanje i obuku sastoji od zajedničkog jezgra sastavljenog u skladu sa Okvirnim zakonom i Okvirnim zakonom o srednjem stručnom obrazovanju, planova i programa za stručne predmete i dijela nastavnog plana i programa koji se osmišljavaju u školama, pri čemu se uzimaju u obzir potrebe

lokalnog tržišta rada, kao i da dio nastavnog plana i programa za srednje stručno obrazovanje i obuku koji se izrađuje u školama ne može obuhvatiti više od 30% sveukupnog nastavnog plana i programa, propisuje se da dio nastavnog plana i programa za svaki stručni predmet, omogućavajući primjenu modularne metodologije, na prijedlog stručnog aktiva, utvrđuje nastavničko vijeće škole, a na prijedlog Pedagoškog zavoda donosi Ministarstvo.

Članom 33. propisano je primjenjivanje zajedničke jezgre nastavnih planova i programa.

Članovima 34. propisuje se da u skladu sa zahtjevima tržišta rada, Ministarstvo može utvrditi, za obavljanje manje složenih i jednostavnijih poslova obrazovanja i obuke kraće od tri godine, kao i vrstu stečene kvalifikacije prema postojećem srodnom zanimanju, kao i da u skladu sa Okvirnim zakonom i Okvirnim zakonom o srednjem stručnom obrazovanju škole uživaju autonomiju, što posebno podrazumijeva slobodu škole da izrađuje i realizuje obrazovne sadržaje prema zahtjevima lokalnog tržišta rada.

Članom 35. definisano je ko donosi i ko predlaže Nastavni plan i program.

Članom 36. definiše se da školska godina traje od 01. septembra do 31. avgusta naredne kalendarske godine, a da se nastava ostvaruje po polugodištima i traje 37 radnih sedmica, s tim da nastavnici programske sadržaje realizuju u okviru 35 nastavnih sedmica, dok za škole koji rade po modularnom nastavnom planu i programu nastavnici programske sadržaje realizuju u okviru 34 nastavne sedmice, a preostalu sedmicu realizuju kao projekat sedmicu. Programski sadržaji realizuju se u okviru 30 nastavnih sedmica, a da se razlika u broju sedmica koristi za realizaciju posebnih programskih sadržaja, obilježavanja državnih i vjerskih praznika, kulturnu i sportsku djelatnost škole, planiranih godišnjim programom rada i kalendarom u razrednoj knjizi.

Članom 37. propisano je da nastava u prvom polugodištu počinje u pravilu prvog radnog dana u septembru, da se nastavni proces organizuje u petodnevnoj radnoj sedmici, a ako se vannastavne aktivnosti ne mogu realizovati u petodnevnoj radnoj sedmici, iste se mogu realizovati jedne subote u mjesecu. Definisano je da ukupno opterećenje učenika redovnom nastavnom ne može iznositi više od 35 sati sedmično, odnosno 7 sati dnevno.

Članom 38. definiše se da nastavni sat općeobrazovne, stručno-teoretske i praktične nastave u srednjoj školi traje 45 minuta, a u srednjoj školi za učenike sa teškoćama u razvoju 40 minuta, dok praktična nastava u preduzećima i drugim institucijama traje 60 minuta.

Članom 39. definiše se da zimski odmor za učenike srednje škole traje tri sedmice nakon završetka prvog polugodišta, proljetni odmor jednu sedmicu i to posljednjih pet radnih dana u mjesecu martu, a ljetni odmor traje od završetka nastavne godine do početka nove školske godine. Definisano je da se za vrijeme proljetnog raspusta mogu organizirati određeni vannastavni sadržaji, definiše se da je završetak prvog polugodišta i trajanje zimskog odmora na području Kantona u pravilu istovremen, propisano je da Ministarstvo može odobriti, zavisno od klimatskih ili drugih uslova, produžetak zimskog odmora, a najduže jednu radnu sedmicu, s tim da u toku školske godine bude ostvaren godišnji fond nastavnih sati predviđen nastavnim planom i realizovani programski sadržaji. Definisano je i da će se prilikom utvrđivanja rasporeda sati, a ne remeteći realizaciju nastavnog plana i programa i u skladu sa mogućnostima uskladiti obavljanje neodložnih vjerskih obaveza učenika i nastavnika kako se može radi obilježavanja vjerskih praznika, odrediti da se dio zimskog odmora za učenike koristi u toku prvog ili drugog polugodišta.

Članom 40. propisano je da se obrazovno-odgojni rad ne smije prekidati u toku polugodišta, odnosno školske godine, izuzev zbog elementarnih nepogoda, epidemije i drugih opravdanih razloga, a po odluci Ministarstva, pri čemu fond nastavnih sati, predviđen nastavnim planom i programom, mora biti nadoknađen prije završetka školske godine, kao i da se nastavni proces ne smije prekidati zbog obustave rada, u završnom razredu.

Članom 41. propisano je da se obrazovno-odgojni rad sa učenicima sa posebnim obrazovnim potrebama organizuje prema odgovarajućim nastavnim planovima programima koji se izrađuju u skladu sa njihovim individualnim sposobnostima.

Članom 42. definiše se organizacija obrazovno-odgojnog rada izvan sjedišta srednje škole u slučaju da u tom mjestu nema srednje škole tog tipa.

Članom 43. definiše se da je škola dužna ostvariti godišnji fond nastavnih sati predviđen planom i programom, u suprotnom potrebno je produžiti nastavu dok se ne ostvari godišnji fond nastavnih sati, kao i da škola koja ne ostvari predviđeni godišnji fond nastavnih sati ne može izdati svjedodžbu o završenom razredu, odnosno obrazovanju.

Članom 44. definiše se da rad srednje škole u toku školske godine utvrđuje godišnjim planom i programom rada, kao i njegov sadržaj usklađen sa metodologijom koju za svaki tip srednje škole donosi Pedagoški zavod, definisano je i da godišnji program rada škole utvrđuje nastavničko vijeće na prijedlog direktora, a donosi školski odbor, najkasnije do 30. septembra za tekuću školsku godinu uz prethodnu saglasnost Pedagoškog zavoda, te da je škola dužna dostaviti izvještaj o uspjehu u učenju i vladanju Pedagoškom zavodu na kraju školske godine.

Članom 45. definiše se organizacija vannastavnih aktivnosti učenika kroz razne oblike (putem društva, sekcija, klubova, družina, grupa, ueničkih zadruga i dr.) rada koji se zasnivaju na dobrovoljnom izjašnjavaju učenika kroz formiranje i rad vijeća učenika, što se reguliše Pravilnikom o radu vijeća učenika. Propisano je da se zadaci i programski sadržaji vannastavnih aktivnosti utvrđuju godišnjim programom rada u skladu sa Pedagoškim standardima, a da ueničku zadrugu čini najmanje 30 učenika, i da sredstva ueničke zadruge i sredstva ostvarena praktičnim radom u školskim radionicama ne ulaze u ukupan prihod srednje škole.

Članom 46. propisano je da se izleti, stručne posjete, ekskurzije i logorovanja, predviđena godišnjim programom rada računaju kao radni dani, kao i da se njihova organizacija izvodi u skladu sa posebnim pravilnikom.

Članom 47. definiše se da Ministarstvo može jednu ili više srednjih škola proglasiti eksperimentalnim, čime se može donijeti odluka o odstupanju od odredaba ovog Zakona u primjeni nastavne norme, dnevnog i sedmičnog opterećenja učenika nastavnim satima, načinu ocjenjivanja znanja, organizovanja odjeljenja i primjene nastavnog plana i programa, što se bliže propisuje propisom koji donosi Ministarstvo.

Članom 48. definiše se da na prijedlog ustanove u kojoj se obrazuju nastavnici, Ministarstvo određuje srednje škole za izvođenje pedagoško-metodičke prakse studenata, što se utvrđuje posebnim propisom koji donosi Ministarstvo.

Članom 49. definiše se da se u srednjim školama koriste školski udžbenici (udžbenik, zbirka zadataka, priručnik, radna sveska i druga stručna literatura) kao osnovno nastavno sredstvo, napisano na jezicima koji su u službenoj upotrebi na području Kantona, kao i nastavna sredstva koje odobrava Ministarstvo.

Članom 50. definiše se mogućnost realizacije inkluzivnog obrazovanja u srednjim školama.

Članom 51. propisuje se da srednja škola ima pravila i druga akta koja donosi školski odbor, a koja treba da sadrže naziv i sjedište škole, podatke o osnivaču, obaveze škole prema osnivaču, djelatnost škole, organ upravljanja, organ rukovođenja, organ kontrole, sticanje i raspoređivanje sredstava za rad, način ostvarivanja javnosti rada škole, utvrđivanje vrste, oblika i organizacije obrazovno-odgojnog rada, utvrđivanje oblika i načina obrazovanja odraslih, uslove konkursa za prijem nastavnika, stručnih saradnika i saradnika, pravila o kućnom redu, način saradnje sa roditeljima učenika, način organizovanja i izvođenja praktične nastave i raspoređivanje sredstava ostvarenih praktičnim radom učenika, rad zajednice učenika, utvrđivanje specifičnih sadržaja u okviru nastavnih planova i programa, organizacija ferijalne prakse, organizacija rada ueničkih zadruga, postupak stručnog usavršavanja nastavnika, praćenje i vrednovanje rada nastavnika i postupak izbora u zvanja, izricanje odgojno-disciplinskih mjera i utvrđivanje žalbenog postupka i dr.

Članovima od 52. do 54. definiše se tip srednje škole gimnazije, upis učenika u gimnaziju, polaganje mature u gimnaziji, kao i da bliže propise o sadržaju i načinu upisa i polaganju mature u gimnazija donosi Ministarstvo.

Članovima od 55. do 57. definiše se tip srednje umjetničke škole iz oblasti muzičke, likovne i baletske umjetnosti, upis učenika u srednju umjetničku školu uz obavezu polaganja prijemnog ispita (u skladu sa nastavnim planom i programom za svaku umjetnost i aktom škole) i to i prije završetka osnovnog obrazovanja ukoliko pokažu izuzetan talenat i nadarenost za umjetničko obrazovanje, kao i stariji od 18 godina, a koji se u muzičku školu upisuju na odsjek solo pjevanja i kontrabasa. Definiše se i način polaganja mature u skladu sa nastavnim planom i programom i aktom škole.

Članovima od 58. do 64. definiše se tip tehničke i srodne škole i utvrđivanje odnos sadržaja općeobrazovnih i i sadržaja stručno-teoretskog i praktičnog dijela nastave, upis učenika, kao i bliže propise o kriterijima, sadržaju i načinu upisa učenika donosi Ministarstvo, izvođenje praktične nastave usklađeno sa nastavnim planovima i programima, regulisanje uslova, oblika, metoda i postupaka izvođenja praktične nastave, te vršenje stručnog nadzora ugovorom srednje škole sa preduzećem, ustanovom ili licem koje samostalno obavlja djelatnost ličnim radom i sredstvima u svojini građana, propisuje se i mogućnost obavljanja ferijalne prakse učenika, kao i eksperimentalne nastave po posebnom nastavnom planu i programu uz odobrenje Ministarstva. Definiše se i način polaganja mature propisima o kriterijima, sadržaju i načinu polaganja mature koje donosi Ministarstvo, propisana je i osposobljenost učenika za nastavak obrazovanja na visokoškolskoj ustanovi.

Članovima od 65. do 71. definiše se tip stručne srednje škole, upis učenika, polaganje završnog ispita, mogućnost sticanja majstorskog zvanja u skladu sa nastavnim planovima i programima koje donosi Ministarstvo, izvođenje praktične nastave u školskim radionicama, laboratorijama i kabinetima, te drugim objektima za nastavu u skladu sa nastavnim planovima i programima, kao i standardima i normativima, te u preduzećima, ustanovama ili kod lica koja samostalno obavljaju djelatnost uz stručni nadzor, mogućnost obavljanja ferijalne prakse i eksperimentalne nastave uz odobrenje Ministarstva.

Članovima 72. i 73. definiše se pojam tipa srednje škole za učenike sa teškoćama u razvoju, gdje se obrazuju učenici koji imaju poteškoće u savladavanju nastavnih planova i programa srednje stručne škole, te način upisa učenika u tip srednje škole za učenike sa teškoćama u razvoju.

Članovima od 74. do 79. definiše se tip srednje vjerske škole i ko može biti osnivač, gdje se zavisno od tipa stiču zvanja u skladu sa nastavnim planom i programom, način polaganja mature, kao i da nastavni plan i program srednje škole za vjerske službenike donosi Ministarstvo čime se utvrđuje odnos općeobrazovnih predmeta i posebnog programa, propisana je i osposobljenost učenika za nastavak obrazovanja na visokoškolskoj ustanovi.

Članom 80. definiše se status učenika u srednjoj školi koji se može steći upisom samo u jednu srednju školu na osnovu konkursa koji se objavljuje putem javnih glasila najmanje dva mjeseca prije početka školske godine, kao i da kriterije za upis učenika utvrđuje Ministarstvo.

Članom 81. propisuje se da upis učenika obavlja školska komisija koju sačinjavaju pedagog i dva člana nastavničkog vijeća škole, a koju imenuje nastavničko vijeće, a postupak upisa učenika bliže se reguliše pravilnikom kojeg donosi Pedagoški zavod.

Članom 82. definiše se obaveza podnošenja izvještaja o upisu učenika u srednju školu.

Članom 83. definiše se mogućnost upisa i nastavka obrazovanja učenika koji su se obrazovali u drugim kantonima ili entitetu, pri čemu nastavničko vijeće srednje škole utvrđuje obavezu polaganja dopunskog ispita za pojedine predmete, kao i da u spornim slučajevima o načinu upisa i nastavljanja obrazovanja odlučuje Ministarstvo.

Članom 84. definiše se da državljani Bosne i Hercegovine koji su završili odgovarajuće osnovno obrazovanje, srednje obrazovanje, odnosno dijelove srednjeg obrazovanja u inostranstvu mogu uslovno upisati odgovarajuću srednju školu ili visokoobrazovnu instituciju uz nostrificiranje, odnosno ekvivalentno prevođenje stečenih svjedodžbi, te da se bliže odredbe nostrifikacije odnosno ekvivalentnog prevođenja definišu propisom koji donosi Ministarstvo.

Članom 85. propisuje se mogućnost upisa stranih državljana u srednju školu pod istim uslovima kao i državljana Bosne i Hercegovine u skladu sa međunarodnim konvencijama ili ugovorima, te da se troškovi obrazovanja stranih državljana uređuju posebnim propisom koje donosi Ministarstvo.

Članom 86. propisuje se učenička knjižica kao javna isprava, čiji obrazac propisuje Ministarstvo u skladu sa ovim zakonom.

Članom 87. definiše se mogućnost obrazovanja učenika koji u slučaju težih oboljenja nisu u mogućnosti redovno pohađati nastavu.

Članom 88. propisuje se mogućnost istovremenog pohađanja drugog programa srednje škole u istovrsnoj ili drugoj srednjoj školi i kao polaznik obrazovanja odraslih, kao i da izuzetno umjetničku školu mogu pohađati učenici koji redovno pohađaju i drugu srednju školu, u skladu sa pravilima srednje škole.

Članom 89. definiše se da status učenika srednje škole prestaje završavanjem obrazovanja, ispisivanjem iz srednje škole, gubljenjem prava na dalje obrazovanja u toj školi, isključivanjem iz srednje škole i napuštanjem srednje škole, čiji se postupak i uslovi utvrđuju pravilima srednje škole.

Članom 90. propisuje se pravo učenika na ponavljanje razreda.

Članom 91. definišu su uslovi za mogućnost ispisivanja učenika iz srednje škole iz objektivnih razloga ili prelaska u drugu srednju školu i to najkasnije dva mjeseca prije završetka nastave u drugom polugodištu, te da škola može učenicima koji su proglašeni vrhunskim sportistima ili nadarenim učenicima odobriti odsustvovanja sa nastave radi pripremanja i učešća na takmičenjima u skladu sa pravilima škole.

Članom 92. definiše se mogućnost promjene započetog obrazovanja uz obavezu srednje škole da sistematski prati razvoj, sklonosti i sposobnosti učenika, da vrednuje rezultate njihovog rada, bliže odredbe načina promjene započetog obrazovanja regulišu se Pravilnikom koji donosi Ministarstvo.

Članom 93. propisano je da je ocjenjivanje učenika javno, kontinuirano i brojčano, a da ocjena nedovoljan (1) nije prolazna, definiše se da napredovanje, vrednovanje učenika bliže propisuje propis koji donosi ministar u skladu sa ustanovljenim standardima uspjeha učenika i ocjenjivanja postignutih rezultata od strane Agencije za standarde i ocjenjivanje.

Članom 94. definiše se da zaključnu ocjenu iz pojedinih predmeta utvrđuje razredno vijeće na prijedlog nastavnika, što se i potvrđuje, a da se opći uspjeh utvrđuje na osnovu zaključnih ocjena na kraju oba polugodišta, odnosno za učenike upućene na popravni ispit nakon obavljenih ispita i da nastavničko vijeće nakon svakog polugodišta razmatra rad i rezultate rada odjeljenja, razreda i škole, razrednih vijeća i nastavnika.

Članom 95. propisuje se da učenik, odnosno roditelj ili staratelj, imaju pravo prigovora na zaključnu ocjenu nastavničkom vijeću u roku od tri dana od dana zaključivanja ocjene i izuzeće predmetnog nastavnika, a nastavničko vijeće je dužno da u roku od tri dana donese odluku o prigovoru i imenuje komisiju koja će provjeriti znanje učenika u roku od dva dana i da je ocjena komisije konačna.

Članom 96. definiše se da se opći uspjeh utvrđuje na osnovu prosjeka prolaznih ocjena iz svih nastavnih predmeta, te da je učenik završio razred, kada je završio sve obaveze utvrđene nastavnim planom i programom i nema nedovoljnih ocjena, također definiše se da razredno, nastavničko vijeće utvrđuje rang postignutog uspjeha učenika na nivou odjeljenja, razreda i škole i to na osnovu prosječne ocjene na dvije (ili tri) decimale za odjeljenje, razred i školu, propisuje se i da škola bira učenika generacije iz završnog razreda na osnovu kriterija koje donosi ministar.

Članom 97. definiše se da se učenik koji na kraju ima jednu ili dvije nedovoljne ocjene upućuje na popravni ispit u avgustovskom ispitnom roku, te da se učenik koji ne položi popravni ispit upućuje da ponavlja razred, propisano je i da učenik srednje škole može u toku obrazovanja ponoviti samo jedan razred.

Članom 98. definišu se ocjene iz vladanja učenika koju utvrđuje razredno vijeće na prijedlog razrednika.

Članom 99. propisuje se mogućnost da učenik koji u toku obrazovanja pokaže izuzetne sposobnosti i ima odličan uspjeh može brže napredovati, odnosno završiti dva razreda u toku jedne školske godine, što se reguliše Pravilima srednje škole.

Članom 100. definiše se da o završenom razredu, odnosno obrazovanju škola izdaje svjedodžbu učeniku koji s uspjehom položi maturalni, odnosno završni ispit srednje škole kada se izdaje diploma o završenoj srednjoj školi, definiše se i da se učeniku koji je oslobođen polaganja mature, odnosno završnog ispita izdaje diploma sa napomenom da je oslobođen, i da svjedodžba, odnosno diploma koju izdaje verifikovana srednja škola ima važnost javne isprave.

Članom 101. propisuje se da svjedodžba odnosno diploma stečena na području Bosne i Hercegovine u registrovanim srednjim školama ima istu vrijednost kao i svjedodžba, odnosno diploma stečena u odgovarajućim srednjim školama na teritoriji Kantona.

Članom 102. definiše se da na zahtjev učenika, roditelja odnosno staratelja srednja škola izdaje duplikat svjedodžbe, odnosno diplome na osnovu podataka iz matične knjige.

Članom 103. propisuje se dokumentacija i evidencija koja se vodi u srednjoj školi, matična knjiga, odjeljska knjiga, registar i sl., te da su podaci u matičnoj knjizi trajne vrijednosti, a sadržaj svjedodžbe, diplome i način vođenja evidencije i dokumentacije bliže se uređuje propisom koji donosi Ministarstvo.

Član 104. definiše da učenik može polagati dopunski ispit iz određenih predmeta ili oblasti u slučaju promjene i daljeg nastavka srednje škole, te nakon provedenog postupka nostrifikacije, propisuje se da nastavničko vijeće srednje škole utvrđuje obim polaganja dopunskog ispita, definiše se i da razredni ispit polažu redovni učenici koji su iz opravdanih razloga ostali neocjenjeni na kraju nastavne godine, odnosno obrazovanja, i da se razredni ispit organizuje u slučajevima kada je učenik opravdano izostao sa nastave više od jedne trećine planiranih sati u drugom polugodištu, organizacija, način, vrijeme i uslovi polaganja ispita u srednjoj školi bliže se uređuje propisom koji donosi Ministarstvo.

Članom 105. propisuje se da se učeniku koji u toku srednjeg obrazovanja i odgoja postigne odličan uspjeh iz svih nastavnih predmeta i ima primjerno vladanje izdaje pored svjedodžbe o završenim razredima i diplome o završenom obrazovanju i posebna diploma u znak priznanja za postignute rezultate, te da se učeniku generacije pored svjedodžbe o završenim razredima i diplome o završenom obrazovanju izdaje i diploma za učenika generacije, definiše se i da se učeniku koji postiže naročite rezultate u obrazovno-odgojnom procesu i drugima aktivnostima u srednjoj školi mogu dodjeljivati pohvale i nagrade pod uslovima i na način predviđen pravilima srednje škole, definiše se i da sve navedene obrasce propisuje ministar.

Članom 106. definiše se da učeniku koji neredovno pohađa nastavu, nemarno se odnosi prema radu i učenju, raznim aktivnostima u školi, ima nepravilan odnos prema drugim učenicima i nastavnicima, školskoj imovini mogu se izreći odgojno-disciplinske mjere u cilju ostvarivanja cilja odgoja, propisane su sljedeće odgojno-disciplinske mjere: ukor razrednika, ukor razrednog vijeća, ukor direktora, ukor nastavničkog vijeća i isključenje iz srednje škole, definiše se i da se za ukor nastavničkog vijeća i isključenje iz škole donose rješenja, te da se sve bliže odredbe o izricanju odgojno-disciplinskih mjera utvrđuju propisom koji donosi Ministarstvo.

Članom 107. propisuje se da izrečena odgojno-disciplinska mjera povlači snižavanje ocjene iz vladanja, kao i da učenik odnosno roditelj ili staratelj mogu izjaviti žalbu na izrečenu odgojno-disciplinsku mjeru ukor nastavničkog vijeća ili isključenje iz škole školskom odboru, propisuje se i da odgojno-disciplinska mjera važi za školsku godinu za koju je izrečena i da se u toku školske godine može ublažavati ili ukinuti.

Članom 108. utvrđuje se da je srednja škola obavezna da na početku školske godine upozna učenike sa njihovim pravima, odnosno dužnostima i odgovornostima, utvrđuje se i da učenici obrazuju vijeće učenika odjeljenja i vijeće učenika škole kojeg sačinjavaju predstavnici vijeća odjeljenja, definišu se funkcije vijeća učenika, a to su promovisanje interesa škole,

predstavljajući stavova učenika školskom odboru, podsticanje angažmana učenika u radu škole, po potrebi informiše školski odbor o svojim stavovima koji se odnose na rad i upravljanje školom, propisuje se da se bliže odredbe rada vijeća učenika uređuju pravilima škole.

Članom 109. definišu se prava i obaveze roditelja u vezi sa staranjem o odgoju i obrazovanju svoje djece i to da u skladu sa interesima odaberu obrazovanje koje će njihova djeca sticati u javnoj ili privatnoj školi, koje i pogledu uslova i procedure, osiguravaju jednake mogućnosti za upis svim učenicima, pri čemu roditelji ne mogu ograničiti prava svoje djece da imaju pristup obrazovanju primjerenom njihovom uzrastu i sposobnostima, kao i da se ne mogu promovisati predrasude na rasnoj, spolnoj, nacionalnoj, jezičkoj, vjerskoj i svakoj drugoj osnovi, definiše se i da je roditelj obavezan da odvede dijete u odgovarajuću ustanovu zdravstvenog ili socijalnog tipa radi procjene njegovih individualnih sposobnosti, čije ne ispunjavanje podliježe novčanoj kazni utvrđenoj ovim Zakonom.

Članom 110. definiše se da je srednja škola obavezna da na početku školske godine upozna roditelje sa njihovim pravima, odnosno dužnostima i odgovornostima, gdje se navodi da je obaveza roditelja da u saradnji sa nastavnicima pomogne u procjeni i izboru tipa srednje škole koja će biti u skladu sa interesima, sklonostima i mogućnostima učenika, definiše se da roditelji imaju pravo, a škola obavezu, pomoći roditeljima da osnuju vijeće roditelja, čije članove biraju roditelji učenika, dok se način i procedura osnivanja i rada vijeća roditelja utvrđuje općim aktima škole, definiše se i da vijeće roditelja promoviše interese škole, predstavlja stavove učenika školskom odboru, podstiče angažman roditelja u radu škole, po potrebi informiše školski odbor o svojim stavovima, učestvuje u izradi i realizaciji odgovarajućih projekata kojima se podstiče i unapređuje rad u školi.

Članom 111. definiše se najmanji stepen obrazovanja nastavnika koji mogu realizovati općeobrazovne i stručno-teorijske nastavne predmete kao i programske sadržaje praktične nastave zavisno od tipa srednje škole.

Članom 112. definišu se poslovi nastavnika, stručnih saradnika i saradnika u srednjoj školi.

Članom 113. definišu se poslovi stručnih saradnika i saradnika u srednjoj školi za pedagoške, psihološke, andragoške, socijalne, zdravstvene, bibliotekarske i druge stručne poslove obrazovano-odgojnog rada, što se planira i obavlja u skladu sa Pedagoškim standardima uz saglasnost Ministarstva.

Članom 114. definišu se uslovi za zasnivanje radnog odnosa nastavnika i stručnih saradnika, kao i važenje diploma izdatih u periodu do 6. aprila 1992. godine i nakon navedenog perioda, te dokumentacija za dokazivanje ispunjavanja uslova za zasnivanje radnog odnosa gdje se profil i stručna sprema definiše nastavnim planom i programom, odnosno Pedagoškim standardima.

Članom 115. definiše se da se pojam ostalih uposlenika u srednjoj školi, te poslovi radnika koji obavljaju administrativno-finansijske, analitičke, normativno-pravne, personalne, statističke, pomoćno-tehničke i druge poslove utvrđuju Pedagoškim standardima.

Članom 116. definišu se načini i uslovi zapošljavanja radnika u srednjoj školi u skladu sa Kriterijima o načinu bodovanja kandidata prilikom zasnivanja radnog odnosa u osnovnim i srednjim školama i domovima učenika na području Zeničko-dobojskog kantona koje donosi Ministarstvo uz učešće reprezentativnog sindikata, a na osnovu javnog konkursa/oglasa.

Članom 117. definisan je način zbrinjavanja tehnološkog viška radnika.

Članom 118. propisuje se obaveza obavljanja sistematskog pregleda svih radnika u srednjim školama, čije troškove snosi osnivač, definiše se da lica koja boluju od zarazne ili duševne bolesti ili su sklona upotrebi alkohola i opojnih sredstava ne mogu raditi u srednjoj školi.

Članom 119. propisuje se mogućnost upućivanja zaposlenika na ocjenu radne sposobnosti na osnovu odluke direktora i to u slučaju osnovane sumnje da je radniku narušeno

psihofizičko zdravlje koje bitno umanjuje njegovu radnu sposobnost, a na osnovu mišljenja i prijedloga nastavničkog vijeća, Pedagoškog zavoda ili inspekcije za obrazovanje.

Članom 120. definišu se uslovi podobnosti radnika škole za rad sa učenicima u srednjoj školi.

Članom 121. definiše se mogućnost privremene ili trajne suspenzije radnika i to u slučaju ako je protiv njega pokrenut krivični postupak za djelo protiv ustavnog poretka, protiv čovječnosti i međunarodnog prava, protiv života i tijela, protiv dostojanstva lica i morala, protiv braka i porodice, protiv službene i druge odgovorne dužnosti, osim ako je nastupila rehabilitacija po posebnom zakonu, a na osnovu odluke koju donosi direktor škole, kao i prava i obaveze radnika koji je privremeno suspendovan.

Članom 122. definisani su uslovi za prestanak rada nastavnika, tj. gubitka prava na dalji rad u nastavi, kao i mogućnosti raspoređivanje tog radnika na druge poslove i radne zadatke i ostvarivanje prava u skladu sa Zakonom o radu.

Članom 123. definiše utvrđivanje rasporeda radnog vremena nastavnika, stručnih saradnika i saradnika u okviru 40-satne radne sedmice.

Članom 124. definiše se broj sati neposrednog obrazovno-odgojnog rada u okviru 40-satne radne sedmice, što je utvrđeno Pedagoškim standardima, kao sadržaj neposrednog obrazovno-odgojnog rada.

Članom 125. definiše se trajanje i korištenje godišnjeg odmora radnika u srednjoj školi što se bliže reguliše pravilnikom o radu škole, a shodno Zakonu o radu.

Članom 126. definiše se status pripravnika u srednjoj školi, (u slučajevima prijema pripravnika u školama po osnovu posebnih konkursa).

Članom 127. definiše se postupak stručnog osposobljavanja za samostalan rad bez zasnivanja radnog odnosa.

Članom 128. definiše se mogućnost osposobljavanja pripravnika za samostalan rad, tj. sticanje prava polaganja stručnog ispita po isteku pripravničkog staža, što se bliže uređuje propisima koje donosi Ministarstvo.

Članom 129. definiše se verifikovanje nastave nastavnika i stručnog saradnika za vrijeme osposobljavanja za samostalan obrazovno-odgojni rad koje vrši mentor.

Članom 130. definiše se praćenje i vrednovanje rada nastavnika i stručnih saradnika, koji se vrednuje kontinuirano, a opservira jedanput u četiri godine, na osnovu čega se omogućava sticanje zvanja pod odgovarajućim uslovima, a bliže se uređuje propisima koje donosi Ministarstvo.

Članovima od 131. do 134. definiše se nadzor nad zakonitošću rada srednje škole, koje podrazumjeva inspeksijski i pedagoško-stručni nadzor, koje obavlja Inspekcija za oblast obrazovanja i Pedagoški zavod, šta obuhvata i ko vrši inspeksijski i pedagoško-stručni nadzor, koji se obavlja najmanje dva puta u toku školske godine i definiše se obaveza škole pri vršenju nesmetanog vršenja inspeksijskog nadzora i pedagoško-stručnog nadzora, kao i obavezu upoznavanja nastavničkog vijeća i školskog odbora o izvršenom nadzoru.

Članom 135. definišu se pojmovi organ upravljanja i organ rukovođenja.

Članom 136. propisuje se da imenovanje članova školskog odbora kao upravnog organa koji broji pet članova vrši osnivač, a da se način i postupak propisuje Pravilnikom o formiranju i radu školskih odbora.

Članom 137. definišu se nadležnosti školskog odbora u cilju osiguravanja djelotvornosti i efikasnog korištenja svih resursa srednje škole i zakonitosti rada srednje škole.

Članom 138. definiše se rad školskog odbora koji se bliže reguliše Pravilnikom o formiranju i radu školskih odbora.

Članom 139. definišu se uslovi razrješenja, odnosno prestanka članstva u školskom odboru zavisno od pozicije člana školskog odbora srednje škole.

Članom 140. definišu se opći uslovi za obavljanje poslova direktora škole kao rukovodnog organa.

Članom 141. definišu se posebni uslovi za obavljanje poslova direktora škole kao rukovodnog organa.

Članom 142. definišu se prava, obaveze, poslovi i zadaci koje obavlja i za koje je odgovoran direktor srednje škole.

Članom 143. definišu se prava i obaveze direktora srednje škole iz radnog odnosa definisane odgovarajućim odredbama zakona i važećih kolektivnih ugovora, uz specifične definisane potrebe ovim (lex specialis) propisom koji previđa mirovanje radnog odnosa nastavnika u školama, jer se za direktora škole biraju osobe iz reda nastavnika.

Članom 144. definišu se slučajevi za koje može nastati prestanak dužnosti direktora srednje škole.

Članom 145. definišu se uslovi kada je školski odbor obavezan razriješiti direktora prije isteka mandata, kao i uslovi za razrješenje dužnosti direktora srednje škole.

Članom 146. definišu se imenovanje, prava i obaveze vršioca dužnosti direktora srednje škole.

Članom 147. definiše se imenovanje pomoćnika direktora srednje škole, te da srednja škola u skladu sa Pedagoškim standardima, može na poslovima rukovođenja imati pomoćnika direktora, sa utvrđenim zadacima, obavezama i poslovima.

Članom 148. definiše se da u školi djeluju stručni organi i to: nastavničko vijeće, razredno vijeće i stručni aktivisti, čiji se rad reguliše poslovnikom o radu stručnog organa, pravilima škole i godišnjim programom rada.

Članom 149. definišu se poslovi i zadaci nastavničkog vijeća čijim radom rukovodi direktor srednje škole ili član nastavničkog vijeća kojeg direktor odredi.

Članom 150. definišu se poslovi i zadaci razrednog vijeća kojim rukovodi razrednik predmetnog odjeljenja.

Članom 151. definišu se poslovi i zadaci stručnih aktivista, kao i da se bliže odredbe o radu stručnih organa i rada razrednika u srednjoj školi definišu pravilima škole.

Članom 152. propisuje se mogućnost formiranja savjetodavnog vijeća srednje stručne škole, u čiji sastav se biraju predstavnici lokalnog tržišta rada u vezi sa obrazovanjem određenih profila zanimanja, s ciljem pomoći školi u planiranju sadržaja, njenih programa, savjetovanju u vezi sa svim pitanjima koja se tiču obuke i pomažu jačanju veza između škole i lokalnog tržišta rada.

Članom 153. definiše se organizacija i rad doma učenika u posebnom društvenom interesu i javnosti rada, gdje je navedeno da je dom učenika ustanova koja obezbjeđuje učenicima smještaj, ishranu, odgojno-obrazovni rad, staranje o zdravlju, kulturno-zabavne i sportsko-rekreativne aktivnosti.

Članom 154. definišu se dužnosti osnivača doma učenika, koji pored općih uslova ima obavezu obezbjeđiti sredstva i uslove u skladu sa Pedagoškim standardima i higijensko-tehničkim normativima prostornih uslova za rad.

Članom 155. definiše se da se programom odgojno-obrazovnog rada doma učenika utvrđuju poslovi, ciljevi, zadaci, sadržaji, vrsta i obim odgojno-obrazovne aktivnosti u domu učenika, a ostvaruju ga odgajatelji i stručni saradnici.

Članom 156. definiše se da je stručni organ u domu učenika pedagoško vijeće koje sačinjavaju svi odgajatelji, stručni saradnici i saradnici doma učenika, te da vijećem rukovodi direktor doma, kao i da dom učenika može imati i druge stručne organe koje formiraju u zavisnosti od svojih potreba u skladu sa pravilima doma.

Članom 157. definiše se da dom učenika ima pravila doma učenika po kojima ustanova radi, a koja donosi školski odbor, kao i odredbe koji sadrže Pravila doma učenika, te da se rad doma učenika bliže uređuje propisom koji donosi Ministarstvo.

Članom 158. definiše se da je organ upravljanja školski odbor, a organ rukovođenja direktor doma učenika, da školski odbor ima pet članova, koji se imenuju iz reda odgajatelja i

stručnih saradnika doma, iz reda ostalih zaposlenika ili roditelja, iz reda lokalne zajednice i jednog bira osnivač, definiše se i način procedure imenovanja članova školskog odbora.

Članom 159. definišu se uslovi, način imenovanja i prava i obaveze direktora doma učenika.

Članom 160. definiše se način raspisivanja konkursa za imenovanje direktora doma učenika.

Članom 161. definiše se profil i stručna sprema za izbor odgajatelja doma učenika.

Članom 162. definišu se uslovi za prijem učenika u dom učenika, koji se vrši na osnovu konkursa kojeg raspisuje školski odbor.

Članom 163. definisana je cjelokupna organizacija rada doma učenika.

Članom 164. definiše se da mogu formirati aktivni direktora koji nemaju svojstvo pravnog lica, s ciljem uspostavljanja uzajamne saradnje, razmjene iskustava u pogledu dogovora o nastavnim metodama, primjerima dobre prakse i ostalim aktivnostima vezanim za unapređenje nastavnog procesa i da se aktom formiranja utvrđuje sastav, djelokrug rada i ostali poslovi aktiva direktora.

Članom 165. definišu se potrebe i interesi Kantona u srednjem obrazovanju i odgoju, u cilju organizacije, unapređenja i usavršavanja odgojno-obrazovanog rada.

Članom 166. propisuje se da se sredstva za zadovoljavanje potreba i interes Kantona stižu na način utvrđen Zakonom o ustanovama.

Članom 167. definišu se načini sticanja prihoda u srednjoj školi, te usmjeravanje vlastitih prihoda škole za pokrivanje materijalnih troškova uz prethodnu saglasnost osnivača.

Članom 168. definiše se da srednja škola može primati finansijsku i drugu neuvjetovanu pomoć za unapređenje rada, poboljšanje uslova školovanja i sve druge potrebe škola.

Članom 169. propisane su visine novčanih kazni za srednju školu i odgovorno lice u srednjoj školi za počinjene prekršaje na račun materijalnih troškova, odnosno vlastitih prihoda.

Članom 170. propisane su visine novčanih kazni za srednju školu, odgovorno lice u srednjoj školi i nastavnike za počinjene prekršaje na račun materijalnih troškova, odnosno vlastitih prihoda.

Članom 171. propisuju se novčane kazne za roditelje za materijalnu štetu koju je počinilo dijete tj. učenik srednje škole, kao i za neizvršenje obaveza propisanih ovim zakonom.

Članom 172. definiše se usklađivanje i donošenje propisa i akata sa odredbama ovog zakona koje donosi Ministarstvo.

Članom 173. definiše se usklađivanje i donošenje propisa i akata sa odredbama ovog zakona koje donosi Ministarstvo.

Članom 175. propisan je prestanak važenja Zakona o srednjoj školi, ("Službene novine Zeničko-dobojskog kantona", broj: 5/04, 20/07, 19/09, 9/11 i 4/14) stupanjem ovog Zakona na snagu.

Članom 176. definiše se nadzor nad provođenjem zakona.

Članom 177. propisano je stupanje Zakona na snagu.

Finansijski pokazatelji:

Za realizaciju ovog Zakona nije potrebno u Budžetu Kantona obezbijediti dodatna finansijska sredstva, u skladu sa priloženom Izjavom o fiskalnoj odgovornosti. Ujedno napominjemo da će sva eventualna dodatna izdvajanja iz Budžeta Kantona, biti tretirana posebnim aktima, odnosno novim Pedagoškim standardima i normativima za srednje škole, kao pravnog okvira za finansiranje obrazovanja, a koji posebno razmatra Vlada Kantona.

Stoga predlažemo Vladi Zeničko-dobojskog kantona, da utvrdi Prijedlog Zakona o srednjoj školi, te da ga u skladu sa Programom rada Vlade i Skupštine Kantona za 2017. godinu, uputi u razmatranje po redovnoj proceduri.

OBRAĐIVAČ
Ministarstvo za obrazovanje, nauku, kulturu i sport ZDK-a



**Predmet : Izvještaj o provedenoj javnoj raspravi po Nacrtu zakona o srednjoj školi
(sastavni dio Obrazloženja Prijedloga zakona)**

Postupajući u skladu sa tačkom 2. *Zaključka Skupštine Zeničko-dobojskog kantona, broj: 01-02-1306/17., od 30.01.2017.godine*, Nacrt zakona je upućen u javnu raspravu u Grad Zenicu i sve općine Zeničko-dobojskog kantona.

Tačkom 4. navedenog zaključka Skupštine, utvrđeno je da su organizatori javne rasprave općinski načelnici, odnosno Gradonačelnik Grada, i Ministarstvo za obrazovanje, nauku, kulturu i sport, te je, s tim u skladu, Ministarstvo za obrazovanje, nauku, kulturu i sport sačinilo *Plan javne rasprave, broj: 10-38-1305-3/17., od 03.02.2017. godine*, i provelo javnu raspravu u svim općinama na području Kantona i Gradu Zenica, a u kojima su učestvovali ovlašteni predstavnici općina, odnosno Grada Zenica, zainteresovani općinski/gradski vijećnici, predstavnici obrazovnih ustanova, sindikata u obrazovanju, nevladinog sektora, i radne grupe Ministarstva za obrazovanje, nauku, kulturu i sport. Napominjemo da je primjerak Nacrta Zakona dostavljen i Privrednoj Komori Zeničko-dobojskog kantona.

Postupajući u skladu sa navedenim Zaključkom Skupštine Kantona, detaljno su razmotreni svi pristigli prijedlozi, primjedbe i sugestije, a koje čine sastavni dio ovog izvještaja, odnosno Obrazloženja Prijedloga zakona.

PRIMJEDBE I SUGESTIJE OPĆINA/GRADA SA PODRUČJA ZENIČKO-DOBOJSKOG KANTONA

GRAD ZENICA

PRIMJEDBE I SUGESTIJE PRISUTNIH NA JAVNOJ RASPRAVI:

Mehmed Rahmanović, profesor Tehničke škole Zenica

1. Predlažem da se ovaj zakon zove : „**Zakon o srednjoj školi i domovima učenika**“
OBRAZLOŽENJE:

U članu 1. Naveden je predmet ovoga zakona u kome se govori da se ovim zakonom uređuje djelatnost srednjeg obrazovanja. Nigdje se ne pominje prostorna odrednica (Zeničko-dobojski kanton) što bi trebalo da stoji. Takođe nigdje se ne pominje „Dom učenika“ kao posebna javna ustanova, koja ima svoje specifičnosti u odnosu na obavljanje djelatnosti u srednjoj školi.

Stav predlagača po primjedbi:

Primjedba nije uvažena, jer je i Nacrtom Zakona o osnovnoj školi, u članu 1., decidno navedeno da se istim uređuje djelatnost srednjeg obrazovanja, i to na području Zeničko-dobojskog kantona, a Dom učenika je uređen u posebnom dijelu ovog zakona.

2. Dodati tekst u članu 1. stav (1) „i djelatnost domova učenika na području Zeničko-dobojskog kantona“.

Stav predlagača po primjedbi:

Primjedba je uvažena i izvršene korekcije.

J. S.

3. Član 3. (Značenje pojedinih izraza)

Izraz, pod „v“, 2.strana nacрта zakona : **Nastavna godina** (precizirati u skladu sa članom 36. Nacrta zakona, jer nije dat tačan broj nastavnih sedmica).

Dodati slijedeće izraze:

- zajedničko jezgro npp
- privatna škola
- međunarodna škola
- matura
- ferijalna praksa
- eksperimentalna nastava
- dopunska nastava
- dodatna nastava
- inspekcijski nadzor
- aktiv direktora
- razredno vijeće
- nastavničko vijeće
- stručni aktiv
- savjetodavno vijeće
- tripartitno savjetodavno vijeće
- projekat sedmica
- stručno zvanje
- zanimanje
- polaznik
- pedagoški standardi
- normativi

Obrazloženje:

Predlagač je u nacrtu zakona dao neka obrazloženja pojmova koje se javljaju u tekstu. Smatram da su i ovi pojmovi bitni za potpuno razumijevanje cjelovitog teksta zakona.

Stav predlagača po primjedbi:

Primjedba nije uvažena, jer su svi nabrojani pojmovi u tekstu ovog zakona već detaljnije pojašnjeni.

4. Član 4. (Tip srednje škole)

Pod tačkom „f“ umjesto „specijalna srednja škola“ predlažem da se upiše: „Srednja škola za učenike sa posebnim obrazovnim potrebama“.

Obrazloženje:

Ovaj izraz „specijalna srednja škola“ nije prikladan i trebalo bi u tipovima srednjih škola izvršiti izmjenu kako je predloženo.

Takođe i sam predlagač ovog zakona (Ministarstvo za obrazovanje, nauku, kulturu i sport ZDK), u članu 21. Stav (2) upotrebljava izraz „Srednja škola za učenike sa posebnim obrazovnim potrebama“.

Smatram da je naziv „specijalna škola“ prevaziđen i da ga više ne treba upotrebljavati.

Stav predlagača po primjedbi:

Primjedba je djelimično uvažena te su izvršene adekvatne korekcije u svim članovima zakona koji koriste pojam *srednje škole za učenike sa teškoćama u razvoju*.

5. Član 5. Pitanje se odnosi na definisanje pojma srednje umjetničke škole.

Stav predlagača po primjedbi:

Primjedba nije uvažena, jer srednje umjetnička škola jeste jedan od tipova srednje stručnog obrazovanja.

6. Prijedlog je brisati stav (2) člana 5.

Stav predlagača po primjedbi:

Primjedba nije uvažena, radi evidentne potrebe bližeg definisanja svih tipova srednjih škola.

7. Član 7. U stavu (5) ovog člana umjesto riječi „osnovnoj“, treba da stoji „srednjoj“.

Obrazloženje:

Vjerovatno je to tehnička greška jer se radi o Nacrtu zakona o srednjoj školi.

Član 7., stav (5)

Takođe bilo bi potrebno precizirati, pod kojim se uslovima i kada, na koji način i koji je to broj učenika koji se izjasni za izvođenje nastave na bosanskom, hrvatskom ili srpskom jeziku?

Prijedlog:

Način izjašnjavanja učenika za izvođenje nastave na jeziku konstitutivnog naroda, uslove i ostala pitanja u vezi s tim donosi Ministarstvo.

Stav predlagača po primjedbi:

Primjedba nije uvažena, jer se ova pitanja odnose na razradu načela u Zakonu vezanih za Poštivanje ljudskih prava i osnovnih sloboda u školama, a ne na definisanje ili bliže uređivanje samog načina implementacije ovih prava koje se reguliše drugim provedbenim propisima.

8. Član 7. stav (5) traži se preciziranje broja učenika koji se izjasne za izvođenje nastave na bosanskom, hrvatskom ili srpskom jeziku.

Stav predlagača po primjedbi:

Primjedba nije uvažena, jer se ova pitanja odnose na razradu načela u Zakonu vezanih za Poštivanje ljudskih prava i osnovnih sloboda u školama, a ne na definisanje ili bliže uređivanje samog načina implementacije ovih prava koje se reguliše drugim provedbenim propisima.

9. Član 7. stav (8)

U stavu (8), iza riječi „će“ treba dodati: „za potrebe izvođenja nastave na jeziku nacionalne manjine“, i dalji dio teksta ostaje isti.

Obrazloženje:

Ovim se precizira namjena ustanovljavanja Nastavnih planova i programa za nastavu nacionalnih manjina.

Stav predlagača po primjedbi:

Primjedba nije uvažena, jer je predmetni član Zakona u dijelu koji se odnosi na izradu adekvatnog Nastavnog plana i programa za nacionalne manjine, u dovoljnoj mjeri već definisan.

10. Član 7. stav (12) pitanje se odnosi na obavezu pohađanja nastave iz alternativnog predmeta.

Stav predlagača po primjedbi:

Primjedba je uvažena i korekcija izvršena.

11. U Članu 7. je potrebno dodati novi stav (13) koji glasi: “Pravilnik o načinu organizovanja nastave iz alternativnog predmeta donosi Ministarstvo na prijedlog Pedagoškog zavoda”.

Stav predlagača po primjedbi:

Primjedba nije uvažena, jer zbog slobode izbora i jednakih prava za sve učenike, predmetnim članom razrađuju se načela u Zakonu vezana za Poštivanje ljudskih prava i osnovnih sloboda u školama (uključujući i pripadajuća prava nacionalnih manjina), a ne bliže uređivanje samog načina implementacije ovih prava koje se reguliše drugim provedbenim propisima (i pravilnikom).

12. Član 11. stav (1)

U stavu (1) člana umjesto riječi „osnovnoj“, treba da stoji „srednjoj“.

Obrazloženje:

Vjerovatno je to tehnička greška, jer se radi o Nacrtu zakona o srednjoj školi.

Stav predlagača po primjedbi:

Primjedba je uvažena i izvršena je korekcija.

13. Član 11. stav (4) traži se preciziranje broja učenika koji pripadaju nacionalnoj manjini.

Prijedlog je da se doda na kraju stava (4) iz a zareza „u skladu sa Pedagoškim standardima“.

Stav predlagača po primjedbi:

Primjedba nije uvažena jer je Okvirnom konvencijom, kao i datim stručnim mišljenjima tijela EU-a po primjeni iste, izričito navedeno da se u tom pogledu ne stavljaju brojčana ograničenja pripadnika nacionalnih manjina.

14. Član 11. stav (6) nema nikakvu funkciju u odnosu na član 6. stav (7).

Stav predlagača po primjedbi:

Primjedba je uvažena i izvršena je korekcija.

15. Član 12. stav (3)

U stavu (3) člana 12. ovog zakona, ispred riječi: „Kantona“, dodati riječi: „na području“, a ostali dio teksta ostaje isti, pa bi stav (3) člana 12. Ovog nacrtu zakona glasio:

(3) Strani državljani i lica bez državljanstva imaju pravo da stiču srednje obrazovanje i odgoj u školama na području Kantona, po odredbama ovog zakona, u skladu sa konvencijama i ugovorima koje je država Bosna i Hercegovina zaključila sa drugim državama ili međunarodnim organizacijama.

Obrazloženje:

Na ovaj način se precizira prostor Kantona, jer se srednje škole nalaze „na području Kantona“.

Stav predlagača po primjedbi:

Primjedba je uvažena i izvršena je korekcija.

16. Član 13. stav (2)

U stavu (2) člana 13. ovog zakona, iza riječi „se“, dodaje se riječ „dugoročnim“, dok ostali dio teksta ostaje isti.

Obrazloženje:

U ovom stavu treba precizirati da se ovdje radi o dugoročnom planu, jer se takav plan ponavlja i u stavu (1) člana 14. ovog zakona. Na taj način će se uskladiti vrste planova razvoja djelatnosti srednjeg obrazovanja i odgoja. Ali je to obaveza Skupštine da sačini dugoročni plan razvoja djelatnosti oblasti obrazovanja.

Stav predlagača po primjedbi:

Primjedba je uvažena i izvršena je korekcija.

17. Član 14. stav (1)

U stavu (1) člana 14. ovog zakona, umjesto broja 12 treba da stoji broj 13.

Obrazloženje:

Vjerovatno je u pitanju tehnička greška jer član 13 ovog zakona govori o dugoročnom planu razvoja djelatnosti srednjeg obrazovanja i odgoja.

Stav predlagača po primjedbi:

Primjedba je uvažena i izvršena je korekcija.

18. Član 14. stav (5)

U stavu (5) člana 14. ovog nacrtu zakona, umjesto riječi „Privatna“ staviti „Srednja škola“ dok ostali dio teksta ostaje nepromijenjen.

Obrazloženje:

Iz predloženog stava se može zaključiti da se samo privatna škola ne može osnovati prema nabrojanim predrasudama ili protivno zakonu. Šta je sa ostalim srednjim školama? Po ovome ostale srednje škole nemaju izričitu zabranu osnivanja po nabrojanim predrasudama. Dakle sve škole, bez obzira na oblik osnivanja (javna ili privatna) ne mogu se osnovati u odnosu na nabrojane predrasude niti protivno zakonu.

Stav predlagača po primjedbi:

Primjedba je djelimično uvažena i izvršena je korekcija.

19. Član 18. (alineja „a“)

U alineji a) iza riječi „broj“ dodati „učenika i“ a iza riječi standardima, brisati zarez i preostali tekst (izuzev škole u privatnoj svojini) i dodati „i normativima“, pa bi tekst člana 18. alineja a) glasio:

a) dovoljan broj učenika i odjeljenja u skladu sa Pedagoškim standardima.

Obrazloženje

Pošto su Pedagoški standardi i Normativi krucijalni podzakonski akti za realizaciju obrazovno-odgojnog procesa, potrebno ih je integralno uraditi za javne i privatne srednje škole i u njima predvidjeti eventualne „olakšice“ za privatne škole, kada je u pitanju broj učenika u odjeljenjima, broj grupa za pojedine vidove nastavnog i vannastavnog procesa, kao i broj učenika za pojedina zanimanja i stručna zvanja.

Ovi podzakonski akti zahtijevaju HITNOST u njihovoj izradi, jer su postojeći Pedagoški standardi i Normativi donijeti poodavno dok su Pedagoški standardi mijenjani u nekim svojim segmentima prije tri, četiri godine, te je njih vrijeme pregazilo! Međutim, ko se sjeća kada se govorilo o inoviranju i prilagođavanju Normativa za rad srednjih škola? To je bilo davno. Ako želimo novi Zakon o srednjoj, moderan i prihvatljiv za ne samo sadašnji trenutak, nego i za budućnost potrebno je uraditi i nove Normative za rad srednjih škola.

Stav predlagača po primjedbi:

Primjedba nije uvažena, jer je isto definisano u alineji e).

20. Član 19. stav (5)

Stav (5) člana 19. ovog nacrtu zakona treba preformulisti i on bi glasio:

(5) Srednja škola koja ispunjava uslove upisuje se i u nadležni sudski registar. Danom upisa stiče svojstvo pravnog lica.

Obrazloženje:

Ovdje se radi samo o preciziranju i preformulaciji stava (5) člana 19. nacrtu zakona.

Stav predlagača po primjedbi:

Primjedba je djelomično uvažena i izvršena je korekcija.

21. Član 19. stav (9)

U stavu (9) člana 19. ovog nacrtu zakona, iza riječi „Registra“ treba staviti zarez i dodati tekst koji glasi „kao i utvrđivanja uslova, procedura i rokova, uvođenja novog nastavnog plana i programa, odnosno proširenja djelatnosti ili promjene obrazovanja i odgoja u okviru rada srednje škole“, dok ostali dio teksta ostaje isti, izuzev riječi „propisom“ gdje treba da stoji „propisima“,

te bi tekst člana 19. stav (9) glasio:

(9) Postupak utvrđivanja uslova, sadržaja i načina vođenja Registra kao i utvrđivanja uslova, procedura i rokova, uvođenja novog nastavnog plana i programa, odnosno proširenja djelatnosti ili promjene obrazovanja i odgoja u okviru rada srednje škole, bliže se regulira propisima koje donosi Ministarstvo.

Obrazloženje:

Ukoliko neka srednja škola želi mijenjati ili proširivati djelatnost, uvoditi nova zanimanja ili stručna zvanja, bilo bi dobro da Ministarstvo sačini jedan propis (Pravilnik) o uslovima, načinu i rokovima za određene radnje, kako bi se to moglo i realizovati.

Stav predlagača po primjedbi:

Primjedba nije uvažena, jer isto riješeno u članu 19., stavu (3).

22. Član 19.

U svim stavovima člana 19. u kojima se pominje srednja škola, potrebno je dodati „i domovi učenika“.

Obrazloženje:

I domovi učenika su obavezni ispunjavati određene uslove, koje propiše Ministarstvo, u pogledu organizacije rada, obrazovno-odgojne komponente svoje djelatnosti itd. Takođe se može desiti proširenje djelatnosti Domova učenika, za što su potrebne određene saglasnosti od Ministarstva i osnivača. Potrebno je i to ozakoniti, ovoga puta u ovom zakonu.

Stav predlagača po primjedbi:

Primjedba je uvažena i korekcija izvršena.

23. Član 20. stav (1)

U članu 20. stav (1) ovog nacrtu zakona, iza riječi „učenika“ treba staviti zarez i dodati slijedeći tekst: „koga donosi Ministarstvo“.

Konačan tekst člana 20. stav (1) glasi:

(1) Srednja škola može vršiti statusne promjene uz prethodnu saglasnost Ministarstva u skladu sa Pravilnikom o upisu u Registar srednjih škola i domova učenika, koga donosi Ministarstvo.

Obrazloženje:

Ministarstvo je nadležno i dužno da utvrdi i donese navedni pravilnik.

Stav predlagača po primjedbi:

Primjedba nije uvažena, jer je regulisana u članu 19. stav (9).

24. Član 21. stav (4)

U članu 21. stav (4) treba brisati riječ: „Specijalna“. Iza riječi „školama“ brisati tačku i dodati tekst: „na osnovu odluke Ministarstva“.

Konačan tekst člana 20. stav (4) glasi:

(4) Srednja škola za učenike sa posebnim obrazovnim potrebama može da predstavlja resursni centar za pomoć i podršku inkluzivnom obrazovanju učenika sa posebnim obrazovnim potrebama u ostalim srednjim školama na osnovu odluke Ministarstva“.

Obrazloženje:

Riječ „Specijalna škola“ se briše radi već ranije navedenih razloga. Takođe, Ministarstvo je nadležno, da svojom odlukom odredi Srednjoj školi za učenike sa posebnim obrazovnim potrebama, nadležnost tzv.resursnog centra za pomoć i podršku inkluzivnom obrazovanju učenika sa posebnim obrazovnim potrebama u ostalim srednjim školama.

Stav predlagača po primjedbi:

Primjedba je uvažena i izvršene su potrebne korekcije.

25. Član 22. stav (2)

U članu 22. stav (2), na kraju stava brisati tačku i dodati tekst: „uz prethodnu saglasnost osnivača srednjih škola“.

Konačan tekst člana 22. stav (2) glasi:

(2) Zajednica može imati svojstvo pravnog lica uz uslov da škole daju svoju saglasnost na Statut zajednice kojim bliže regulišu način rada, sjedište, prava i obaveze, radno-pravni status radnika, organe upravljanja i rukovođenja, kao i sva druga prateća pitanja vezana za funkcionisanje zajednice kao posebnog pravnog lica, uz prethodnu saglasnost osnivača srednjih škola.

Obrazloženje:

Pošto se radi o krupnim, ozbiljnim i važnim statusnim i organizacionim pitanjima, smatram da isključivo osnivač srednjih škola može dati saglasnost na formiranje i uspostavljanje ovakvog oblika udruživanja srednjih škola.

Osim toga nejasno je na kojem teritorijalnom nivou je predlagač zakona predvidio formiranje zajednice srednjih škola. Je li to na nivou grada, pojedinih općina unutar kantona, dvije ili više općina u kantonu ili isključivo na nivou kantona?

Stav predlagača po primjedbi:

Primjedba nije uvažena, jer je isto već u dovoljnoj mjeri regulisano u članu 22. stav (1), (2) i (3).

26. Član 22. stav (3)

U članu 22. stav (3), iza riječi „zajednicu“ dodati: „bez svojstva pravnog lica“.

Konačan tekst člana 22. stav (3) glasi:

(3) Srednje stručne škole koje formiraju zajednicu, bez svojstava pravnog lica, svoja međusobna prava regulišu ugovorom, uz prethodnu saglasnost Ministarstva.

Obrazloženje:

Ovo je čisto iz predostrožnosti preciziranje mogućnosti formiranja Zajednice srednjih stručnih škola, bez svojstva pravnog lica.

Osim toga nejasno je na kojem teritorijalnom nivou je predlagač zakona predvidio formiranje zajednice srednjih škola. Je li to na nivou grada, pojedinih općina unutar kantona, dvije ili više općina u kantonu ili isključivo na nivou kantona?

Stav predlagača po primjedbi:

Primjedba nije uvažena, jer je isto već u dovoljnoj mjeri regulisano u članu 22., stav (1), (2) i (3), pri čemu je data mogućnost da shodno stvarnim potrebama, zajednica srednjih škola „može“ imati i svojstvo pravnog lica.

27. Član 23.

Potrebno je preciznije odrediti misiju, zadatke, obaveze i način rada tripartitnog savjetodavnog vijeća.

Stav predlagača po primjedbi:

Primjedba nije uvažena, jer se isto dodatno uređuje pravilima koje tretiraju istu tematiku.

28. U članu 27 alineja a briše se cio tekst i novi tekst alineje a glasi: „svi učenici koji su završili osnovnu školu...”

Stav predlagača po primjedbi:

Primjedba je djelimično uvažena i izvršena je korekcija.

29. Član 28. stav (1)

U članu 28. stav (1) brišu se riječi: „Škola srednjeg obrazovanja i obuke“ i umjesto toga dodaje se tekst : „Srednja škola“.

Konačan tekst člana 28. stav (1) glasi:

„Srednja škola može organizovati obuku odraslih u okviru svoje registrovane djelatnosti uz saglasnost Ministarstva, a u skladu sa Zakonom o obrazovanju odraslih („Službene novine Zeničko-dobojskog kantona“, broj: 5/14), (u daljem tekstu: Zakon o obrazovanju odraslih).“

Obrazloženje:

Na ovaj način su obuhvaćene sve srednje škole, koje ispunjavaju uslove o obrazovanju odrasli, prema navedenom Zakonu o obrazovanju odraslih.

Upitan je i izraz „obuku“, jer u samom nazivu Zakona o obrazovanju odraslih, jeste upravo izraz obrazovanje!

Stav predlagača po primjedbi:

Primjedba je uvažena i izvršena je korekcija.

30. Član 31. stav (1) i član 32. stav (3)

U navednim članovima – 31 i 32. Nalaze se u koliziji sa stanovišta maksimalnog procenta nastavnog plana i programa (25 % i 30 %). Potrebno je to izjednačiti ili drugačije definisati.

U članu 31. Stav (1) govori se o 25% obima specifičnog sadržaja nastavnog predmeta za svaku vrstu škole, grupu nastavnih predmeta, odnosno predmet, dok se u članu 32. stav (3) govori o dijelu npp za srednje stručno obrazovanje i obuku, sveukupnog npp taj obim je 30%?

Stav predlagača po primjedbi:

Primjedba nije uvažena, jer se radi o različitim tipovima srednjeg obrazovanja.

31. Član 35.

U stavu (2) ovog člana treba, iza riječi „zavod“ dodati riječi „i srednje škole“, pa bi član 35. stav (2) glasio:

(2) Prijedlog nastavnog plana i programa, utvrđuje Pedagoški zavod zajedno sa srednjim školama.

Obrazloženje:

Ako u već ranije nabrojanim članovima nacрта ovog zakona je regulisano do i škole učestvuju u izradi nastavnih planova i programa, neophodno je da i one (škole) budu ovlaštene da predlažu nastavne planove i programe, odnosno specifične dijelove koje one izrade.

Stav predlagača po primjedbi:

Primjedba nije uvažena, jer je riječ o izvornoj i isključivoj zakonskoj nadležnosti Ministarstva, iako u aktuelnoj obrazovnoj praksi, Ministarstvo obavlja prethodne konsultacije sa našim školama.

32. Član 36.

Iza stava (6) ovog člana treba dodati stav (7) koji glasi:

(7) Pravilnik-uputstvo o intoniranju himne i isticanju državnih simbola u školama donosi Minisatrstvo.

Stav predlagača po primjedbi:

Primjedba nije uvažena, jer je riječ o decidno naloženoj i jasno definisanoj zakonskoj obavezi za čiju realizaciju nije potreban poseban provedbeni-dodatni propis.

33. Član 37.

Na kraju stava (4) iza riječi „dnevno“, treba dodati: „svih nastavnih oblika“.

Stav (4) ovog člana glasi:

(4) Ukupno opterećenje učenika u redovnom nastavnom procesu ne može iznositi više od 35 sati sedmično, odnosno 7 nastavnih sati dnevno, svih oblika nastave.

Stav predlagača po primjedbi:

Primjedba nije uvažena, jer je predloženo u skladu sa nastavnim planovima i programima.

34. Član 38.

U stavu (1) umjesto riječi „specijalnoj srednjoj školi“ treba dodati ;“srednjoj školi za učenike sa posebnim potrebama“, dok ostali dio teksta ostaje isti. Član 38. Stav (1) glasi:

(1) Nastavni sat općeobrazovne, stručno-teoretske i praktične nastave u srednjoj školi traje 45 minuta, a u srednjoj školi za učenike sa posebnim potrebama 40 minuta.

Stav predlagača po primjedbi:

Primjedba je djelimično uvažena te su izvršene adekvatne korekcije u svim članovima zakona koji koriste inkluzivni pojam *srednje škole za učenike sa teškoćama u razvoju*, kao i u smislu utvrđivanja trajanja nastavnog sata.

35. Član 39. stav (1) - ODMORI

U članu 39. stav (1) riječ „tri“ zamijeniti riječju „četiri“, a riječi „proljetni odmor jednu sedmicu“ BRISATI, a ostali dio teksta ostaje isti, pa bi stav (1) glasio:

(1) Zimski odmor za učenike srednje škole traje četiri sedmice a ljetni odmor traje od završetka nastavne godine do početka nove školske godine.

Obrazloženje:

Ukinuti tzv. proljetni odmor , izbjeći još jedno pomodarstvo zapadne civilizacije, jer je taj odmor neučinkovit i samo šteti kako učenicima tako i prosvjetnim radnicima.

Povećati zimski odmor na četiri sedmice zbog problema koji se javljaju u zimskom periodu, posebno sa grijanjem i povećavanjem zagađenosti u , posebno, Zenici, ali i zbog učenčkih mjesečnih karti, koje po sadašnjoj praksi, ne mogu kupovati sa popustom mjesečnu kartu samo za npr. jednu sedmicu nastave.

Član 39. stav (2)

U članu 39. stav (2) iza riječi „polugodišta“, staviti tačku a ostali dio teksta BRISATI, pa bi stav (2) glasio:

(2) Zimski odmor koristi se nakon završetka prvog polugodišta.

Stav predlagača po primjedbi:

Po ovom pitanju vođena je stručna rasprava na Skupštini ZDK od strane podnosioca inicijative, resornog Ministarstva i obrazovnih sindikata nakon čega predmetna inicijativa nije dobila potrebnu većinu, te je ostala pri stavu da je Zakonsko rješenje uvođenja proljetnog raspusta opravdano. Obzirom na činjenicu da prijedlog Zakona sadržava dio inicijative koji se odnosi na pomjeranje korištenja proljetnog raspusta, (sa kraja mjeseca aprila na kraj marta tekuće godine), mišljenja smo da je navedenom izmjenom, u odnosu na prethodna zakonska rješenja, prijedlog djelimično uvažen.

36. Član 39. stav (7)

U članu 39. stav (7) treba precizirati koji je to dio zimskog raspusta i ulogu Ministarstva u tom slučaju.

Predlažem da član 39. stav (7) glasi:

(7) Srednja škola može, radi obilježavanja vjerskih praznika, odrediti da se dio zimskog odmora za učenike koristi u toku prvog ili drugog polugodišta, u skladu sa odobrenjem Ministarstva.

Obrazloženje:

Moguće je da bi postojao šarolik pristup ovoj mogućnosti, jer je dosta škola i svaka na svoj način bi odlučivala o ovakvoj pojavi. Da bi se to spriječilo Ministarstvo je nadležno da daje saglasnost na pomijeranje dijela odmora učenika.

Stav predlagača po primjedbi:

Primjedba je uvažena i izvršena je korekcija.

37. Član 41.

Mislim da je greška u naslovu ovog člana koji glasi: (organizacija obrazovno-odgojnog rada u specijalnim odjeljenjima i umjetničkim odjeljenjima).

Uopće, sadržaj i struktura ovog člana je nejasne i neprecizna, pa ukoliko se ne precizira i pojasni, treba ga brisati.

Stav predlagača po primjedbi:

Primjedba je djelimično uvažena i izvršena korekcija.

38. Član 42.

U stavu (1) govori se o tipu škole.

Umjesto tip škole, treba da stoji: određenih zanimanja/zvanja, jer tipovi škola su dati u članu 4. ovog nacrtu zakona).

Stav predlagača po primjedbi:

Primjedba nije uvažena, jer se ovim članom pojašnjava organizacija srednje škole, a ne zanimanja ili zvanja.

39. Član 45.

Dodati novi stav (7) koji glasi:

(7) Pravilnik o osnivanju i organizovanju ueničke zadruge donosi Ministarstvo.



Možda treba razmišljati da se uputi inicijativa za izradu „Zakona o učenikim zadrugama za područje Zeničko-dobojskog kantona“.

Stav predlagača po primjedbi:

Primjedba nije uvažena, jer se navedeno bliže reguliše pravilima škole.

40. Član 49.

Dodati novi stav (5) koji bi glasio:

(5) Zakon o udžbenicima i nastavnim sredstvima u srednjoj školi donosi Ministarstvo.

Obrazloženje:

Ako pogledamo praksu rada kantonalnih ministarstava za obrazovanje u cijeloj Federaciji, jedna od OBAVEZA Ministarstva za obrazovanje je da donese pomenuti zakon! Možda bi se mogao zvati: „ Zakon o udžbenicima, udžbeničkoj politici i nastavnim sredstvima za srednje škole na području ZDK“.

Stav predlagača po primjedbi:

Primjedba nije uvažena, jer je za udžbeničku politiku nadležno Federalno ministarstvo obrazovanja i nauke.

41. Član 50 stav (1)

Pravila škole su ozbiljan podzakonski akt pa u tom slučaju bi trebalo član 50. stav (1) dopuniti, tako što će se iz riječi „direktora“, dodati tekst : „Saglasnost na pravila škole, daje Ministarstvo /osnivač“, pa bi član 50 stav (1) glasio:

(1)Srednja škola ima pravila i druga akta u skladu sa zakonskim propisima koja usvaja školski odbor srednje škole na prijedlog direktora. Saglasnost na pravila škole daje Ministarstvo/osnivač. U izradi pravila škole obavezno učestvuju Nastavničko vijeće i Sindikat škole.

Obrazloženje:

Vlada Zeničko-dobojskog kantona je osnivač srednjih škola i domova učenika. S obzirom na tu činjenicu bilo bi logično da osnivač daje saglasnost na najvažniji podzakonski akt škole, kao javne ustanove.

Pošto je velika važnost Pravila škole, neophodno je da u izradi istih direktor škole obavezno uključi Nastavničko vijeće i Sindikat škole, tim prije što je predlagač zakona, npr. predvidio prethodne konsultacije sa nastavničkim vijećem i vijećem roditelja, za donošenje manje bitnog i suštinski i hijerarhijski nebitnijim pravilnikom o kućnom redu sa etičkim kodeksom! (vidi član 50 stav (4) nacrt zakona .

U svim članovima koji govore o određenim zajedničkim pisanjima, statusu, osnivanju itd. treba dodavati i riječi:“ **dom učenika**“ , pošto nema zakona o domovima učenika, nego se ta materija inkorporira u ovom zakonu o srednjoj školi.

Stav predlagača po primjedbi:

Primjedba nije uvažena, jer je predmetnim članom decidno propisano i navedeno da srednja škola ima pravila kao i obavezu njihovog donošenja, (a što je u skladu i sa Zakonom o ustanovama). Uvažavajući primjedbu na član 65. Nacrta zakona koji je pomjeren u član 50., ovaj član je sada član 51.

42. Član 50. stav (3)

U stavu (3) alineja (e), nakon riječi „saradnika“ treba staviti zarez i dodati tekst: „ i ostalih radnika škole, kao i obaveza objavljivanja konkursa za svaki čas /sat prekovremenog časa nastave preko norme odnosno sata rada drugih poslova“, pa bi alineja e) člana 50 stav (3) glasio:

e)uslove konkursa za prijem nastavnika, stručnih saradnika i saradnika i ostalih radnika škole, kao i obaveza objavljivanja konkursa za svaki čas /sat prekovremenog časa nastave preko norme odnosno prekovremenog sata rada drugih poslova“.

Obrazloženje:

Poznato je da obrazovna djelatnost poznaje određene kategorije radnika (nastavnici, stručni saradnici, sradnici (koji su podložni ocjenjivanju i napredovanju) ali i oni koji obavljaju

poslove održavanja čistoće, održavanja školskog objekta itd. Takođe u posljednje vrijeme, sve više je na sceni „skrivanje određenog broja časova nastave pa je nerijetka čak i manipulacija prekovremenim satima npr. na poslovima održavanja čistoće, od strane, prije svega, direktora škola. Da bi se to izbjeglo neophodno je u zakon unijeti odredbu o obaveznom objavljivanju konkursa za svaki preko norme čas, u zavisnosti od nastavne norme pojedinih predmeta, kao i za svaki preko norme sat rada ostalog osoblja. Za neprovođenje ovih zahtjeva iz zakona potrebno je predvidjeti i odgovarajuće sankcije.

Stav predlagača po primjedbi:

Primjedba je djelimično uvažena. Uvažavajući primjedbu na član 65. Nacrta zakona koji je pomjeren u član 50., ovaj član je sada član 51.

43. Član 52. Stav (3)

U članu 52.stav (3) ispred riječi: „sadržaju“ treba da stoji: „kriterijima“, a ostali dio teksta ostaje isti, pa bi član 52.stav (3) glasio:

(3)Bliži propis o kriterijima, sadržaju i načinu upisa u gimnaziju donosi Ministarstvo.

Obrazloženje:

Nedostaje riječ „kriterijima“.

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 53.

44. Član 53. Stav (3)

U članu 53.stav (3), višak su riječi „upisa i“, pa bi član 53. Stav (3) glasio:

(3)Bliži propis o sadržaju i načinu polaganja mature u gimnaziji donosi Ministarstvo.

Obrazloženje:

Radi se o polaganju matura dok riječ „upis“ nije smislen za ovaj tekst stava (3).

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 54.

45. Član 55.

Nedostaje stav (9) koji bi trebao da glasi:

(9)Bliži propis o kriterijima, sadržaju i načinu upisa u srednju umjetničku školu donosi Ministarstvo.

Obrazloženje:

Bez obzira na specifičnosti srednje umjetničke škole Ministarstvo je nadležno da donosi podzakonske akte, pogotovo iste važnosti za sve ostale srednje škole. Može se reći da svaka srednja škola ima svoje specifičnosti, pa bi po toj logici svaka posebno donosila tako bitne podzakonske akte kao što je Pravilnik o kriterijima, sadržaju i načinu upisa.

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 56.

46. Član 56.stav (4)

Iza stava (3) ovog člana treba da stoji (4) a ne (1),

Nedostaje stav (5) koji glasi:

(5)Bliži propis o sadržaju i načinu polaganja mature u srednjoj umjetničkoj školi donosi Ministarstvo.

Obrazloženje:

Isto kao za član 55.stav (9).

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 57.

47. Član 57. Stav (1)

Mijenja se i glasi:

(1) U tehničkoj i srodnoj školi obrazuju se redovni učenici, koji su sa uspjehom završili osnovno obrazovanje prema nastavnom planu i okvirnom programu za osnovnu školu, i polaznici obrazovanja odraslih u skladu sa Zakonom o obrazovanju odraslih, za odgovarajuća zanimanja/zvanja u četverogodišnjem trajanju, po općeobrazovnom i stručnom programu srednjeg obrazovanja.

Obrazloženje:

Predloženi stav je konfuzan, nejasan pa ga treba proširiti i precizirati kako je predloženo.

Stav predlagača po primjedbi:

Primjedba nije uvažena, jer će navedeno pitanje biti definisano odgovarajućim podzakonskim aktima. Uvažavajući primjedbu na član 65. Nacrta zakona koji je pomjeren u član 50., ovaj član je sada član 58.

48. Član 58.stav (1)

Tekst iz stava (1) je suvišan i briše se.

Drugi stav postaje prvi (1) a treći stav postaje drugi (2).

Obrazloženje:

Predloženi tekst stava (1) je već sadržan u članu 57. stav (1)., te je suvišan.

Stav predlagača po primjedbi:

Primjedba

Primjedba nije uvažena, jer je upis učenika u tehničku i srodnu školu definisan članom 58 stav (1). Uvažavajući primjedbu na član 65. Nacrta zakona koji je pomjeren u član 50., ovaj član je sada član 59.

49. Član 59. Stav (2)

U stavu (2) iza riječi :“sredstvima“ treba dodati tekst: „stručni kadar odgovarajućeg usmjerenja i stepena stručne spremlje i radnog iskustva“, dok ostali dio teksta ostaje nepromijenjen, te član 59. stav (2) glasi:

(2)Praktična nastava se izvodi pod stručnim nadzorom srednje škole u privrednim društvima, ustanovama ili kod obrtnika ako imaju odgovarajuću savremenu opremu, tehničko-tehnološka sredstva i stručni kadar odgovarajućeg usmjerenja i stepena stručne spremlje i potrebnog radnog iskustva i druge odgovarajuće uslove u skladu sa nastavnim planom.

Obrazloženje:

Potrebno je precizirati sve uslove za realizaciju praktične nastave van škole, a posebno profil i stručnu spremlje kadrova koji rade kod poslodavaca.

Stav predlagača po primjedbi:

Primjedba nije uvažena, jer je isto već bliže definisano Nastavnim planom i programom. Uvažavajući primjedbu na član 65. Nacrta zakona koji je pomjeren u član 50., ovaj član je sada član 60.

50. Član 59.stav (3)Mijenja se i glasi;

(3)Uslove, oblike, metode, postupke i fond časova izvođenja praktične nastave, propisuje Ministarstvo posebnim pravilnikom, na osnovu koga srednje škole ugovorom sa privrednim društvima, ustanovama i obrtnicima regulišu izvođenje praktične nastave.

Obrazloženje:

Potrebno je da Ministarstvo, kao nadležan upravni organ, sačini predmetni pravilnik za sve škole, na osnovu koga bi srednje škole pojedinačno zaključivale ugovore sa pojedinim privrednim društvima,ustanovama i obrtnicima. Ukoliko se to bude prepustilo školama vjerujem da će biti veoma velikih razika u shvaćanju i realizaciji ove oblasti.

Stav predlagača po primjedbi:

Primjedba nije uvažena, jer je isto već definisano Nastavnim planom i programom, uz opću pretpostavku da će škole kao pojedinačni pravni subjekti, takve ugovore zaključivati u skladu sa svojim stvarnim potrebama. Uvažavajući primjedbu na član 65. Nacrta zakona koji je pomjeren u član 50., ovaj član je sada član 60.

51. Član 60.stav (2)Mijenja se i glasi :

(2)Uslove, oblike, metode , postupke i fond časova izvođenja ferijalne prakse , propisuje Ministarstvo posebnim pravilnikom, na osnovu koga srednje škole ugovorom sa privrednim društvima, ustanovama i obrtnicima regulišu škola i drugi zainteresovani subjekt.

Obrazloženje :

Iz svoje nadležnosti Ministarstvo uređuje posebnim aktom ovu oblast, na osnovu čega škole potpisuju ugovore sa zainteresovanim subjektom. Osnovna načela, principe i norme za organizovanje ferijalne prakse propisuje Ministarstvo, a ne škola. Ako se to prepusti srednjoj školi tada ćemo dobiti jednu šarolikost u pristupu ovoj oblasti od strane srednjih škola.

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 61.

52. Član 64.stav (1)U članu 64. Stav (1), iza riječi „se“ treba da stoji: „redovni“, te brišu se riječi: „kako je regulisano“ i umjesto tih riječi treba da stoji:“u skladu sa“, te bi ovaj stav glasio:

(2) U stručnoj školi obrazuju se redovni učenici , koji su sa uspjehom završili osnovno obrazovanje prema nastavnom planu i okvirnom programu za osnovnu školu, i polaznici obrazovanja odraslih u skladu sa Zakonom o obrazovanju odraslih, za odgovarajuća zanimanja u trogodišnjem ili četverogodišnjem trajanju.

Stav predlagača po primjedbi:

Primjedba nije uvažena jer će navedeno pitanje biti definisano odgovarajućim podzakonskim aktima. Uvažavajući primjedbu na član 65. Nacrta zakona koji je pomjeren u član 50., ovaj član je sada član 65.

53. Član 65. (INKLUZIVNO obrazovanje u stručnim školama)

Generalna primjedba je zašto se zakonski određuje inkluzivno obrazovanje samo u stručnim školama? Gdje su prava djeteta? Gdje je ravnopravnost svih bez izuzetka? Zar ne mogu učenici koji zahtijevaju takav oblik pomoći u obrazovanju biti učenici ostalih srednjih škola, a ne samo stručnih?

Stav predlagača po primjedbi:

Primjedba je uvažena i izvršena je korekcija, odnosno izmijenjen je član 65. u član 50.

54. Član 66.Ista se primjedba odnosi kao i na član 65. Zašto se učenici, koji su radili po individualnim obrazovnim programima, ne mogu upisivati i u druge škole, na osnovu pedagoških kartona? Možda je to neka greška ili previd?

Stav predlagača po primjedbi:

Primjedba nije uvažena. Učenici koji su osnovnu školu završili prema individualnim obrazovnim programima, a nisu prema Nastavnom planu i okvirnom programu, nisu dobili potrebna znanja, vještine i navike za druge škole osim za srednju stručnu školu. Pri tome će u srednjoj stručnoj školi biti na zanimanjima za koja će se izraditi odgovarajući nastavni planovi i programi kojima će se uvažiti njihove individualne sposobnosti i mogućnosti.

55. Član 67.Nedostaje stav (5) , koji glasi:

(5)Bliži propis o kriterijima, sadržaju i načinu polaganje završnog ispita u stručnoj školi donosi Ministarstvo.

Obrazloženje:

Pošto je predlagač , za gimnaziju (član.53. stav (3)) i tehničku i srodnu školu, (član 62. stav (3)) propisao svoju obavezu da polaganje mature uredi pravilnikom, nije dobro ovu materiju ostavljati neuređenu na ovaj način i kod drugih tipova srednjih škola.

Stav predlagača po primjedbi:

Primjedba je uvažena i izvršena korekcija.

56. Član 68. U članu 68. Stav (1) iza riječi „Zakonom“ ,umjesto tačke dodati sljedeći tekst : „, i zakonom o obrt FBiH“, pa stav (1) ovog člana glasi:

(1) Učenici stručne škole mogu se dalje obrazovati za sticanje majstorskog zvanja u odgovarajućoj stručnoj školi koja ispunjava uslove za to obrazovanje u skladu sa ovim zakonom i zakonom o obrtu FBiH.

Obrazloženje :

Zako o obrtu FBiH reguliše uslove sticanja majstorskog ispita .

Stav predlagača po primjedbi:

Primjedba nije uvažena, jer je ista definisana Nastavnim planom i programom te Pravilnikom koji donosi Ministarstvo.

57. Član 69. stav (2) Ovaj stav je neprecizan i treba da glasi:

(2) Praktična nastava se izvodi pod stručnim nadzorom srednje škole u privrednim društvima , ustanovama ili kod obrtnika ako imaju odgovarajuću svremenu opremu, tehničko-tehnološka sredstva i stručni kadar odgovarajućeg usmjerenja i stepena stručne spreme i potrebnog radnog iskustva i druge odgovarajuće uslove u skladu sa nastavnim planom.

Obrazloženje:

Potrebno je precizirati sve uslove za realizaciju praktične nastave van škole

Isto se zahtijva i za član 59. stav (2) ovog nacrtu zakona , koji se odnosi na izvođenje praktične nastave u tehničkoj i srodnoj školi.

Stav predlagača po primjedbi:

Primjedba nije uvažena, jer je ista definisana Nastavnim planom i programom.

58. Član 69. stav (3) Mijenja se i glasi: (3) Uslove, oblike, metode , postupke i fond časova izvođenja praktične nastave, propisuje Ministarstvo posebnim pravilnikom, na osnovu koga srednje škole ugovorom sa privrednim društvima, ustanovama i obrtnicima regulišu izvođenje praktične nastave.

Obrazloženje: (kao i za član 59. stav (3) ovog nacrtu zakona koji se odnosi na srednje tehničke i srodne škole).

Potrebno je da Ministarstvo, kao nadležan upravni organ, sačini predmetni pravilnik za sve škole, na osnovu koga bi srednje škole pojedinačno zaključivale ugovore sa pojedinim privrednim društvima, ustanovama i obrtnicima. Ukoliko se to bude prepustilo školama vjerujem da će biti veoma velikih razika u shvaćanju i realizaciji ove oblasti.

Stav predlagača po primjedbi:

Primjedba nije uvažena, jer je ista definisana Nastavnim planom i programom.

59. Član 70. stav (2) (kao i za član 60. Stav (2) ovog nacrtu zakona koji se odnosi na srednje tehničke i srodne škole). Mijenja se i glasi :

(2) Uslove, oblike, metode , postupke i fond časova izvođenja ferijalne prakse , propisuje Ministarstvo posebnim pravilnikom, na osnovu koga srednje škole ugovorom sa privrednim društvima, ustanovama i obrtnicima regulišu škola i drugi zainteresovani subjekt.

Obrazloženje :

Iz svoje nadležnosti Ministarstvo uređuje posebnim aktom ovu oblast, na osnovu kojeg će škole potpisivati ugovore sa zainteresovanim subjektom. Osnovna načela, principe i norme za organizovanje ferijalne prakse propisuje Ministarstvo, a ne škola. Ako se to prepusti srednjoj školi tada ćemo dobiti jednu šarolikost u pristupu ovoj oblasti od strane srednjih škola.

Odjeljak E – Specijalne srednje škole - Ovaj naziv se mijenja i glasi:

Osjeļjak E – Srednja škola za učenike sa posebnim obrazovnim potrebama

Stav predlaęaća po primjedbi:

Primjedba je uvaęena, izvršene korekcije.

60. Član 72. U članu 72. , 73. i svim drugim članovima , izraz „specijalna srednja škola“ treba zamijeniti tekstem :“Srednja škola za učenike sa posebnim obrazovnim potrebama“.

Obrazloęenje:

Kao za član 4. Ovog nacрта zakona.(Vidi obrazloęenje).

Stav predlaęaća po primjedbi:

Primjedba je uvaęena, izvršene korekcije.

61. Član 72. ~~NEDOSTAJE stav (4) koji glasi :~~(4)Blięi propis o kriterijima, sadręaju i naćinu upisa u srednju školu sa posebnim obrazovnim potrebama, donosi Ministarstvo.

Stav predlaęaća po primjedbi:

Primjedba je uvaęena, izvršena korekcija.

62. Član 73. ~~NEDOSTAJE stav (4) koji glasi:~~(5)Blięi propis o kriterijima , sadręaju i naćinu polaganje završnog ispita u srednjoj školi sa posebnim obrazovnim potrebama donosi Ministarstvo. (ako je to predviđeno Nastavnim planom i programom).

Stav predlaęaća po primjedbi:

Primjedba je uvaęena, izvršena korekcija.

63. Član 82. stav (3) - upis ućenika U stavu (3) se pominje izraz „Paralelna muzićka škola“, koji NIJE u nacrtu zakona uopće određen, definisan. Šta je to „paralelna muzićka škola“, kada se uopće ne pominje u članu 4. Nacrtu zakona koji govori o tipovima srednjih škola ?

Stav predlaęaća po primjedbi:

Primjedba je uvaęena, izvršena korekcija.

64. Član 83. U članu 83. ~~nedostaje stav (4) koji glasi:~~

(4)Blięi propis o naćinu i uslovima upisa i nastavka obrazovanja i organizaciji i rokovima polaganja dopunskih ispita za ućenike koji nastavljaju obrazovanje, donosi Ministarstvo.

Obrazloęenje:

Ministarstvo je nadležno da utvrdi i donese potrebne podzakonske akte – Pravilnike : a) o naćinu i uslovima upisa i nastavka obrazovanja i b) organizaciji i rokovima polaganja dopunskih ispita za ućenike koji nastavljaju obrazovanje.

Stav predlaęaća po primjedbi:

Primjedba nije uvaęena, jer je isto već definisano u članu 104 Nacrtu zakona.

65. Član 87. U članu 87. ~~dodaje se novi stav (4) koji glasi:~~

(4)Pravilnik o organizovanju, izvođenju i pohađanju nastave za ućenike koji se nalaze na lijećenju u bolnici, donosi Ministarstvo.

Obrazloęenje:

Za ovakav vid obrazovno odgojne aktivnosti, neophodno je da Ministarstvo donese odgovarajući pravilnik, jer se ova materija prvi put uređuje zakonom a i veoma je specifićna.

Stav predlaęaća po primjedbi:

Primjedba je uvaęena, izvršena korekcija.

66. Član 88. ~~Član 88. stav (3) treba brisati i umjesto njega dodati novi tekst koji glasi:~~

(3)Blięe uslove sticanja obrazovanja u smislu stava (1) ovog člana , propisuje Ministarstvo.

Obrazloęenje:

Nije logićno da o materiji koja reguliše istovremeno upisivanje i polaganje srednje škole , kako je određeno u stavu (3), odlučuje škola svojim pravilima. Ponovo se može desiti velika

različitost od škole do škole kako će ova pitanja regulisati. Treba postojati jedinstven pravni akt koji donosi Ministarstvo. U pravilima škole će se ugraditi samo specifičnosti te škole u pogledu npr. zanimanja, zvanja itd.

Stav predlagača po primjedbi:

Primjedba nije uvažena, jer je ista već definisana i postojećim, kao što će biti definisano i novim podzakonskim aktima.

67. Član 94. U članu 94. nedostaje stav (5) koji glasi: (5) Opći uspjeh učenika, koji se obrazuju po modularnim nastavnim planovima i programima, utvrđuje se: nakon svakog završenog modula, na kraju oba polugodišta, a za učenike upućene na popravni ispit poslije obavljenih popravnih ispita.

Obrazloženje:

Prema dosadašnjoj pedagoškoj praksi i standardima realizacije modularnih nastavnih planova i programa, propisano je da se nakon svakog završenog modula zaključuju učenicima ocjene, što treba biti i u buduću. Takođe, ovim učenicima se zaključuju ocjene na polugodištima i na kraju poslije popravnih ispita.

Stav predlagača po primjedbi:

Primjedba nije uvažena, jer je ista već definisana postojećim kao što će biti definisano i novim podzakonskim aktima.

68. Član 95. stav (4) treba dopuniti tako što poslije riječi „dana“ dodamo zarez i tekst : „od dana prijema prigovora“, pa stav (4) glasi: (4) Nastavničko vijeće dužno je da u roku od tri dana od dana prijema prigovora donese odluku o prigovoru.

Stav predlagača po primjedbi:

Primjedba je uvažena, izvršena korekcija.

69. Član 95. stav (5) treba dopuniti tako što poslije riječi „dana“ dodamo zarez i tekst ; „od usvajanja prigovora“, pa stav (5) glasi: (5) Ako nastavničko vijeće usvoji prigovor, obrazovat će komisiju koja će provjeriti znanje učenika u roku od dva dana od usvajanja prigovora.

Obrazloženje:

Treba precizirati određenje rokova nakon izvršene određene proceduralne radnje (predaja prigovora, donošenje odluke o prigovoru, obrazovanje komisije nakon usvajanja prigovora).

Stav predlagača po primjedbi:

Primjedba je uvažena, izvršena korekcija.

70. Član 98. Dodati stav (4) koji glasi: (4) Pravilnik o ocjenjivanju vladanja učenika donosi Ministarstvo.

Stav predlagača po primjedbi:

Primjedba nije uvažena, jer takav akt u školi nikada nije ni bio predmetom razmatranja odnosno donošenja od strane Ministarstva.

71. Član 99. U članu 99. briše se stav (2) i novi stav (2) glasi: (2) Način bržeg napredovanja, odnosno završetka dva razreda u toku jedne školske godine, reguliše se pravilnikom koga donosi Ministarstvo.

Obrazloženje:

Nemoguće je školi dati te ovlasti, da svaka škola sa svojim školskim odborom, svaka za sebe i na svoj način donosi Pravilnik o načinu bržeg napredovanja, odnosno završetka dva razreda u toku jedne godine. Dobićemo još jedan partikularizam u aktima koji regulišu određene situacije u obrazovanju. Ministarstvo je to koje je jedino nadležno da donosi ovakav pravilnik, jer on zadire i u sferu pravnog položaja učenika. Škole nemaju taj kapacitet jer će se sigurno pojaviti desetine verzija iste problematike na možda čak i na dijametralno suprotan način!

Stav predlagača po primjedbi:

Primjedba nije uvažena, jer će se navedeno pitanje bliže riješiti Pravilima škole, a ne pravilnikom. Tim prije što je riječ o izuzecima, a ne pravilu u našim školama.

72. Član 100.stav (1) U članu 100.stav (1) iza riječi „svjedodžbu“ treba staviti tačku. Riječ „učeniku“ početi sa velikim slovom.

Treba razmisliti o dodatku diplome, za učenike srednje škole koji završe obrazovanje, a naročito za one učenike koji realizuju nastavu po modularnim nastavnim programima, u kojem bi bili podaci o stručnim kompetencijama.

Stav predlagača po primjedbi:

Primjedba je uvažena, izvršena korekcija.

73. Član 104. Umjesto (Dopunski i razredni ispiti) Treba promijeniti u : (Vrste ispita u srednjoj školi)

Stav predlagača po primjedbi:

Primjedba nije uvažena, navedeno pitanje će biti definisano podzakonskim aktima.

74. Član 104. Stav (1) U članu 104 stav (1) treba mijenjati i on bi glasio:(1)Učenik može polagati dopunski, razredni, popravni, maturski i završni ispit.

Obrazloženje:

Ovo su sve vrste ispita koje polaže učenik pa ih treba unijeti u navedeni stav. Takođe u narednom dijelu teksta u stavu (1), treba definisati šta su : popravni, maturski i završni ispiti.

Stav predlagača po primjedbi:

Primjedba nije uvažena, navedeno pitanje će biti definisano podzakonskim aktima.

75. Član 107. Stav (2) treba dopuniti i glasio bi:(2)Učenik, odnosno njegov roditelj, protiv odgojno-disciplinske mjere: ukor nastavničkog vijeća ili isključenje iz škole, može izjaviti žalbu školskom odboru u roku od 3 dana od dana prijema rješenja.Pravilnik o žalbenom postupku donosi ministarstvo.

Obrazloženje:

Neophodno je propisati žalbeni rok za navedene ocjene iz vladanja. Ministarstvo je nadležno za to.

Stav predlagača po primjedbi:

Primjedba nije uvažena,navedeno pitanje se bliže definiše aktima škole.

76. Član 109. Stav (5)Tekst ovog stava ne govori o „**pravima i obavezama roditelja**“. Prije bi to mogla biti informacija za roditelje. **Ovaj stav se treba brisati.**

Stav predlagača po primjedbi:

Primjedba nije uvažena, jer se stav (5), odnosi na prava roditelja.

77. Član 111. Stav (4) U četvrtom redu stava (4) iza riječi : „**najmanje**“ umjesto riječi:“**četiri**“ treba da stoji riječ :“**tri**“ a ostali dio teksta ostaje isti.

Obrazloženje:

(Studij po bolonjskom procesu, u trajanju od tri godine ima 180ECTS, odnosno stručno zvanje bachelor.

Stav predlagača po primjedbi:

Primjedba je uvažena, izvršena korekcija.

78. Član 111.stav (3) mijenja se i glasi:(3)U srednjim tehničkim i srodnim školama programske sadržaje općeobrazovnih nastavnih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne spremne ili najmanje I (prvim) ciklusom odgovarajućeg studija visokog obrazovanja u trajanju od najmanje četiri godine (240 ECTS bodova) bolonjskog studija, koja su stekla akademsku

titulu odnosno stručno zvanje bachelor ili ekvivalenta za određenu oblast, kao i oni sa najmanje II (drugim) ciklusom odgovarajućeg studija visokog obrazovanja u trajanju od jedne godine (60 ECTS bodova) ili dvije godine (120 ECTS bodova) - ukupno (300 ECTS bodova) bolonjskog studija, sa bodovima prvog ciklusa, koja su stekla akademsku titulu i zvanje magistra ili ekvivalenta za određenu oblast.

Stav predlagača po primjedbi:

Primjedba nije uvažena. Stav 3 jasno definiše navedeno pitanje.

79. Član 111. stav (5) mijenja se i glasi: (5) U srednjim tehničkim i srodnim školama programske sadržaje stručno-teorijskih predmeta mogu realizovati nastavnici koji su završili odgovarajuće fakultete koji obrazuju nastavnike najmanje VII stepena stručne sprema i dopunsko psihološko-pedagoško i metodičko obrazovanje stečeno na fakultetu koji obrazuje nastavnike ili najmanje I (prvim) ciklusom odgovarajućeg studija visokog obrazovanja u trajanju od najmanje četiri godine (240 ECTS bodova) bolonjskog studija, koja su stekla akademsku titulu, odnosno stručno zvanje bachelor ili ekvivalenta za određenu oblast i dopunsko psihološko-pedagoško i metodičko obrazovanje stečeno na fakultetu koji obrazuje nastavnike, kao i oni sa najmanje II (drugim) ciklusom odgovarajućeg studija visokog obrazovanja u trajanju od jedne godine (60 ECTS bodova) ili dvije godine (120 ECTS bodova) - ukupno (300 ECTS bodova) bolonjskog studija, sa bodovima prvog ciklusa, koja su stekla akademsku titulu i zvanje magistra ili ekvivalenta za određenu oblast.

Obrazloženje za član 111. Stav (3 i 5)

Pošto se radi o tehničkim i srodnim školama, neophodno je, s obzirom na zahtjeve nastavnih planova i programa za te škole, omogućiti da općeobrazovnu i stručno-teorijsku nastavu mogu izvoditi i osobe sa završenim najmanje II (drugim) ciklusom odgovarajućeg studija visokog obrazovanja u trajanju od jedne godine (60 ECTS bodova) ili dvije godine (120 ECTS bodova) - ukupno (300 ECTS bodova) bolonjskog studija, sa bodovima prvog ciklusa, koja su stekla akademsku titulu i zvanje magistra ili ekvivalenta za određenu oblast.

Poznato je da su to škole koje obrazuju učenike IV stepena stručnosti i da im i ovi kadrovi mogu izvoditi nastavu. To je u skladu sa cjeloživotnim učenjem, većim mogućnostima da ljudi dođu do radnog odnosa i do primjene tržišnog principa i konkurencije kadrova sa završenim obrazovanjima po bolonjskom studiju.

Stav predlagača po primjedbi:

Primjedba nije uvažena, stavovi (3) i (5), jasno definišu navedeno pitanje.

80. Član 111., stav (13) U članu 111. stav (13) brisati „i“ te iza broja (2) staviti zarez i dodati brojeve: (3), (4), (5), (6), (7), i (8). a dalji dio teksta ostaje isti.

Obrazloženje:

Bez obzira o kojem tipu srednje škole se radilo može doći do sporova u vezi sa stručnom spremom kod bilo kojeg tipa srednje škole, te bi na taj način svi tipovi srednjih škola bili izjednačeni u pogledu „traženja rješenja eventualnih spornih situacija“, vezanih za stručnu spremu, što je u nadležnosti Ministarstva.

Stav predlagača po primjedbi:

Primjedba je djelimično uvažena, izvršene korekcije.

81. Član 116. (zapošljavanje u školi) U stavu (1) ovog člana, na kraju rečenice, umjesto tačke staviti zarez i dodati sljedeći tekst: „za svaki čas preko norme iz svih nastavnih predmeta i za svaki sat preko norme za nenastavne poslove“, i na kraju se stavlja tačka, pa bi član 116. stav (1) glasio:

(1) Škola čiji je osnivač Skupština Kantona je dužna u skladu sa Nastavnim planom i programom, odnosno Pedagoškim standardima, da dostavi Ministarstvu podatke o potrebama za popunom upražnjenih radnih mjesta za svaki čas preko norme iz svih nastavnih predmeta i za svaki sat preko norme za nenastavne poslove u školi.

Obrazloženje:

Isto kao za član 50. Stav (3) – Vidi obrazloženje tog člana.

Stav predlagača po primjedbi:

Primjedba nije uvažena, jer u specifičnim situacijama aktuelne obrazovne prakse, nastavnik može imati čas preko nastavne norme u skladu sa Pedagoškim standardima.

82. Član 116. stav (2). U članu 116. stav (2) u trećem redu, iza riječi :“škole“ dodati : “na prijedlog direktora škole“, a ostali dio teksta ostaje isti.

Obrazloženje:

Direktor škole predlaže školskom odboru i Ministarstvu plan potreba za kadrovima.

Stav predlagača po primjedbi:

Primjedba nije uvažena, jer direktor daje prijedlog školskom odboru za raspisivanje konkursa svakako.

83. Član 128. nedostaje stav (4), koji glasi: (4) Pravilnik o osposobljavanju pripravnika za samostalan obrazovno-odgojni rad donosi Ministarstvo.

Obrazloženje

Ministarstvo je nadležno za ovaj pravilnik.

Stav predlagača po primjedbi:

Primjedba nije uvažena, jer je navedeno pitanje već definisano u članu 128. stav (2).

84. Član 136. S obzirom da svi radnici srednje škole NISU članovi Nastavničkog vijeća, u stavu (1) i (5) treba predvidjeti da, prilikom izbora članova Školskog odbora iz reda radnika bude održana zajednička sjednica Nastavničkog vijeća i Sindikata škole, na kojoj će se izabrati članovi Školskog odbora iz reda radnika škole, odnosno da to bude na sjednici SVIH zaposlenih u školi.

Stav predlagača po primjedbi:

Primjedba je djelimično uvažena, izvršena korekcija.

85. Član 137. U stavu (2) tačka b) i tačka r) je skoro identična (izbor i imenovanje direktora škole), pa bi jednu od ove dvije tačke trebalo izbrisati ili prekomponovati u jednu tačku.

Stav predlagača po primjedbi:

Primjedba je uvažena, izvršena korekcija.

86. Član 138. (Rad školskog odbora) Stav (2) člana 138. je diskutabilan. O čemu se radi: Školski odbor broji 5 članova. Prema odredbi iz stava (2), kako je predlagač predvidio, odluka školskog odbora je valjana ako za nju glasa većina od ukupnog broja prisutnih članova. Pretpostavimo da na sjednicu Školskog odbora dođu 3 člana Školskog odbora (što predstavlja većinu od ukupnog broja članova Školskog odbora) i na toj sjednici se donose odluke. Prema ovoj predviđenoj odredbi, ako za neku odluku glasaju 2 člana Školskog odbora, to je većina od ukupnog broja prisutnih članova Školskog odbora i ta bi odluka bila valjana! Međutim 2 člana od ukupnog broja članova Školskog odbora nisu i ne mogu biti većina! To je nekvalitetna pa i nefer odluka i na ovaj se način može sumnjati i na eventualnu manipulaciju prilikom donošenja takve odluke na sjednici Školskog odbora pod tim uslovima. Da bi se izbjegla teorijska mogućnost da 2 člana Školskog odbora, od ukupno 5 članova Školskog odbora donesu „valjanu“ odluku, potrebno je ozakoniti način i većinu za donošenje odluke koja bi valjana (da bar za takvu odluku od 5 članova Školskog odbora donesu najmanje 3 člana školskog odbora.).

Predlažem sljedeće rješenje, pa bi stav (2) člana 138. Nacrta zakona glasio:

(2) Odluke školskog odbora su valjane, ako na sjednici prisustvuje najmanje 4 člana Školskog odbora, i da za nju glasa većina od ukupnog broja prisutnih članova Školskog odbora, ili

(2) Odluke školskog odbora su valjane ako za njih glasa najmanje 3 člana, od ukupnog broja članova školskog odbora)

U ovom slučaju većina od 4 člana Školskog odbora je 3, te bi takva odluka imala smisla i predstavljala bi i većinu od ukupnog broja članova Školskog odbora a i većinu od ukupnog broja prisutnih. Ili Potrebna su 3 člana da donesu valjanu odluku na školskom odboru.

Stav predlagača po primjedbi:

Primjedba nije uvažena, a sva ova pitanja se dodatno uređuju posebnim pravilnikom.

87. Član 141. Stavovi (2) i (3) člana 141., po svom sadržaju ne pripadaju samom predmetu člana 141. jer se radi o Komisiji, koja nije uslov za obavljanje poslova direktora škole, odnosno o sastavu komisije i njenom radu.

Ova dva stava treba izdvojiti i oformiti i formulisati jedan novi član ovog zakona, npr. član 141a. dok bi u sastavu člana 141. ostali stav (1) tačka a); b); stavovi : 4, 5, 6, 7, 8, 9, 10, 11, 12.

Takođe u članu 141. u stavu (2) se govori da Komisija za obrazovanje ima pet članova. Međutim zbrajanjem se dobije da je to 6 članova. Međutim, iza riječi : „članova“ umjesto tačke staviti dvotačku : i treba brisati riječi iz stava (2) „jedan predsjednik“, te bi se dobio smisao ove odredbe, a na kraju ovog stava iza riječi „ministra“ umjesto tačke staviti zarez i dodati riječi, „od kojih je jedan predsjednik“.

Stav predlagača po primjedbi:

Primjedba nije uvažena, jer je predmetno pitanje već bilo sadržano u posljednjim izmjenama i dopunama važećih obrazovnih zakona i od strane Skupštine Kantona, (uz završenu odgovarajuću zakonsku proceduru), definisano kao stav.

88. Član 141. U članu 141. stav (8) iza riječi : „zakonitosti“ dodati riječ : „konkurentnosti“, dok ostali dio teksta ostaje nepromijenjen.

Stav predlagača po primjedbi:

Primjedba nije uvažena, jer je u stavu (9), pitanje jasno definisano.

89. Član 142. stav (2) tačka (v) mijenja se i glasi: (v) odgovoran je za izvršenje uputstava, upozorenje i instrukcija Ministarstva, zapisnika i Rješenja Inspekcije za oblast obrazovanja i Inspekcije rada, i u slučaju neprimjerenog ponašanja nastavnika, stručnih saradnika, i drugih radnika i njihovog negativnog uticaja na učenike i ostale radnike škole, kao i za neizvršavanje
Obrazloženje

Da bi se izbjegao neodgovoran odnos direktora prema institucijama Ministarstva, Inspekcije za oblast obrazovanja i Inspekcije rada, neophodno je usvojiti one odredbe koje su bitne za obavezu direktora da sprovede uputstva, upozorenja, instrukcije, Rješenja itd. od strane Ministarstva, Inspekcije za oblast obrazovanja i Inspekcije rada.

Prema predloženom tekstu, a u kontekstu ove tačke, ispada da je direktor odgovoran Inspekciji za obrazovanje, samo u slučajevima neprimjerenog ponašanja nastavnika, dok, po predloženom tekstu nije odgovoran za izvršenje odluka, Rješenja i zapisnika Inspekcije za obrazovanje.

Stav predlagača po primjedbi:

Primjedba nije uvažena, jer je navedeno pitanje jasno definisano u navedenom članu.

90. Član 143. U stavu (1) ovog člana je konstatovano da se direktor postavlja rješenjem, dok u stavu (3) se govori o zaključivanju ugovora o radu iz stava (1). Da li je u pitanju omaška ili će direktor zaključivati ugovor o radu i s kim? Osnivač škole je Skupština Zeničko-dobojskog kantona a poslodavac je škola. S kim će direktor potpisati ugovor o radu? Ako potpiše ugovor o radu sa osnivačem, tada bi trebao biti državni službenik. Školski odbor nije poslodavac pa je dilema oko potpisivanja ugovora o radu direktora i ...?

Stav predlagača po primjedbi:

Primjedba nije uvažena, jer je predmetnim članom Zakona decidno definisano svako od ovih pitanja. Tim prije što svi kandidati za direktora škole, dolaze iz reda nastavnika i stručnih saradnika, dakle na funkciju na koju se postavlja rješenjem, dok će sva pitanja iz radnog

odnosa imenovanog kandidata za direktora škole, na njegov zahtjev mirovati do prestanka mandata, u skladu sa članom 143. stavovi (2) i (7), ovog zakona.

91. Član 149. Potrebno je regulisati način donošenja odluka na Nastavničkom vijeću. Da li će to biti većina od ukupnog broja prisutnih članova Nastavničkog vijeća ili neko drugo rješenje.

Treba dodati nove stavove (3) i (4) koji bi glasili:

(3) Nastavničko vijeće donosi odluke aklamacijom. Odluka je valjana ako za nju glasa većina prisutnih, s tim da sjednici Nastavničkog vijeća treba prisustvovati nadpolovična većina od ukupnog broja članova Nastavničkog vijeća.

(4) Nastavničko vijeće može određene odluke donosti tajnim glasanjem što će se regulisati Pravilima škole.

Obrazloženje:

Potrebno je odrediti način donošenja odluka na Nastavničkom vijeću.

Postoje sličajevi kada se članovi Nastavničkog vijeća izjašnjavaju tajnim glasanjem (npr. izbor predstavnika nastavnika u Školski odbor; glasanje o predloženim kandidatima za izbor direktora škole itd.).

Stav predlagača po primjedbi:

Primjedba nije uvažena, navedeno pitanje se definiše aktima škole.

92. Član 170. U članu 170. Stav (1) tačka f) broj 130 se mijenja **brojem 103**. Ostali dio teksta ostaje isti.

U članu 170. stav (1) tačka (h) riječ : „dvije“ mijenja se sa: „četiri“, broj 129. se mijenja brojem 130.

U članu 170. dodaju se tačke : i) i j), koje glase:

i) ako direktor škole ne dostavi Ministarstvu tačne podatke o potrebama za popunom upražnjenih radnih mjesta za svaki čas preko norme iz svih nastavnih predmeta i za svaki sat preko norme za nenastavne poslove prilikom raspisivanja konkursa, u skladu sa Nastavnim planom i programom, odnosno Pedagoškim standardima, u skladu sa (članom 116. Stav (1) ovog zakona),

j) ako direktor škole ne izvrši uputstava, upozorenje i instrukcija Ministarstva, zapisnike i Rješenja, odluke i zapisnike Inspekcije za oblast obrazovanja i inspekcije rada, kao i Inspekcije za oblast obrazovanja u slučaju neprimjerenog ponašanja nastavnika, stručnih saradnika, i drugih radnika i njihovog negativnog uticaja na učenike i ostale radnike škole; u skladu sa (članom 142. stav (2) tačka (v) ovog zakona.

Obrazloženje (član 170. Stav: i) i (j)

Ovo su ozbiljni propusti a nisu bili obuhvaćeni nacrtom zakona.

Stav predlagača po primjedbi:

Primjedba je djelimično uvažena, izvršena korekcija.

93. Član 173. Član 173. Stav (2) mijenja se i glasi: (2) Ministarstvo će u roku do 6 mjeseci od dana stupanja na snagu zakona, donijeti potrebne podzakonske akte, i to:

Obrazloženje: Pošto je ovo najbitniji Zakon za oblast srednjeg obrazovanja, ne bi se smjelo odugovlačiti sa podzakonskim aktima. Stoga Ministarstvu treba dati što kraći rok za navedene podzakonske akte, je ovaj zakon se neće moći provoditi bez njih. Nedavno smo imali probijanje svih rokova za podzakonske akte Zakona o obrazovanju odraslih.

Stav predlagača po primjedbi:

Primjedba nije uvažena, u članu 173. stav (2) navedeno je sukcesivno donošenje podzakonskih akata, jer je 6 mjeseci kratak rok za navedeni broj podzakonskih akata. Ministarstvo će se potruditi da ubrza proceduru donošenja ovih akata.

94. Član 172. i 173. Potrebno je preciznije pregledati liste podzakonskih akata koje je Ministarstvo obavezno donijeti i uskladiti sa odredbama ovog zakona, jer mislim da u članu 172. i 173. Nisu pobrojani svi potrebni podzakonski akti, koji se nalaze u samom tekstu Zakona.

Stav predlagača po primjedbi:

Primjedba je uvažena, izvršen je uvid u nabrojane podzakonske akte.

Katolički školski centar „Sveti Pavao” Zenica

1. U članku 1. u stavku (2) poslije riječi „i na srednje škole koje” treba dodati: „nisu u državnom vlasništvu a koje” i zadržati ostatak te rečenice.

Stav predlagača po primjedbi:

Primjedba nije uvažena, jer se predmetni član Zakona odnosi generalno na sva pitanja od značaja za uređivanje djelatnosti srednjeg obrazovanja i odgoja na području Kantona, neovisno o osnivaču srednje škole.

2. U članku 3. u stavku (1) poslije alineje s) dodati novu alineju t) koja glasi: „U katoličkom školskom centru organ rukovođenja je ravnatelj centra”: Sve ostale alineje se pomjeraju zajedno slovo prema abecedi.

Stav predlagača po primjedbi:

Primjedba nije uvažena, jer će se prilikom objavljivanja teksta Zakona, isti objaviti jednakopravno na oba jezika, uz adekvatnu lektorsku obradu.

3. U članku 3. u alineji ab) treba dodati još jednu rečenicu koja glasi: „Nastavni plan i program za škole koje je osnovala vjerska zajednica odnosno crkva donosi osnivač i isti dostavlja na uvid Ministarstvu”.

Stav predlagača po primjedbi:

Primjedba nije uvažena, jer pojmovnik obuhvata ključne pojmove koji su istovjetni za cjelokupni odgojno-obrazovni sistem na području Zeničko-dobojskog kantona.

4. U članku 7. u stavku (3) u prvom redu treba izbrisati riječ „njegovog” i dodati riječi: 5. „pojedinačnog i zajedničkog” a ostatak rečenice ostaje isti a na kraju tog stavka treba i) izbrisati „točku” i dodati sljedeće riječi: „a bez ugrožavanja prava i interesa ostalih učenika”.

Stav predlagača po primjedbi:

Primjedba je uvažena i korekcija je izvršena.

5. U istom članku 7. u stavku (10) veznik „ili” treba zamijeniti sa veznikom „i”.

Stav predlagača po primjedbi:

Primjedba nije uvažena, jer je riječ o osobnim stavovima učenika srednjih škola koji tokom školovanja stiču i punoljetstvo čime se stvaraju pretpostavke i za mogućnosti drugačijih stajališta u odnosu na stajališta njihovih roditelja.

6. U istom članku 7. u stavku (11) treba izbrisati zadnju „točku” i dopisati sljedeće riječi: „sukladno važećim zakonskim normama u državnim školama i specifičnostima koje imaju škole čiji je osnivač vjerska zajednica odnosno crkva.”

Stav predlagača po primjedbi:

Primjedba nije uvažena, jer se posebnim aktom definišu, odnosno mogu definisati sve specifičnosti za škole kojima nije osnivač Zeničko – dobojski kanton.

7. U istom članku 7. u stavku (12) treba izbrisati riječi „ne žele pohađati” i staviti riječi „ne pohađaju”.

Stav predlagača po primjedbi:

Primjedba nije uvažena, jer formulacija zahtjeva ne utiče na suštinu zakonskog rješenja.



8. U članku 11. u stavku (2) na kraju treba dodati rečenicu: „Za škole koje je osnovala vjerska zajednica ili crkva navedeno odobrenje donosi osnivač”.

Stav predlagača po primjedbi:

Primjedba nije uvažena, za sva odobrenja vezana za primjenu nastavnih planova i programa je nadležno Ministarstvo.

9. U članku 15. nakon stavka (3) treba dodati novi stavak (4) koji glasi: „Pedagoški standardi i Normativi mogu biti prilagođeni specifičnostima škola koje nisu u državnom vlasništvu a koje zadovoljavaju javni interes”. Dosadašnji stavak (4) time bi postao stavak (5).

Stav predlagača po primjedbi:

Primjedba nije uvažena, jer je navedeno pitanje već definisano ovim zakonom.

10. U članku 21. nakon stavka (1) treba dodati novi stavak (2) koji glasi: „Srednja škola čiji je osnivač Vrhbosanska nadbiskupija udružuje se prema zahtjevu i pravilima osnivača s nekim drugim srednjim ili osnovnim školama koje je osnovala ista institucija u katolički školski centar, s tim da svaka škola zadržava svojstvo pravnog lica.

Stav predlagača po primjedbi:

Primjedba nije uvažena, jer se navedeno pitanje udruživanja srednjih škola kojima osnivač nije Skupština Kantona, ne definiše ovim zakonom.

11. U članku 31. u stavku (4) treba izbrisati riječ: „vjerskim” i treba dodati riječi: „školama koje je osnovala vjerska zajednica ili crkva”. Na kraju tog stavka treba dodati rečenicu: „Sadržaj i obujam specifičnih sadržaja iz stavka 1. ovog članka u navedenim školama određuje osnivač”.

Stav predlagača po primjedbi:

Primjedba nije uvažena, jer se i za privatne škole, (koje također obavljaju djelatnost od javnog interesa), Zakonom utvrđuje procenat dozvoljenog odstupanja u odnosu na utvrđeni nastavni plan i program.

12. U članku 35. treba dodati novi stavak (3) koji glasi: „Nastavni plan i program za školu koju je osnovala vjerska zajednica odnosno crkva donosi osnivač na temelju zajedničke jezgre nastavnih planova i programa u Bosni i Hercegovini i iste dostavlja na uvid Ministarstvu”.

Stav predlagača po primjedbi:

Primjedba nije uvažena, jer je navedeno pitanje definisano zakonom.

13. U članku 39. treba dodati novi stavak (5) koji glasi: „Ukoliko je osnivač škole vjerska zajednica odnosno crkva, nastavni kalendar sa pripadajućim odmorima za učenike za svaku školsku godinu donosi osnivač i isti dostavlja na uvid Ministarstvu”. Dosadašnji stavci 5., 6. i 7. postaju stavci 6., 7. i 8.

Stav predlagača po primjedbi:

Primjedba nije uvažena, jer član 39 stav (4), nije isključiv, i navodi načelno, dakle „u pravilu“, završetak prvog polugodišta.

14. U članku 46. u stavku (2) treba izbrisati „točku” i dodati riječi: „a za škole koje nisu u državnom vlasništvu vrijede i pravila koje je odredio osnivač”.

Stav predlagača po primjedbi:

Primjedba nije uvažena, ministarstvo je odgovorno za donošenje pravila i sprovođenje istih za sve tipove škole.

15. U članku 49. treba dodati novi stavak (2) koji glasi: „Izuzetno, za srednje škole čiji je osnivač vjerska zajednica odnosno crkva školske udžbenike i nastavna sredstva odobrava

osnivač i iste dostavlja na uvid Ministarstvu". Time dosadašnji stavci 2., 3. i 4. postaju stavci 3., 4. i 5.

Stav predlagača po primjedbi:

Primjedba nije uvažena, jer i privatne srednje škole imaju obavezu pribavljanja saglasnosti Ministarstva za primjenu udžbenika, upravo radi zaštite javnog interesa u obavljanju djelatnosti srednjeg obrazovanja i odgoja.

16. U istom članku 49. u dosadašnjem stavku (4) treba izbrisati „točku” na kraju i

i. dodati riječi: „izuzev u situaciji koja je opisana u članku 11. stavak (2)”.

Stav predlagača po primjedbi:

Primjedba nije uvažena, jer je za udžbeničku politiku nadležno Federalno ministarstvo obrazovanja i nauke.

17. U članku 50. treba dodati novi stavak (2) koji glasi: „Srednja škola čiji je osnivač vjerska zajednica odnosno crkva ima pravila/statut i druga akta koji donosi školski odbor uz suglasnost osnivača, te ista obvezno dostavlja na uvid ministru”.

Stav predlagača po primjedbi:

Primjedba nije uvažena, jer sve srednje škole treba da rade na osnovu općih akata odnosno Pravila škola, a ostali interni podzakonski akti donose se na nivou škole uz saglasnost Osnivača. Uvažavajući primjedbnu na član 65. Nacrta zakona koji je pomjeren u član 50., ovaj član je sada član 51.

18. U članku 52. u stavku (3) završnu „točku” treba zamijeniti „zarezm” i dodati riječi: „odnosno osnivač gimnazije koju je osnovala vjerska zajednica odnosno crkva”.

Stav predlagača po primjedbi:

Primjedba nije uvažena, Ministarstvo je odgovorno za donošenje pravila i sprovođenje istih za sve tipove škole. Uvažavajući primjedbnu na član 65. Nacrta zakona koji je pomjeren u član 50., ovaj član je sada član 53.

19. U članku 53. u stavku (3) završnu „točku” treba zamijeniti „zarezm” i dodati riječi: „odnosno osnivač gimnazije koju je osnovala vjerska zajednica odnosno crkva”.

Stav predlagača po primjedbi:

Primjedba nije uvažena, ministarstvo je odgovorno za donošenje pravila i sprovođenje istih za sve tipove škole. Uvažavajući primjedbnu na član 65. Nacrta zakona koji je pomjeren u član 50., ovaj član je sada član 54.

20. U članku 86. treba dodati novi stavak (4) koji glasi: „Škole koje je osnovala vjerska zajednica odnosno crkva može izdavati, odnosno koristiti vlastite obrasce svjedodžbi i uvjerenja koje propisuje osnivač”.

Stav predlagača po primjedbi:

Primjedba nije uvažena jer je evidencija i dokumentacija istovjetna za sve škole na području Zeničko-dobojskog Kantona, što osigurava istovjetnu prohodnost kvalifikacija općeg obrazovanja.

21. U članku 90. treba dodati novi stavak (4) koji glasi: „Škole čiji osnivač nije Skupština ZE-DO kantona mogu internim pravilima regulirati pravo na ponavljanje razreda za svakog učenika ponaosob”.

Stav predlagača po primjedbi:

Primjedba nije uvažena, ponavljanje razreda je istovjetno za sve učenike u srednjim školama na području Zeničko-dobojskog Kantona.

22. U članku 96. treba dodati novi stavak (7) koji glasi: „Pravilnik o izboru učenika generacije u školama koje je osnovala vjerska zajednica odnosno crkva donosi osnivač”.

Stav predlagača po primjedbi:

Primjedba nije uvažena, jer Ministarstvo donosi Pravilnik o izboru učenika generacije, koji je istovjetan za sve srednje škole na području Zeničko-dobojskog Kantona..

23. U članku 100. treba dodati novi stavak (4) koji glasi: „srednja škola kao javna ustanova CIJI je osnivač vjerska zajednica odnosno crkva može izdavati, odnosno koristiti vlastite obrasce svjedodžbi, odnosno diploma koje propisuje osnivač”:

Stav predlagača po primjedbi:

Primjedba nije uvažena jer su javne isprave istovjetne za sve škole na području Zeničko-dobojskog Kantona, što osigurava istovjetnu prohodnost kvalifikacija općeg obrazovanja.

24. U članku 118. u stavku (2) završnu „točku” treba zamijeniti „zarezmom” i dodati riječi:
a. „a te troškove za privatne srednje škole za koje je utvrđeno da djeluju kao javne ustanove i koje su sufinancirane od strane kantona preuzima Ministarstvo”.

Stav predlagača po primjedbi:

Primjedba nije uvažena, privatne škole nisu javne ustanove.

25. U članku 135. treba dodati novi stavak (3) koji glasi: „Organ rukovođenja u katoličkim školskim centrima je ravnatelj centra”.

Stav predlagača po primjedbi:

Primjedba je uvažena, izvršena korekcija.

26. U članku 136. treba dodati novi stavak (7) koji glasi: „predsjednika i članove Školskog odbora srednje škole kao javne ustanove koju je osnovala vjerska zajednica odnosno crkva imenuje i razrješava osnivač odnosno vjerska zajednica ili crkva”. Dosadašnji stavci 7., 8., 9., 10. i 11. postaju stavci 8., 9. 10., 11. i 12.

Stav predlagača po primjedbi:

Primjedba nije uvažena jer se predmetnim odredbama ovog zakona, definiše izbor i imenovanje organ upravljanja javnih obrazovnih ustanova koje imenuje Vlada Kantona u skladu sa Zakonom o ministarskim, vladinim i drugim imenovanjima u FBiH, (koji se odnosi na regulirana tijela u javnim ustanovama u državnoj svojini), i o kojem Ministarstvo donosi Pravilnik o radu Školskog odbora u srednjoj školi, istovjetno za sve javne srednje škole na području Zeničko-dobojskog Kantona. Sva druga pitanja vezana za proceure izbora i imenovanja organa upravljanja, (kao i organa rukovođenja), u privatnim školama, rješava osnivač svojim odlukama, odnosno aktima.

27. U članku 138. treba dodati novi stavak (7) koji glasi: „Pravilnik o formiranju i radu Školskog odbora srednje škole kao javne ustanove koju je osnovala vjerska zajednica odnosno crkva donosi osnivač”.

Stav predlagača po primjedbi:

Primjedba nije uvažena jer Ministarstvo donosi Pravilnik o radu Školskog odbora u srednjoj školi. Koji je istovjetan za sve srednje škole na području Zeničko-dobojskog Kantona.

ZASTUPNICI SKUPŠTINE ZENIČKO-DOBOJSKOG KANTONA

MIDHAT DELIĆ

1. Član 8. zabrana djelovanja političkih stranaka, o tom' sam već govorio u Nacrtu Zakona o osnovnoj školi, isto to sam tad' kazao važi i za ovo. Dakle, odnosi se na mogućnost korištenja prostorija, trebalo bi to precizirat', definirat' jel'.

Stav predlagača po primjedbi:

Primjedba je uvažena i izvršena je korekcija u Prijedlogu Zakona o srednjoj školi član 8, stav (1).

2. Tražim da se opći uspjeh prikazuje brojčanom ocjenom na dvije decimale.

Stav predlagača po primjedbi:

Primjedba se uvažava, izvršena korekcija u Prijedlogu Zakona o srednjoj školi član 96., stav (3).

3. Član 116. stav (3) kad je u pitanju konkurs, o tom' sam takođe već govorio, dakle u Zakonu o osnovnoj školi i ovdje bi trebalo predvidjeti neku mogućnost objave konkursa u elektronskoj formi, da bude dostupan svim zainteresovanima.

Stav predlagača po primjedbi:

Primjedba nije uvažena, definisano je mjesto objave konkursa, a termini su definisani Instrukcijom Ministarstva za svaku školsku godinu.

4. Član 114. govori o ljekarskom pregledu, već sam to govorio u Nacrtu o osnovnoj školi.

Stav predlagača po primjedbi:

Sistematski pregledi podrazumijevaju liječnički pregled za sve radnike u stalnom radnom odnosu po terminu utvrđenom zakonom, a ljekarski pregled se odnosi na radnike koji zasnivaju radni odnos prvi put kao i za ostale radnike po potrebi i to se tiče člana 118. Prijedloga zakona o srednjoj školi .

5. Pitanje se odnosi na član 174. kandidiranje direktora u tekućem mandatu.

Stav predlagača po primjedbi:

Primjedba je uvažena i izvršena je korekcija.

6. Član 9., u članu 9. ovdje je interesantno, a mislim da se i u prethodnom Zakonu spominje prvi i drugi stepen stručne spreme, odnosno da se nakon godinu ili dvije pohađanja, ja ne znam da li je to igdje na području Zeničko-dobojskog kantona zaživjelo, ja, moj neki sud je, ja bi komotno ova dva stava izbacio, dva i tri, ovaj prvi i drugi stepen stručne spreme.

Stav predlagača po primjedbi:

Primjedba nije uvažena, jer se navedeni član i stavovi primjenjuju u praksi.

7. Član 14. stav 1. kaže dugoročnim planom u stavu 1 riječi dugoročnim planom iz člana 12. ovog Zakona. U članu 12. ne spominje se uopšte taj dugoročni plan, vjerovatno se misli na neki drugi član ovog Zakona, pa bi tu trebalo izvršiti određenu ispravku. Dakle, u članu 12. ne spominje se nikako taj dugoročni plan, a poziva se ovaj na njeg'.

Stav predlagača po primjedbi:

Primjedba je uvažena i izvršena je korekcija.

8. Član 20. stav 4.,.... samo da vidim..., ja..., po meni postoje određene nejasnoće kad su u pitanju statusne promjene srednje škole, kaže se statusne promjene srednje škole nemaju uticaja na tekuće mandate organa upravljanja i organa rukovođenja u školi. To se može dvojako tumačiti, pa bi bilo dobro malo to precizirati, član 20., dobro...



Stav predlagača po primjedbi:

Organ upravljanja u školi i organ rukovođenja u školi mogu kvalitetno obavljati poslove i zadatke iz okvira svojih nadležnosti u kontinuitetu mandata na koji su imenovani bez obzira na statusne promjene te im se eventualne statusne promjene srednje škole neće tretirati kao prekid mandata.

9. Član 21. zajednica srednjih škola i takođe i tu mislim da postoje određene nejasnoće oko njihovo statusa i svega što prizilazi iz tog statusa, tako da bi vjerovatno, po mom sudu, bilo dobro da se detaljnije prava, obaveze i sve ostalo.... kad su u pitanju zajednice srednjih škola, mislim da je to dobro da stvar, ovaj..., regulišu jednim posebnim propisom ili uputstvom koji bi donio ministar, to bi bio moj neki prijedlog.

Stav predlagača po primjedbi:

Primjedba nije uvažena, jer je navedeno pitanje već dovoljno definisano Zakonom.

10. Član 39. govori o raspustima, odnosno odmorima, to sam već elaborir'o u Zakonu o osnovnoj školi, ne bi ništa ponavlja'o, dakle ostajem pri tome da, da bi bilo dobro ovaj proljetni odmor ukinuti, a na ime njega produžiti zimski odmor za jednu sedmicu.

Stav predlagača po primjedbi:

Po ovom pitanju vođena je stručna rasprava na Skupštini ZDK od strane podnosioca inicijative, resornog Ministarstva i obrazovnih sindikata nakon čega predmetna inicijativa nije dobila potrebnu većinu, te je ostala pri stavu da je Zakonsko rješenje uvođenja proljetnog raspusta opravdano. Obzirom da prijedlog Zakona sadržava dio inicijative koji se odnosi na pomjeranje korištenja proljetnog raspusta, (sa kraja mjeseca aprila na kraj marta tekuće godine), mišljenja smo da je navedenom izmjenom, u odnosu na prethodna zakonska rješenja, prijedlog djelimično uvažen.

11. U članu 104. govori se o ispitima koji se polažu u srednjoj školi, ovdje su spomenuti samo dopunski i razredni ispit, maturski i popravni nisu spomenuti, u ranijoj verziji zakona oni su spominjani, i svakako da oni postoje u srednjoj školi kao jedna vrsta ispita, ne znam zbog čega su izostavljeni ovdje.

Stav predlagača po primjedbi:

Primjedba nije uvažena, navedeno pitanje je definisano Zakonom.

12. U članu 106., u članu 106. kad je u pitanju izricanje odgojno disciplinskih mjera, mislim da bi se ovaj zadnji dio rečenice mogao malo ljepše formulisati nego kako stoji ovdje, kada se može očekivati i tako dalje, mislim da postoji mogućnost ljepše formulacije. U tom istom članu u stavu 4. stoji da će se bliže odredbe o povredama discipline i tako dalje utvrditi posebnim propisom koji donosi Ministarstvo, s tim što taj propis nije naveden u onom zadnjem članu koji, gdje su nabrojani propisi koje treba donijeti Ministarstvo da bi se omogućila realizacija ovog Zakona, do sad ga nije bilo pa eto ukoliko smatra ministar da treba da stoji neka ostane, al' ostaje onda obaveza Ministarstva da nekad donese propis koji će malo detaljnije regulisati ovu materiju. To je bio član 106., je'l.

Stav predlagača po primjedbi:

Primjedba nije uvažena, jer pomenuti Pravilnik već postoji, a moguće je dodati određene promjene po potrebi.

13. Član 114. ovlaštena zdravstvena ustanova, dakle tu treba zaista povest' računa da ne može svaka ustanova izdavati ljekarsko uvjerenje kad je u pitanju prijem zaposlenika u radni odnos.

Stav predlagača po primjedbi:

Pojašnjenje navedenog pitanja se reguliše potpisivanjem posebnih ugovora.

14. Član 141. nadzor nad radom srednje škole stav 2., druga rečenica, samo trenutak, je po meni neprecizno formulisana, formulisana, član 141. stav 2. onako kako je ovdje formulisano po

ovoj komisiji ispada da ima šest članova, a ne pet kako stoji, trebalo bi ljepše formulisat' tu rečenicu. Dobro.

Stav predlagača po primjedbi:

Primjedba je uvažena, korekcija izvršena.

15. Član 143., radnik škole postavlja se rješenjem, a onda se kaže u stavu 3. spominje se ugovor, terminologija ugovor i rješenje, obratiti pažnju.

Stav predlagača po primjedbi:

Primjedba je uvažena, korekcija izvršena.

16. Član 170. U članu 170. Stav (1) tačka f) broj 130 se mijenja brojem 103. Ostali dio teksta ostaje isti.

U članu 170. stav (1) tačka (h) riječ : „dvije“ mijenja se sa: „četiri“, broj 129. se mijenja brojem 130.

Stav predlagača po primjedbi:

Primjedba je uvažena, korekcija izvršena.

17. Član 170 stav 1 alineja c) Zašto da se kazni škola za nedonošenje Programa rada za tekuću školsku godinu?

Stav predlagača po primjedbi:

Primjedba nije uvažena, jer je navedeno pitanje već definisano Zakonom.

ADEL SINANOVIĆ

1. To je jedna stvar, druga stvar kao što je i prethodnik rek'o član 21. udruživanje srednjih škola, meni ovo baš i nije dobro definisano kroz ovaj Zakon, mislim, buni me da li... imam jedno pitanje da li ćemo, da li će doći udruživanje dvije ili više škola vezano za to što imamo manjak broja učenika, što nam se dešava, pa da nije radi toga da se polahko ne uvodi i taj sistem.

Stav predlagača po primjedbi:

Primjedba nije uvažena, jer svaka škola shodno svojim procjenama donosi odluku o udruživanju srednjih škola.

2. Kad je u pitanju član 111. nasatvnici, stručni saradnici, saradnici i ostali radnici u školi, stav 4. kaže u srednjim stručnim školama programske sadržaje opće obrazovnih nastavnih predmeta mogu realizovati nastavnici koji su završili odgovarajuće fakultete koji obrazuju nastavnike najmanje sedmog stepena stručne spreme ili najmanje prvog ciklusa odgovarajućeg studija visokog obrazovanja u trajanju od najmanje četiri godine, u zagradi 180 ECTS bodova. Mislim da je ovo greška, da četverogodišnji studij, nebitno koji bolonjski ili nema 180 ECTS bodova, oni svi imaju 240, i mislim da da se ovdje provukla jedna greška, a može nam se desiti' da se neko povuče na ovaj Zakon u prijemu, konkursnom prijemu, da kaže ja imam 180 ECTS bodova i želim da budem primljen je'l radi toga.

Stav predlagača po primjedbi:

Primjedba je uvažena, izvršena korekcija.

3. Druga stvar, član 124. broj sati neposrednog obrazovno-odgojnog rada, kroz ovaj član ja nisam primjetio i ne samo kroz ovaj član ni kroz jedan član ovoga Zakona da se igdje spominje mentorstvo, vi imate danas problem da je vrlo teško u školama osnovnim i srednjim da nađete svog mentora, pošto mentor radi besplatno i ima dosta, dosta obaveza kad je u pitanju ovaj rad, i mislim da bi trebalo bar kroz ovaj član znači 124. da negdje definišemo i ovaj pojam mentorstva i da ga uvedemo kroz ovaj Zakon.

Stav predlagača po primjedbi:

Primjedba nije uvažena, jer se navedeni poslovi definišu Pedagoškim standardima.



4. Član 147. pomoćnik direktora škole, stav 3. za pomoćnike direktora škole može se imenovati lice koje ispunjava iste uslove kao i direktor škole. Ja bi ovaj stav 3. promijen'o i stavio da glasi za pomoćnika direktora škole mora se imenovati lice koje ispunjava iste uslove kao i direktor škole, mislim da može se već, i nije mi dobro, dovoljno definisano. Takođe jedan od mojih prijedloga je bio da kroz ovaj član, da pomoćnike direktora, da pri odabiru pomoćnika direktora, pošto se oni biraju na mandat od jednu godinu, da se prednost da u izboru pomoćnika da to budu tehnološki višci unutar tih škola. Vi danas, sutra se sve više suočavamo kad su u pitanju tehnološki višci u u srednjim i osnovnim školama. Ja mislim da ne bi bila loša ideja da prvo im ponudimo da budu pomoćnici direktora jednu godinu jer već narednu možda se ostvari, ovaj, uvjeti da on više ne bude tehnološki višak, a direktor može sam sebi izabrati drugog pomoćnika. I druga stvar, mislim da pomoćnik direktora ima itekako velike odgovornosti i velike ovlasti, a samo je definisano jednim članom, ovim članom 147. u četiri stavke, mislim da se, da je se oko ovoga trebalo malo, malo više pozabaviti.

Stav predlagača po primjedbi:

Primjedba nije uvažena, jer formulacija zahtjeva ne utiče na suštinu zakonskog rješenja.

CCI SARAJEVO

1. Smatramo da Školski odbor kao organ upravljanja mora odražavati približno proporcionalnu strukturu svih partnera u odgojno-obrazovnom procesu, uzimajući u obzir činjenicu da su roditelji najviše zainteresovana strana sa jasnim interesom za visokom kvalitetom obrazovnog procesa i upravljanja školskim sistemom, kojeg oni u najvećem obimu i finansiraju. Zato smatramo da roditelji treba da imaju najveći broj članova u Školskom odboru. S obzirom da je funkcija člana Školskog odbora volonterska i dobrovoljna, povećanje broja članova ne bi proizvodilo nikakve dodatne troškove. Predloženi sistem sa sedam članova Školskog odbora, od kojih su tri člana predstavnici roditelja učenika, je dao pozitivne rezultate u Kantonu Sarajevo, a zbog efikasnosti rada školskog odbora podržavamo donošenje odluka prostom većinom glasova. Ističemo da će CCI zagovarati ovakvo rješenje i u drugim kantonima u Federaciji Bosne i Hercegovine, te u drugim dijelovima naše zemlje.

Stav predlagača po primjedbi:

Primjedba nije uvažena. Uvažavajući razloge za dostavu prijedloga od strane CCI-a, resorno Ministarstvo polazi od činjenice da su reformski procesi u aktuelnoj obrazovnoj praksi na području Zeničko-dobojskog kantona već omogućili decidno naznačenu decentralizaciju i depolitizaciju u svim osnovnim i srednjim školama. Naime, u važećim obrazovnim procesima kao i u samom prijedlogu zakona o osnovnoj/srednjoj školi dodatno su razrađeni članovi zakona koji se, pored zabrane djelovanja političkih stranaka i njihovih podmladaka u školama, već odnose i na članove menadžmenta direktore i pomoćnike direktora koji u procedurama izbora i imenovanja moraju priložiti pisanu i ovjerenu izjavu da nisu članovi organa i tijela političkih stranaka. Pored toga članom 51., stav (3) Okvirnog zakona o osnovnom i srednjem obrazovanju u BiH, decidno je propisano da se članovi školskog odbora biraju iz reda osoblja škole, osnivača, lokalne zajednice i roditelja i to po načelu ravnopravne zastupljenosti predstavnika navedenih struktura. S obzirom na činjenicu da smo u našoj obrazovnoj legislativi, (unutar petočlanog saziva članova školskog odbora), a vođeni upravo načelima i principima autonomije škola i decentralizacije u odlučivanju, svjesno već narušili strukturu zastupljenosti članova školskog odbora u korist organa i tijela škole, *(dva iz reda osoblja i jedan iz reda roditelja)*, koji se biraju tajnim glasanjem na proširenim sjednicama nastavničkih vijeća, odnosno vijeća roditelja, i konačno imenuju od strane Vlade Kantona prema odredbama Zakona o vladinim i ministarskim imenovanjima u Federaciji Bosne i Hercegovine, stajališta smo da bi prihvatanjem prijedloga od strana CCI načelo ravnopravne zastupljenosti struktura bilo značajno i dodatno narušeno, odnosno u znatnoj suprotnosti i odstupanja od citirane odredbe Okvirnog zakona.

OPĆINA KAKANJ

1. **Član 4** – tačka d) pominje se IV stepen u stručnoj školi a obično su stručne škole namijenjene za školovanje kadrova sa III stepenom

Stav predlagača po primjedbi:

Primjedba je uvažena, izvršena korekcija.

2. **Član 7** – stav 5 *nastava u osnovnoj školi* ispraviti u *nastava u srednjoj školi*; stav 7 sadrži konstataciju da je po potrebi u upotrebi i znakovni jezik – primjedba je da škole uglavnom nemaju nastavno osoblje educirano za znakovni jezik i da je Ministarstvo dužno educirati sve nastavnike koji rade u srednjim školama za rad na znakovnom jeziku, možda dodati da je to moguće samo u specijalnoj srednjoj školi; u stavu 12 jasno definisati koji su to alternativni predmeti.

Stav predlagača po primjedbi:

Primjedba je uvažena za stav 5 i izvršena je korekcija. Primjedbe za stavove 7 i 12 nisu uvažene, jer se edukacije nastavnika kontinuirano vrši, pa će se po potrebi organizovati i ova, a alternativni predmet definiše Nastavni plan i program.

3. **Član 11** – stav 4 *dodatna nastava iz maternjeg jezika* promijeniti možda u *fakultativna* jer se dodatna nastava ne piše u svjedodžbi; u stavu 6 treba da stoji iz stava 5 umjesto stava 6.

Stav predlagača po primjedbi:

Primjedba nije uvažena, zbog ugrožavanja prava djeteta.

4. **Član 39** – u stavu 1 da stoji *zimski odmor za učenike srednje škole traje 4 sedmice*, brisati proljetni odmor jednu sedmicu; stav 2 tekst nakon riječi *polugodišta* da se briše; stav 3 brisati; ukinuti proljetni raspust i Sindikat da se pismeno očituje o stavu prema proljetnom raspustu; stav 6 primjedba -škole su odgojne ustanove građanskog tipa i jedino škole vjerskog tipa mogu imati pauzu za džumu, ako naši učenici svaki put odu na džumu za vrijeme nastave bit će neocijenjeni. Naš zakon bi trebao biti što bliži zakonu u Kantonu Sarajevo i što se tiče raspusta i vjerskih praznika.

Stav predlagača po primjedbi:

Po ovom pitanju vođena je stručna rasprava na Skupštini ZDK od strane podnosioca inicijative, resornog Ministarstva i obrazovnih sindikata nakon čega predmetna inicijativa nije dobila potrebnu većinu, te je ostala pri stavu da je Zakonsko rješenje uvođenja proljetnog raspusta opravdano. Obzirom da prijedlog Zakona sadržava dio inicijative koji se odnosi na pomjeranje korištenja proljetnog raspusta, (sa kraja mjeseca aprila na kraj marta tekuće godine), mišljenja smo da je navedenom izmjenom, u odnosu na prethodna zakonska rješenja, prijedlog djelimično uvažen.

5. **Član 45** – stav 6 dodati Poslovnik o radu vijeća učenika;

Stav predlagača po primjedbi:

Primjedba je uvažena, izvršena korekcija.

6. **Član 51** – stav 2 brisati *i obrazovanje odraslih* – vezan za član 88; ne postoji obrazovanje odraslih u gimnaziji.

Stav predlagača po primjedbi:

Primjedba nije uvažena, obrazovanje odraslih postoji i u gimnaziji. Obrazovanje odraslih u gimnaziji definiše Pravilnik o standardima i normativima odraslih član 23 stav (2) („Službene novine Zeničko-dobojskog kantona“ 1/16)

Primjedba za član 88 nije vezana za obrazovanje odraslih već sa istovremeno pohađanje drugog programa. Uvažavajući primjedbu na član 65. Nacrta zakona koji je pomjeren u član 50., ovaj član je sada član 52.

7. **Član 55** – stav 8 zašto samo *kontrabas*, treba dodati još instrumenta.
Stav predlagača po primjedbi:
Primjedba je uvažena, izvršena korekcija, izučavanje svih instrumenata definisat će se Zakonom o obrazovanju odraslih. Uvažavajući primjedbu na član 65. Nacrta zakona koji je pomjeren u član 50., ovaj član je sada član 56.
8. **Član 58** – stav 1 *osnovnu školu* zamijeniti sa *srednju školu*; stav 2 predmeti značajni za *struku*, a ne za *školu*
Stav predlagača po primjedbi:
Primjedba je djelimično uvažena, drugi dio primjedbe nije jasan, u navedenom članu ne postoji dio koji ste naveli. Uvažavajući primjedbu na član 65. Nacrta zakona koji je pomjeren u član 50., ovaj član je sada član 59.
9. **Član 65.** – pominje inkluziju samo u stručnim školama, svjedoci smo da inkluzija, mada je nema na papiru, postoji i u tehničkim školama i u gimnazijama, djeca sa poteškoćama idu i u stručne, i u tehničke škole i u gimnazije pa ne bi bilo loše da u skladu sa zakonom idu u te škole i da se nastavnicima omogući dodatno obrazovanje o postupanju sa djecom sa posebnim potrebama. Ne slažem se ni sa svim stavkama šta je posebna potreba.
Stav predlagača po primjedbi:
Primjedba je uvažena i izvršena je korekcija, odnosno izmijenjen je član 65. u član 50.
10. **Član 66** – stav 1 predmeta relevantnih za *zanimanja* umjesto za *vrstu škole*
Stav predlagača po primjedbi:
Primjedba je djelimično uvažena, izvršena korekcija.
11. **Član 75** – dodati *uz saglasnost Ministarstva*
Stav predlagača po primjedbi:
Primjedba je uvažena, izvršena korekcija.
12. **Član 96** – prosječna ocjena dodati *zaključena na dvije decimale* – prosjek 2,42 je 2 a ne 3 uspjeh
Stav predlagača po primjedbi:
Primjedba se uvažava, izvršena korekcija u Prijedlogu zakona o srednjoj školi.
13. **Član 100** – stav 1 podijeliti na dva stava: stav 1 ...o završenom razredu srednja škola izdaj svjedodžbu uz navođenje općeg uspjeha zaključenog na dvije decimale; stav 2 učeniku koji s uspjehom položi maturalni ispit srednja škola izdaje diplomu o završenom obrazovanju uz navođenju općeg uspjeha na maturalnom odnosno završnom ispitu i srednje ocjene zaokružene na dvije decimale; stavovi 2 i 3 postali bi stavovi 3 i 4.
Stav predlagača po primjedbi:
Primjedba nije uvažena, jer je navedeno pitanje definisano Zakonom.
14. **Član 111** – stavovi 3,4,5,6 izjednačen je VII stepen sa VI stepenom zvanja. Bachelor odgovara zvanju više škole, a master ima rang VII stepena; 4 godine je 240 a ne 180 ECTS bodova; stav 11 -nema *zvanja mentor* po sadašnjem Pravilniku o napredovanju.
Stav predlagača po primjedbi:
Primjedba je uvažena, izvršena korekcija u Prijedlogu Zakona o srednjoj školi.
15. **Član 136** – stav 2 tačka a) VI stepen stručne spreme zamijeniti sa VII stepen stručne spreme jer su svi zaposlenici u osnovnim i srednjim školama sa VII stepenom; dodati tačku d) u stavu 2 -da član školskog odbora iz reda osnivača ne može biti zaposlenik škole u kojoj se imenuje za člana školskog odbora ispred osnivača.
Stav predlagača po primjedbi:

Primjedba je djelomično uvažena i izvršena korekcija.

16. **Član 138** – stav 2 *..od ukupnog broja prisutnih članova zamijeniti sa većina imenovanih članova školskog odbora.*

Stav predlagača po primjedbi:

Primjedba je uvažena i izvršena korekcija.

17. **Član 140** – stav 2 tačka c) brisati i tako tačka d) postaje tačka c), a iza riječi *gimnazije* dodati *srednje tehničke i stručne škole* (kvalifikacija direktora bi u svakoj školi morala biti jednaka VII stepen ili master)

Stav predlagača po primjedbi:

Primjedba nije uvažena, jer je navedeno pitanje definisano Zakonom.

18. **Član 141** – u stavu 7 brisati *u toj srednjoj školi*, ovak stav omogućava profesiju direktora.

Stav predlagača po primjedbi:

Primjedba nije uvažena, navedeno pitanje je definisana Zakonom.

19. **Član 170** – tačka h) treba stojati u skladu sa *članom 130* umjesto *članom 129*, vrednovanje da se vrši da li u 2 ili 4 godine.

Stav predlagača po primjedbi:

Primjedba je uvažena, izvršena korekcija.

20. **Član 46** – uvesti da se sati tokom kojih učenici boravie na ekskurziji numerišu kao što je nekad bilo, i da li se zaista ekskurzije i navedeni oblici rada mogu realizirati samo u okviru radnih dana.

Stav predlagača po primjedbi:

Primjedba nije uvažena, navedeno pitanje će biti definisano Pravilnikom.

21. **Član 50** – stav 3 tačka c) način školovanja učenika sa posebnim obrazovnim potrebama dodati *reguliše Ministarstvo za obrazovanje.*

Stav predlagača po primjedbi:

Primjedba nije uvažena, navedeno pitanje će biti definisano Pravilnikom.

22. **Član 51** – obrazovanje odraslih u gimnaziji, u Sarajevskom kantonu ovakvo obrazovanje postoji u našem ne postoji, da li je napravljen previd ili to znači da i mi uvodimo obrazovanje odraslih u gimnaziji.

Stav predlagača po primjedbi:

Obrazovanje odraslih u gimnaziji definiše Pravilnik o standardima i normativima odraslih član 23 stav (2) („Službene novine Zeničko-dobojskog kantona“ 1/16). Uvažavajući primjedbu na član 65. Nacrta zakona koji je pomjeren u član 50., ovaj član je sada član 52.

23. **Član 88** se veže za član 51 i obrazovanje odraslih

Stav predlagača po primjedbi:

Primjedba nije uvažena, navedeno pitanje se ne odnosi na obrazovanje odraslih, već na istovremeno obrazovanje po programu druge vrste srednje škole.

24. **Član 99** – stav 2 *pravilima srednje škole* mijenja se i glasi *Pravilnikom Ministarstva.*

Stav predlagača po primjedbi:

Primjedba nije uvažena, navedeno pitanje će se riješiti Pravilima škole.

25. **Član 111** – stav 4 mislim da je napravljena greška 4 godine studije je 240 ECTS bodova a ne 180; stav 11 po sadašnjem Pravilniku o napredovanju mi nemamo zvanje mentor.

Stav predlagača po primjedbi:

Primjedba je uvažena, izvršena je korekcija u Prijedlogu zakona.

26. Član 114 – stav 1 tačka c) ...da je zdravstveno sposoban za obavljanje poslova nastavnika i stručnog saradnika, stav 4 stoji da ljekarsko uvjerenje izdaje ovlaštena zdravstvena ustanova- trebalo bi da stoji registrovana zdravstvena institucija - obrazovanje je na kantonalnom nivou pa zato i ljekarsko uvjerenje staviti na nivo kantonalne institucije da to bude jedna institucija, precizirati stroge kriterije ko može ući u razred, odnosno u nastavnički poziv.

Stav predlagača po primjedbi:

Pojašnjenje navedenog pitanja se reguliše potpisivanjem posebnih ugovora.

27. Član 116 – dodati stav u kojem će stajati da se prije raspisivanja konkursa na osnovu objedinjenih podataka riješi tehnološki višak (kao u Kantonu Sarajevo), tehnološki višak rasporediti u najbliže škole da se ne plaća prevoz.

Stav predlagača po primjedbi:

Primjedba nije uvažena, navedeno pitanje je definisano Okvirnim programom o zbrinjavanju tehnološkog viška.

28. Član 118 – stav 5 regulisat će se *Pravilnikom/Aktom Ministarstva* umjesto *Pravilima škole*.

Stav predlagača po primjedbi:

Primjedba nije uvažena. Sistematski pregledi podrazumijevaju liječnički pregled za sve radnike u stalnom radnom odnosu po terminu utvrđenom zakonom, a ljekarski pregled se odnosi na radnike koji zasnivaju radni odnos prvi put kao i za ostale radnike po potrebi.

29. Član 121 – u stavu 6 *Pravilnikom o radu srednje škole* zamijeniti sa *Pravilnikom po disciplinskoj odgovornosti* Ministarstva (kao u stavu 3).

Stav predlagača po primjedbi:

Primjedba je uvažena, izvršena je korekcija u Zakonu.

30. Član 137 – stav 1 ... *na prijedlog Nastavničkog vijeća*... da li bi trebalo da stoji ...*na prijedlog svih zaposlenih u školi*.

Stav predlagača po primjedbi:

Primjedba nije uvažena, komisiji nije jasna primjedba.

31. Član 142 – u stavu 11 tačka a) *Pravilima škole* zamijeniti *Aktom Ministarstva* ili *Pravilnikom o načinu izbora direktora škole*

Stav predlagača po primjedbi:

Primjedba nije uvažena, navedeno pitanje je definisano Zakonom.

32. Član 146 – stav 1 tačka b) u skladu sa *Pravilima škole* zamijeniti sa *Pravilnikom o izboru i razrješenju direktora* (Pravilnik Ministarstva).

Stav predlagača po primjedbi:

Primjedba nije uvažena, jer u navedenom članu ne postoji tačka b.

33. Član 141 – stav 5 brisati *zainteresiranih* i pisati *prisutnih* članova Vijeća roditelja.

Stav predlagača po primjedbi:

Primjedba je uvažena, izvršena korekcija u Zakonu.

34. Član 149 – nema stava koji reguliše donošenje odluka Nastavničkog vijeća ako ne radi u punom sastavu – šta je većina i koji je omjer.

Stav predlagača po primjedbi:

Primjedba nije uvažena, navedeno pitanje se definiše aktima škole.

OPĆINA ZAVIDOVIĆI

AMELA DŽINIĆ

1. Član 116. (Zapošljavanje u srednjoj školi)stav 5. mijenja se i glasi:
Direktor škole obavezan je da traži od nadležne Službe za zapošljavanje Zeničko-dobojskog kantona listu nezaposlenih lica, te da prioritet kod prijema u radni odnos imaju lica koja se najduže nalaze na evidenciji nezaposlenih lica.

Stav predlagača po primjedbi:

Primjedba nije uvažena, navedeno pitanje nije predmet ovog Zakona.

2. Članu 116. stav 11. mijenja se i glasi:Propisom koji donosi Ministarstvo, uz prethodna usaglašavanja sa ovlaštenim predstavnicima obrazovnog sindikata, predstavnicima udruženja građana i predstavnicima lica koja mogu biti izabrana za obavljanje poslova nastavnika, stručnih saradnika i ostalih radnika u školi, bliže se uređuju uslovi, kriteriji i postupak zapošljavanja u školama čiji je osnivač Skupština Kantona.

Stav predlagača po primjedbi:

Primjedba nije uvažena, navedeno pitanje nije predmet ovog Zakona.

OPĆINA BREZA

Adin Begić, Gimnazija „Muhsin Rizvić“

1. Zamolio bih da se inkluzivno obrazovanje posebno treba urediti, da je potrebno nastavne planove i programe izmijeniti.

Stav predlagača po primjedbi:

Primjedba je razmatrana, navedeno pitanje nije predmet Zakona.

2. Također sam protiv proljetnog raspusta isti stav je kao u MSŠ „Mehmedalija Mak Dizdar.

Stav predlagača po primjedbi:

Po ovom pitanju vođena je stručna rasprava na Skupštini ZDK od strane podnosioca inicijative, resornog Ministarstva i obrazovnih sindikata nakon čega predmetna inicijativa nije dobila potrebnu većinu, te je ostala pri stavu da je Zakonsko rješenje uvođenja proljetnog raspusta opravdano. Obzirom da prijedlog Zakona sadržava dio inicijative koji se odnosi na pomjeranje korištenja proljetnog raspusta, (sa kraja mjeseca aprila na kraj marta tekuće godine), mišljenja smo da je navedenom izmjenom, u odnosu na prethodna zakonska rješenja, prijedlog djelimično uvažen.

3. Da li je još uvijek za postojanje jedne škole ključan faktor broj odjeljenja?

Stav predlagača po primjedbi:

Primjedba je razmatrana, navedeno pitanje će biti definisano pedagoškim standardima.

4. Da li je moguće da učenici primjenjuju udžbenike u elektronskom obliku?

Stav predlagača po primjedbi:

Navedeno pitanje nije predmet javne rasprave.

5. Da li je moguće izmijeniti odredbu da se svjedočanstva mogu i elektronski raditi ili uvesti EMIS program?

Stav predlagača po primjedbi:

Navedeno pitanje nije predmet javne rasprave.



OPĆINA OLOVO

Miralem Mehanović

1. Predlažem da u članu 39. stav 1. raspust umjesto tri traje četiri sedmice.

Stav predlagača po primjedbi:

Primjedba nije uvažena, nastavna godina ne bi u tom slučaju bila završena na vrijeme.

2. Da proljetni odmor bude krajem aprila kako je i ranije bilo u zakonu, a ne krajem marta.

Stav predlagača po primjedbi:

Primjedba nije uvažena, jer je planirano održavanje Maturskih ispita te je veća opravdanost pozicioniranje proljetnog raspusta krajem marta.

3. U članu 60. da ferijalna praksa bude obavezna za tehničke i stručne škole.

Stav predlagača po primjedbi:

Primjedba nije uvažena, navedno pitanje je definisano nastavnim planom i programom. Uvažavajući primjedbu na član 65. Nacrta zakona koji je pomjeren u član 50., ovaj član je sada član 61.

4. Član 62. Da se ugradi u Pravilnik prilikom odbrane maturalnih završnih razreda mogućnost elektronske prezentacije.

Stav predlagača po primjedbi:

Primjedba se ne uvažava, navedeno pitanje nije predmet Zakona a pri izradi pravilnika primjedba će biti uzeta u razmatranje. Uvažavajući primjedbu na član 65. Nacrta zakona koji je pomjeren u član 50., ovaj član je sada član 63.

5. Član 111. Stav 4. da se obriše greška četverogodišnji studij i 180 ECTS a da stoji 240 bodova. Da se ugradi trogodišnji studij 180 ECTS.

Stav predlagača po primjedbi:

Primjedba se uvažava, izvršena korekcija.

OPĆINA TEŠANJ

Albin Softić, JU Srednja tehnička škola Tešanj

1. Član 111.

ukloniti stav 11. — obrazloženje: „u cilju adekvatne i kvalitetne realizacije škola mora imati određene aktive ali u određenim slučajevima škola nema zaposlenih nastavnika savjetnika ili višeg savjetnika”

Stav predlagača po primjedbi:

Primjedba je uvažena i izvršena korekcija u Prijedlogu zakona.

2. Član 114. stav 1, tačka b) iza riječi „rad” dodati tekst ” ako je raspisan konkurs na neodređeno radno vrijeme” — obrazloženje — škola pri raspisivanju konkursa ne raspisuje posebne konkurse za prijem pripravnika već se na isti konkurs mogu prijaviti sva lica koja imaju određenu stručnu spremu a prijem se vrši u skladu sa kriterijima”

Stav predlagača po primjedbi:

Primjedba nije uvažena, obrađivaču nije jasna primjedba.

3. 147. stav 2. iza riječi „Ministarstva” dodati tekst ”na period do isteka mandata direktora” a izbrisati postojeći tekst „koji se pribavlja svake školske godine za narednu školsku godinu”. stav 4. iza riječi „izbora” dodati tekst ” i razrješenja”

Stav predlagača po primjedbi:



Primjedba se djelomično uvažava, izvršena korekcija. Ministarstvo će posebnom instrukcijom definisati navedeno pitanje.

Muharem Saračević, prof.

1. Član 4.(Tip srednje škole) d)srednja stručna škola, u kojoj se ostvaruju, pored općeobrazovnog i stručni programi za III i IV stepen stručne spreme, te stiču zanimanja odgovarajuće struke (u daljem tekstu: stručna škola);
Član 4. pod d) brisati.

Stav predlagača po primjedbi:

Primjedba nije uvažena, komisiji nije jasan razlog brisanja alineje d).

2. Član 9. (Programi stručnog obrazovanja)

(2)U stručnoj školi mogu se realizirati i odgovarajući programi stručnog obrazovanja I i II stepena stručne spreme, odnosno stručno osposobljavanje putem kurseva.

Član 9. pod (2) brisati.

Stav predlagača po primjedbi:

Primjedba nije uvažena, komisiji nije jasan razlog brisanja stava 2).

3. Član 32.(Odobranje i donošenje nastavnih planova i programa za srednje stručno obrazovanje)

Nastavni plan i program za srednje stručno obrazovanje i obuku sastoji se od zajedničkog jezgra sastavljenog u skladu sa Okvirnim zakonom i Okvirnim zakonom o srednjem stručnom obrazovanju i obuci, planova i programa za stručne predmete i dijela nastavnog plana i programa koji se osmišljavaju u školama.

Član 32. Pod (1) Nejasno: u skladu sa Okvirnim zakonom i Okvirnim zakonom o srednjem stručnom obrazovanju i obuci

Stav predlagača po primjedbi:

Primjedba nije uvažena, komisiji nije jasna primjedba.

4. Član 38.(Nastavni sat)

(2)Trajanje nastavnog sata, način i uvjeti za izvođenje praktične nastave koja se izvodi izvan škole (u privrednim društvima, ustanovama ili kod obrtnika), bit će regulirani posebnim pravilnikom koji donosi Ministarstvo.Član 38. pod (2) da se unese koliko traje nastavni čas.

Stav predlagača po primjedbi:

Primjedba nije uvažena, jer je primjedba definisana Prijedlogom zakona.

5. Član 49.(Udžbenici i nastavna sredstva u srednjoj školi)

(3)Pod školskim udžbenikom kao nastavnim sredstvom podrazumijeva se i zbirka zadataka, priručnik, radna sveska i druga stručna literatura koja zamjenjuje udžbenik ili je njegov sastavni dio, izrađena u skladu sa koncepcijom udžbenika.

Član 49. Pod (3) Unijeti: Da se omogući školama da mogu raditi skripte i priručnike ako nema odgovarajućih udžbenika.

Stav predlagača po primjedbi:

Primjedba nije uvažena, jer je za udžbeničku politiku nadležno Federalno ministarstvo nauke i obrazovanja.

6. Član 52.(Upis učenika u gimnaziju)

(2)Upis se vrši na osnovu uspjeha učenika u završnim razredima osnovne škole.

Član 52. Pod (2) izmijeniti a treba da glasi: Upis se vrši na osnovu prosječne ocjene učenika u završnim razredima osnovne škole koju će utvrditi Ministarstvo.

Stav predlagača po primjedbi:

Primjedba nije uvažena, komisiji nije jasna primjedba. Uvažavajući primjedbu na član 65. Nacrta zakona koji je pomjeren u član 50., ovaj član je sada član 53.

7. Član 57.(Obrazovanje učenika u tehničkoj i srodnoj školi)

(3)U tehničkoj i srodnoj školi stižu se odgovarajuća stručna zvanja.Član 57. pod (3) zvanja zamijeniti sa zanimanja

Stav predlagača po primjedbi:

Primjedba je uvažena, izvršena korekcija. Uvažavajući primjedbu na član 65. Nacrta zakona koji je pomjeren u član 50., ovaj član je sada član 58.

8. Član 66.(Upis učenika u stručnu školu)

Član 66. Ubaciti: Upis se vrši na osnovu prosječne ocjene učenika u završnim razredima osnovne škole koju će utvrditi Ministarstvo.

Stav predlagača po primjedbi:

Primjedba nije uvažena, komisiji nije jasna primjedba.

9. Član 70.(Ferijalna praksa)Član 70. Da se definiše ko donosi i usvaja nastavni plan i program za obavljanje ferijalne prakse učenika.

Stav predlagača po primjedbi:

Primjedba nije uvažena, navedeno pitanje je definisano Zakonom.

10. Član 94. (Opći uspjeh i zaključivanje ocjena)

U članu 94. dodati: Izvještaj o uspjehu učenika utvrđuje Nastavničko vijeće.

Stav predlagača po primjedbi:

Primjedba je uvažena, izvršena korekcija.

11. Član 103.(Dokumentacija i evidencija u srednjoj školi)

Član 103. Dodati stav (4) Evidencija i dokumentacija po modularnom NPiP.

Stav predlagača po primjedbi:

Primjedba nije uvažena, navedeno pitanje je definisano Zakonom.

12. Član 114.(Uvjeti za zasnivanje radnog odnosa nastavnika, stručnih saradnika i saradnika)U članu 114. Napraviti vezu sa Ugovorom o radu.

Stav predlagača po primjedbi:

Primjedba nije uvažena, komisiji nije jasna primjedba.

13. Član 130.(Praćenje i vrednovanje rada nastavnika, stručnih saradnika i saradnika)

Član 130. Izbaciti ili ako ostaje da se i primjenjuje.

Stav predlagača po primjedbi:

Primjedba nije uvažena. Navedeni član ostaje u Prijedlogu zakona.

OPĆINA VAREŠ

Javna rasprava je održana, na postavljena pitanja predstavnici Ministarstva su odgovorili na licu mjesta, a naknadno u ostavljenom roku, primjedbe ili sugestije po dostavljenim materijalima-Nacrtu Zakona, nisu proslijeđene od strane resorne općinske službe.

OPĆINA USORA

Javna rasprava je održana, na postavljena pitanja predstavnici Ministarstva su odgovorili na licu mjesta, a naknadno u ostavljenom roku, primjedbe ili sugestije po dostavljenim materijalima-Nacrtu Zakona, nisu proslijeđene od strane resorne općinske službe.



OPĆINA MAGLAJ

Javna rasprava je održana, na postavljena pitanja predstavnici Ministarstva su odgovorili na licu mjesta, a naknadno u ostavljenom roku, primjedbe ili sugestije po dostavljenim materijalima- Nacrtu Zakona, nisu proslijeđene od strane resorne općinske službe.

OPĆINA VISOKO

Medresa „Osman ef. Redžović“

1. Član 3. Umjesto srednja škola za vjerske službenike da bude srednja vjerska škola.

Stav predlagača po primjedbi:

Primjedba je uvažena, izvršena korekcija.

2. Član 74 dopuniti sa dva nova stava. (4) Vjerska škola se može organizirati sa domom za učenike. (5) Za vjersku školu sa domom za učenike primjenjuju se odredbe članova od 153 do 163 koje se odnose na rad doma učenika.

Stav predlagača po primjedbi:

Primjedba je uvažena, izvršena korekcija.

„Gimnazija“ Visoko

3. Član 39. Ukinuti proljetni raspust ili ostaviti krajem aprila.

Stav predlagača po primjedbi:

Po ovom pitanju vođena je stručna rasprava na Skupštini ZDK od strane podnosioca inicijative, resornog Ministarstva i obrazovnih sindikata nakon čega predmetna inicijativa nije dobila potrebnu većinu, te je ostala pri stavu da je Zakonsko rješenje uvođenja proljetnog raspusta opravdano. Obzirom da prijedlog Zakona sadržava dio inicijative koji se odnosi na pomjeranje korištenja proljetnog raspusta, (sa kraja mjeseca aprila na kraj marta tekuće godine), mišljenja smo da je navedenom izmjenom, u odnosu na prethodna zakonska rješenja, prijedlog djelimično uvažen.

4. Član 53 stav 2 da se precizira.

Stav predlagača po primjedbi:

Primjedba nije uvažena, navedeno pitanje je definisano Zakonom. Uvažavajući primjedbu na član 65. Nacrta zakona koji je pomjeren u član 50., ovaj član je sada član 54.

5. Član 94 preciziranje navedenog člana pod stavom (3)

Stav predlagača po primjedbi:

Primjedba nije uvažena, navedeno pitanje je dovoljno definisano Zakonom.

6. Član 107 stav 4. Da ostane mogućnost promjene ocjene iz vladanja tokom cijele godine.

Stav predlagača po primjedbi:

Primjedba nije uvažena, navedeno pitanje je definisano Zakonom u članu 107. stavom (3)

6. Član 111. Umjesto 20 da se stavi 5 godina iskustva za zvanje mentora.

Stav predlagača po primjedbi:

Primjedba je uvažena, izvršena korekcija.

7. Član 138 – stav 2 ..od ukupnog broja prisutnih članova zamijeniti sa većina imenovanih članova školskog odbora.



Stav predlagača po primjedbi:

Primjedba je uvažena, izvršena korekcija.

8. Pripravnički staž da traje šest mjeseci.

Stav predlagača po primjedbi:

Primjedba nije uvažena iz razloga što smatramo da se kandidat ne može osposobiti za samostalan odgojno-obrazovni rad za period od šest mjeseci te da treba proći period od najmanje jedne nastavne godine (devet mjeseci).

7. Uvođenje elektronske dokumentacije.

Stav predlagača po primjedbi:

Primjedba nije uvažena, navedeno pitanje nije predmet Zakona.

ASOCIJACIJA SREDNJOŠKOLACA U BOSNI I HERCEGOVINI

1. Član 95. Formiranje komisije za prigovor roditelja na zaključnu ocjenu.

Stav predlagača po primjedbi:

Primjedba je razmatrana, navedeno pitanje će biti definisano podzakonskim aktima.

2. Član 91. Dodati „i one koji su društveno aktivni u određenim organizacijama a na osnovu aktivnosti kojima se bavi i uz potvrdu Upravnog tijela organizacija“.

Stav predlagača po primjedbi:

Primjedba nije uvažena, jer je diskriminatorski prema svim ostalim učenicima koji nisu u mogućnosti da iz opravdanih razloga učestvuju u radu organizacija.

3. Član 130. Dodati novi član koji će uvesti obaveznu evaluaciju profesora od strane učenika. Evaluaciju bi provodio pedagog škole.

Stav predlagača po primjedbi:

Primjedba nije uvažava, jer je navedeno pitanje već definisano internim aktima škole.

4. Član 39. Da ostane proljetni raspust krajem aprila.

Stav predlagača po primjedbi:

Primjedba nije uvažena, jer je planirano održavanje Maturskih ispita te je veća opravdanost pozicioniranje proljetnog raspusta krajem marta.

OBRADIVAČ:

**Ministarstvo za obrazovanje, nauku,
kulturu i sport Zeničko-dobojskog kantona
Zenica, juni/lipanj 2017. godine**





Broj: 03-02-21389-2/17
Zenica, 08.06.2017. godine

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA**

PREDMET: Mišljenje o Prijedlogu Zakona o srednjoj školi - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst Prijedloga Zakona o srednjoj školi, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov Prijedloga Zakona o srednjoj školi (u daljem tekstu: Zakon) je pravilno utvrđen, s obzirom da je članom 18. Ustava Zeničko-dobojskog kantona regulisano da nadležnosti kantonalne vlasti, između ostalog, obuhvataju i „utvrđivanje obrazovne politike, uključujući donošenje propisa o obrazovanju i osiguranju obrazovanja“, kao i donošenje zakona i ostalih propisa za izvršavanje kantonalnih nadležnosti.

Prijedlog Zakona je usklađen sa Ustavom, pravnim sistemom, kao i sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona" broj 5/08), što se može konstatovati nakon što su, u postupku usaglašavanja, prihvaćene date primjedbe i sugestije.

Shodno naprijed navedenom, stekli su se uvjeti za davanje mišljenja shodno članu 31. stav (1) tačka a). Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11) i upućivanje Prijedloga Zakona u dalju proceduru.

Dostavljeno:

- 1 x Naslovu,
- 1 x Sekretar Vlade,
- 1 x a/a



SEKRETAR

Berjana Ačkar

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRAVOSUĐE I UPRAVU



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF
JUDICIARY & ADMINISTRATION

Ministarstvo za obrazovanje, nauku,
kulturu i sport
n/r ministra
-ovdje-

Zenica, 6.6.2017. godine

Veza Vaš broj: 10-02-21389-1/16 od 23.5.2017.

Naš znak: 06/02 - **02-21389-2/17**

PREDMET: Prijedlog Zakona o srednjoj školi - stajalište, dostavlja se

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u svezi s člankom 31. stavak 1. točka b), Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11) u roku utvrđenom stavkom 2. istog članka, Ministarstvo za pravosuđe i upravu Zeničko-dobojskog kantona u postupku utvrđivanja usklađenosti Prijedlog Zakona o srednjoj školi, dostavljenog aktom Ministarstva za obrazovanje, nauku, kulturu i sport, broj: 10-02-21389-1/16 od 23.5.2017. sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje, sljedeće

stajalište

Ministarstvo za pravosuđe i upravu Zeničko-dobojskog kantona s aspekta svoje mjerodavnost, nema primjedbi na dostavljeni Prijedlog Zakona o srednjoj školi.

S obzirom na naprijed navedeno, stajališta smo da se akt može uputiti u dalju procedure usvajanja.

S poštovanjem,

Dostavljeno:
1 x Naslovu
1 x U pismohranu





5428

33/14

03/1
06/1
04/1

Broj: 07-02-13580-1-2/16
Zenica, 25.05.2017. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Zakona srednjoj školi - *dostavlja se*

Ministarstvo finansija je razmotrilo Prijedlog Zakona srednjoj školi, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U dostavljenom Obrazloženju Prijedloga Zakona srednjoj školi, navedeno je da za „realizaciju ovog Zakona nije potrebno u Budžetu Kantona obezbijediti dodatna finansijska sredstva...“

U dostavljenoj Izjavi o fiskalnoj odgovornosti – Obrazac IFP-NE od 23.05.2017. godine, navedeno je da „predloženi Prijedlog Zakona o srednjoj školi neće zahtijevati dodatna sredstva iz Budžeta Zeničko-dobojskog kantona. Ujedno napominjemo da će eventualna dodatna sredstva iz Budžeta Zeničko-dobojskog kantona biti tretirana posebnim pratećim aktima, prvenstveno novim Pedagoškim standarima i normativima za srednju školu, kao pravnog okvira za finansiranje srednjeg obrazovanja i koji razmatra Vlada Kantona.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj odgovornosti/procjeni, Ministarstvo finansija nema primjedbi iz svoje nadležnosti, stim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo za obrazovanje, nauku, kulturu i sport Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,
1x a/a.




MINISTAR

Andrej Kajić



OBRAZAC IZJAVE O FISKALNOJ ODGOVORNOSTI

A1. Obradivač propisa						
Naziv obrađivača	KOD	Ministarstvo za obrazovanje, nauku, kulturu i sport				
Razdjel	22030000	Srednje obrazovanje				
B2. Osnovni podaci o prijedlogu propisa						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa	Zakon o srednjoj školi - Prijedlog					
C3. Izjava o nepostojanju dodatnih fiskalnih efekata predloženog propisa						
Predloženi Prijedlog Zakona o srednjoj školi neće zahtijevati dodatna sredstva iz Budžeta Zeničko-dobojskog kantona. Ujedno napominjemo da će eventualna dodatna sredstva iz Budžeta Zeničko-dobojskog kantona biti tretirana posebnim pratećim aktima, prvenstveno novim Pedagoškim standardima i normativima za srednju školu, kao pravnog okvira za finansiranje srednjeg obrazovanja i koji razmatra Vlada Kantona.						
F7. Pečat i potpis odgovornog lica obrađivača propisa				Mjesto i datum	Zenica; 09.06.2017. godine	